

# لِنْجِيلُ نَ مَتَّ

1

إِفْرِ إِزْوَارْنُ

<sup>1</sup> غُواذْ أَيْنَگَانْ أَرَّا نْ لَاجْدُودْ نْ يَسُوعْ لِمَسِيحْ يُوسْنْ نْ دَاوْدْ يُوسْنْ نْ إِبْرَاهِيمْ. <sup>2</sup> إِبْرَاهِيمْ يُروْ إِسْحَاقْ يُروْ يَعْقُوبْ. يَعْقُوبْ يُروْ يَهُوذَا دْ أَيْتَمَاسْ. <sup>3</sup> إِتَهْلْ يَهُوذَا ثَامَارْ يَرُو دِيدْسْ فَارِصْ دْ زَارَخْ. فَارِصْ يُروْ حَصْرُونْ. حَصْرُونْ يُروْ أَرَامْ. <sup>4</sup> أَرَامْ يُروْ عَامِينَادَابْ عَامِينَادَابْ يُروْ نَاحْشُونْ. نَاحْشُونْ يُروْ سَالْمُونْ. <sup>5</sup> إِتَهْلْ سَالْمُونْ رَاحَابْ يَرُو دِيدْسْ بُوْعَازْ إِتَهْلْ بُوْعَازْ رَاعُوتْ يَرُو دِيدْسْ عُوبِيدْ. عُوبِيدْ يُروْ يَسَى. <sup>6</sup> يَسَى يُروْ دَاوْدْ أَكْلِيدْ. يَوِي دَاوْدْ لِي يِكَانْ أَكْلِيدْ تَلَى تِينْ إِكَانْ يَوِيتْ أُورِيَا يَرُو دِيدْسْ سُلَيْمَانْ. <sup>7</sup> سُلَيْمَانْ يُروْ رَاحْبَاعَامْ رَاحْبَاعَامْ يُروْ أَبِيَا. أَبِيَا يُروْ آسَا. <sup>8</sup> آسَا يُروْ يَهُوشَفَاطْ يُروْ يُورَامْ. يُورَامْ يُروْ عُزِيَا. <sup>9</sup> عُزِيَا يُروْ يُوْثَامْ. يُوْثَامْ يُروْ أَحَازْ. أَحَازْ يُروْ حِزْقِيَا. <sup>10</sup> حِزْقِيَا يُروْ مَنَسَى. مَنَسَى يُروْ آمُونْ آمُونْ يُروْ يُوشِيَا. <sup>11</sup> يُوشِيَا يُروْ يَكُنِيَا دْ أَيْتَمَاسْ غْ أَزْمَزْ لِيغْ سَرْحَلْنْ مَدَنْ سْ تَمَرْتْ نْ بَابِلْ. <sup>12</sup> مَادْ سَرْحَلْنْ مَدَنْ سْ تَمَرْتْ نْ بَابِلْ يَكُنِيَا يُروْ شَالْتَنِيلْ. شَالْتَنِيلْ يُروْ زَرْبَابِلْ. <sup>13</sup> زَرْبَابِلْ يُروْ أَبِيهُودْ. أَبِيهُودْ يُروْ أَلِيَاقِيمْ. أَلِيَاقِيمْ يُروْ عَازُورْ. <sup>14</sup> عَازُورْ يُروْ صَادُوقْ. صَادُوقْ يُروْ أَخِيمْ أَخِيمْ يُروْ أَلِيُودْ. <sup>15</sup> أَلِيُودْ يُروْ أَلِيعَازَرْ. أَلِيعَازَرْ يُروْ مَنَانْ. مَنَانْ يُروْ يَعْقُوبْ. <sup>16</sup> يَعْقُوبْ يُروْ يُوسُفْ أَرْكَازْ نْ مَرِيمْ لِي يُروْنْ يَسُوعْ لِي مِ تِينْ لِمَسِيحْ. <sup>17</sup> تَسُوتِينْ كُلُوتَتْ لِي لَانِينْ غُمْنْ إِبْرَاهِيمْ أَرْ دَاوْدْ كَانْتْ كُوْزْ دْ مَرَأْوَتْ نْ تَسُوتْ. إِلِينْتْ كُوْزْ دْ مَرَأْوَتْ نْ تَسُوتْ غُمْنْ دَاوْدْ أَرْ أَزْمَزْ نْ رَحِيلْ سْ بَابِلْ. دْ كُوْزْ دْ مَرَأْوَتْ نْ تَسُوتْ غُمْنْ رَحِيلْ سْ بَابِلْ أَرْ لِمَسِيحْ. <sup>18</sup> أَمَّا تَلَالِيتْ نْ يَسُوعْ لِمَسِيحْ تَنْكَأْ غَمْكَادْ: لِيغْ حَرَانْ إِضَالْبْ يُوسُفْ مَرِيمْ لِي يِكَانْ مَاسْ نْ لِمَسِيحْ، دْ لِيغْ تَا أُورْ تَاهَلْنْ، يُوفَنَنْ تُوسِي أَلْحِلِيَگْ سْ رُوحْ لَقْدُسْ. <sup>19</sup> أَرْكِيدْ يُوسُفْ لِيَتِنْ إِضَالْبْنْ إِكَأْ يَانْ أَرْكَازْ إِصْلَحْنْ أُورْ إِرِي أَكِيسْ إِصْضَصَا مَدَنْ، إِكْ غْ إِخْفْ نَسْ أَدَاسْ إِرْزَمْ بَلَا يَوِيدْ يَانْ لَاخْبَارْ. <sup>20</sup> وَلَائِنِي أَرْ نِيتْ سُولْ إِسْوِنْكِيمْ دْ إِخْفْ نَسْ غْ مَيَادْ سَاسْدْ إِبَايِنْ لَمَلَكْ

نْ رَبِّيْ غْ تُورَكِيتْ نْسْ إِنَائِسْ: «وَا يُوسْفْ يُوسْنْ دَاوْدْ، أَدْ أُورْ تَكْصَاتْ غْ أَتَوِيتْ مَرِيمْ أَتَگْ تَمْغَرْتْ نَكْ، أَشْكُو وَلَيْ يَلَانْ غْ أَحْلِيَكْ نْسْ رُوحْ لَقْدُسْ أَغْ إِكَأْ. <sup>21</sup> هَتِي رَأْتَرُو يَانْ وَرَأْوْ تَكْتَغْتْ أَسْ سْ إِسْمْ يَسُوعْ، أَشْكُو نَتَانْ أَرَأْ إِجْنَجْمْ مَدَنْ لَيْ كَنِينْ وَنِسْ غْ دَنْوَبْ نَسْنْ». <sup>22</sup> مِيَادْ كُلُو إِلَّا فَادْ إِكْمَلْ أَيْلَيْ سْ إِنَّا رَبِّيْ سْ إِلْسْ نْ بَيْ لَيْ يَنَانْ: <sup>23</sup> «هَانْ تَعِيَالْتْ رَأْ تَسِي أَحْلِيَكْ تَرُو يَانْ وَرَأْوْ لَيْ مِ رَادْ تَتِينْ عَمَانُوئِيلْ» لَيْ مِ إِكَأْ لَمْعَنَا نْسْ رَبِّيْ إِلَّا دِيدْنَخْ. <sup>24</sup> لَيْغَدْ إِنْكَرْ يُوسْفْ غْ إِضْصَنْ نْسْ، إِسْكَرْ غَمْكَلِي يَاسْ إِنَّا لَمَلاَكْ نْ رَبِّيْ، يَوِي مَرِيمْ تَكْ تَمْغَرْتْ نْسْ. <sup>25</sup> وَلَائِنِي أُورْ فَلَاسْ إِكْشَمْ أَيْلَيْغْ تَرُو أَرَأْوْ نْسْ أَمْزُورُو إِكَاسْ سْ إِسْمْ يَسُوعْ.

2

## إِفْرُ وِيسَ سِينَ

<sup>1</sup> لَيْغَدْ إِلْوُلْ يَسُوعْ غْ بَيْتْ لَحْ غْ تَمَرْرَتْ نْ لَيْهُودِيَا غْ أُسَانْ نْ أَكْلِيدْ هِيرُودُسْ، أَشْكَنْدْ كَرَا نْ لَمَجُوسْ غْ لَقْبَلْتْ سْ تَمْدِنْتْ نْ أُورُشَلِيمْ، <sup>2</sup> أَرْ سَقَانْ: «مَنِيعْ إِلَّا أَكْلِيدْ نْ وَدَائِنْ لَيْ حَرَادْ إِلْوَنْ؟ أَشْكُو نَزْرَا إِتْرِي نْ إِغْلِيدْ غْ لَقْبَلْتْ نَاشْكَدْ أَدَسْ نَسْجَدْ». <sup>3</sup> لَيْغْ إِسْقَلَدْ أَكْلِيدْ هِيرُودُسْ إِمَيَانْ يَكْصَاصْ إِلْتَفْ نَتَانْ أَلَا كَرَا إِلَانْ غْ تَمْدِنْتْ نْ أُورُشَلِيمْ. <sup>4</sup> إِنْكَرْ إِسْمُونْدْ كُلُو إِرِيَاسْنْ نْ إِنْدَادْنْ نْ وَدَائِنْ دْ إِسْلَمَادْنْ نْ شَرْعْ، إِسْقَسَاتْنْ: «مَنِيعْ رَادْ إِلَّا لَمَسِيقْ؟» <sup>5</sup> نَانْ أَسْ: «غْ بَيْتْ لَحْ غْ تَمَرْرَتْ نْ لَيْهُودِيَا، أَشْكُو غَمْكَانْ أَيْتَيْرَانْ غْ وَرَانْ بَيْ لَيْ يَنَانْ: <sup>6</sup> «كَمْمِنْ أَبَيْتْ لَحْ غْ وَكَالْ نْ يَهُوذَا أُورْ جُونْ تَمَرْرَتْ غْ كَرْ تَمَدِنِينْ نْ يَهُوذَا، أَشْكُو كَمْمِنْ أَغْ رَادْ إِفْغْ يَانْ أَنْمُغُورْ لَيْ رَايْرُوَارْ إِمْدَنْ إِنُو نْ أَيْتْ إِسْرَائِيلْ».

<sup>7</sup> غَكُودَانْ أَيْغَرَا هِيرُودُسْ إِلْمَجُوسْ سْ تَنَنْلَا، إِحْقَاقْ دَارْسْنْ تَرِي لَيْغَدْ إِغْلِي إِتْرِي يَانْ. <sup>8</sup> يَازْنَنْ إِلْمَا سْ بَيْتْ لَحْ إِنَائِسْ: «زَيْدَاتْ تَسْكَلْمْ بَهْرَا سْ أَحْشَمِيْ نَا، لُوقَتْ نَاتْ تَوْفَامْ تَتِيمْ أَيْتَيْدْ أَنْ أَشْكَخْ أَلَا نَكِينْ أَدَسْ سَجْدَخْ». <sup>9</sup> لَيْغْ سَقَلَدْنْ وَلَيْ إِوَالْ نْ أَكْلِيدْ، مُونْ دْ أَغْرَاسْ نَسْنْ سْ هَادْ دَاخْ إِتْرِي لَيْ زَرَانْ غْ لَقْبَلْتْ إِزْوُورْ أَسْنْ أَيْلَيْغَدْ إِلْكَمْ إِكَيْ نْ غَلِيْغْ إِلَّا أَحْشَمِيْ لَيْ، إِيدْ كِيسْ. <sup>10</sup> لَيْغْ زَرَانْ إِتْرِي يَانْ فَرْحَنْ يَانْ لَفْرَخْ بَهْرَا إِكُوتْنْ. <sup>11</sup> أَشْكَنْدْ سْ تَكْمِي يَانْ أَفْنِينْ أَحْشَمِيْ دْ مَاسْ مَرِيمْ، كُنُونْ نَيْتْ سَجْدَنْ أَسْ، رَزْمَنْ تَعْدَالْ نَسْنْ لَيْغَدْ گَانْ تِسْمُغُورِينْ لَيْ

يَاسْدِ إِوينْ، أُورْغُ دَلْبُخُورْ نْ تِدْكَتْ دَ تُوجُوتْ نْ لُمُورْ. <sup>12</sup> سْ لِيغْتَنْدِ إِعْلَمْ رَبِّي غْ تُورْكِيتْ نْسْنْ أَسْوْلُ أُورْ أَصْوْنْ سْ دَارْ هِيرُودُسْ، نَكْرْنْ أَمْزْنْ أَغْرَاسْ يَاضْنْ سْ تَمْزِرْتْ نْسْنْ.

<sup>13</sup> لِيغْ إِلْمَا دَانْ لَمَجُوسْ لِي، سْ هَادْ لَمَلَاكْ نْ رَبِّي إِبَايِنْدِ إِيُوسْفْ غْ تُورْكِيتْ نْسْ إِنَّايسْ: «نِكْرْ تَوِيتْ دَ مَاسْ تَرْوَلتْ سْ تَمْزِرْتْ نْ مَصْرْ تَلِيَتْنْ كِيسْ أَرْكِيغْ أَكْ نِيغْ أَدْ تَضُوتْ، أَشْكُو هِيرُودُسْ رَايْسِكِيلْ أَحْشَمِي نَا أَتْ إِنْغْ». <sup>14</sup> إِنْكْرْ يُوسْفْ ضَيْيِضْ أَنْ، يَوِي أَحْشَمِي دَ مَاسْ دُونْ سْ مَصْرْ. <sup>15</sup> إِغْمَانْ كِيسْ أَلْيِلْيَغْ إِمُوتْ هِيرُودُسْ. فَادَ إِكْمَلْ أَيْلِي سْ يَادْ إِنَّا رَبِّي سْ إِلْسْ نْ نَبِي لِي بِيَنْ: «مَصْرْ أَغْدْ غَرِيْخْ إِبِوي».

<sup>16</sup> لِيغْ إِزْرَا هِيرُودُسْ لَمَجُوسْ طَنْزْنْ كِيسْ، تُطِيرْ أَسْ إِلْمَا بَهْرَا إِصْرَفْ مَايِنْقَانْ إِحْشَمِينْ لِي كُلُو لَانِينْ غْ بَيْتْ لَحْمْ دَ لَمَوْضِيعْ لِي يَاسْ كُلُو سُوتْلَنِينْ، غُمْنْ أَرَأَوْنْ سِينْ إِسْكَانْ سْ إِزْدَارْ، سْ لَحْسَابْ نْ أَزْمَزْ لِي يَحْقَاقْ دَارْ لَمَجُوسْ. <sup>17</sup> غَكُودَانْ أَدْ إِكْمَلْ أَيْلِي بِيَنْوَنَانْ سْ إِلْسْ نْ نَبِي إِرْمِيَا لِي بِيَنْ: «تَمْدِنْتْ نْ رَاما أَغْ نَسْفَلْدِ إِتْغُوِيَّتْ، نَكْرْنْ إِمْطَاوْنْ تَغُوِيَّتْنِ گُوتْنِينْ، رَاحِيلْ أَرْ تَلَّافْ تَرْوَأْ نْسْ تَكِي أَتْصِبْرْ، أَشْكُو مُوتْنْ أُورْ سُولْ غَمَانْ».

<sup>18</sup> لِيغْ إِمُوتْ هِيرُودُسْ، إِبَايِنْدِ لَمَلَاكْ نْ رَبِّي إِيُوسْفْ غْ تُورْكِيتْ نْسْ غْ مَصْرْ، <sup>20</sup> إِنَّايسْ: «نِكْرْ تَسِيتْ أَحْشَمِي نَا دَ مَاسْ، تَدُوتْ سْ تَمْزِرْتْ نْ إِسْرَائِيلْ، أَشْكُو مُوتْنْ وَلِي سِكِيلِينْ أَتْ نَغْنْ». <sup>21</sup> إِنْكْرْ إِرَارْدْ أَحْشَمِي لِي دَ مَاسْ، يَاشْكَدْ سْ تَمْزِرْتْ نْ إِسْرَائِيلْ. <sup>22</sup> وَلَانِي لِيغْ إِسْقَلْدْ إِزْدْ أَرْخِيلَوْسْ أَيْتَحْكَامْنْ غْ تَمْزِرْتْ نْ لِيَهُودِيَا غْ إِدِيسْ نْ بَابَاسْ هِيرُودُسْ، يَكْصَاصْ أَيْدُو سْ غِينْ. لِيغْتِيدْ إِعْلَمْ رَبِّي غْ تُورْكِيتْ نْسْ إِنْكْرْ إِلُو سْ تَمْزِرْتْ نْ لَجَلِيلْ. <sup>23</sup> يَاشْكَدْ إِلْمَا إِزْدَغْ غْ تَمْدِنْتْ لِي مِ تِتِينْ نَاصِرَا، فَادَ إِكْمَلْ أَيْلِي سْ نَانْ لَانِبِيَا: «أُونَّاصِرَا أَسْ رَادَاسْ تِتِينْ».

3

## إِفْرِ وِيسْ كِرَاصْ

<sup>1</sup> أَسَانْ أَنْ أَغْدْ إِبَايِنْ يُوحنَّا لَمَعْمَدَانْ غْ لَخْلَانْ تَمْزِرْتْ نْ لِيَهُودِيَا أَرْ إِتْتِي: «أَصْوِيَادْ سْ أَغْرَاسْ أَشْكُو تَازْدْ تَكْلِيدِيتْ نْ إِكْنَوَانْ». <sup>3</sup> يُوحنَّا أَدْ أَفْ إِسَاؤْلُ نَبِي إِشَعْيَا لِيغْ إِنَّا: «هَانْ يَانْ لَبْرِيْخْ نْ يَانْ أَبْرَاحْ غْ لَخْلَانْ أَرْ إِتْتِي: إِوْجَدَاتْ أَغْرَاسْ إِسِيدِيَّتْخْ، سَنْمَاتْ

إِغْرَاسْنْ نَسْ». <sup>٤</sup> إِكْتِينْ يُوحنَّا أَرْ إِلْسَا لُوبْرْنْ إِرْعَمَانْ أَرْ إِتْبَكَاسْ سْ تَاكْسْتْ نْ إِلْمْ. أَرْ إِشْتَتا  
تَمُورْغِي دْ تَمَنْتْ نْ لَخْلَا. <sup>٥</sup> إِفْغَدْ دَارْسْ كُرَا إِلَانْ غْ تَمْدِنْتْ نْ أُورْشَلِيمْ دْ تَمَرْرْتْ نْ لِيُهُودِيَا  
دْ لَمَوَاضِيعْ لِي كُلُو سُوتَلَنِينْ إِوْسِيفْ نْ لُرْدُنْ، <sup>٦</sup> تَعْمَدْنْ فْ أُفُوسْ نَسْ غْ وَمَانْ نْ وَسِيفْ نْ  
لُرْدُنْ، أَرْ تَقْرُونْ سْ دَنْتُوبْ نَسْ.

<sup>٧</sup> لِيغْ يَنِّي يُوحنَّا كِيْكَانْ دْ لَفْرِيسِيَّيْنْ دْ صُدُوقِيَّيْنْ أَرْدْ تَشْكَانْ أَدَارْسْ تَعْمَدْنْ غْ وَمَانْ، إِنَّا يَسْ: «مَادْ أَوْنْ إِمْلَانْ أَتَرْوَا نْ إِلْكَمَاضْنْ إِسْ تَرْضَارْمْ أَتَرْوَلْمْ غْ لَعَقَابْ لِي رَادْ يَاشْكْ؟ <sup>٨</sup> سَكْرَاتْ لَغَلَاتْ لِيَدْ مُشُوشَكَنِينْ دْ تُوبْتْ نُونْ، <sup>٩</sup> أَدْ أُورْ تَنِيمْ دْ إِخْفَاؤْنْ نُونْ: نَكْنِي هَتِي إِلَا دَارْنَخْ بَابَاتْخْ إِيرَاهِيمْ. أَشْكُو أَرَأْوَنْ تَنِيخْ: هَانْ رَبِّي إِرْضَارْ أَدْ إِسْنَكْرْ تَرْوَا إِبِيرَاهِيمْ غْ إِزْرَانْ أَدْ. <sup>١٠</sup> غِلَادْ هَانْ أَكْلَزِيمْ إِتَرْسْ فْ أَكْجَانْ أَصْغَارْ، أَصْغَارْ أُورْ إِسْكَارْنْ لَغَلَتْ إِفُولْكِينْ رَا إِنَّيُوبَائِي إِصْرَنْ غْ لَعْقِيْتْ. <sup>١١</sup> نَكِّي هَيْ أَرْكِنْ تَعْمَادْخْ سْ وَمَانْ فَادْ تَضُومْ سْ أَغْرَاسْ، وَلَايِنِي وَلَيِّيدْ إِصْفُورْنْ يُوكْرِي غْ لَجْهَدْ، أُورْ سَتَهَلَّاخْ أَدْ أَسِيخْ تُورْزِيَّيْنْ نَسْ. نَتَّانْ رَاكِنْ إِتَعْمَادْ سْ رُوحْ لَقْدُسْ دْ لَعْقِيْتْ. <sup>١٢</sup> هَتِي إِكَادْ تَرَرْتْ غْ أُفُوسْ نَسْ أَيْزُورْزْ أَنْرَارْ نَسْ، إِسْمُونْدْ إِرْدُنْ سْ لَخْرِينْ نَسْ إِجْذَرْ أَلِيمْ سْ لَعْقِيْتْ أُورْ إِنْسَانْ».

<sup>١٣</sup> تَرِي يَانْ أَدْ يُوشَكَا يَسُوعْ غْ تَمَرْرْتْ نْ لَجَلِيلْ سْ وَسِيفْ نْ لُرْدُنْ دَارْ يُوحنَّا أَيْتَعْمَدْ غْ وَمَانْ فْ أُفُوسْ نَسْ. <sup>١٤</sup> وَلَايِنِي يُوحنَّا يُوكِي أَتْ يَاجْ إِنَّا يَسْ: «نَكِّينْ أَيْحَتْجَانْ أَدْ تَعْمَادْخْ فْ أُفُوسْ نُكْ، تَاشْكَدْ كِيْ دَرِي؟» <sup>١٥</sup> إِوْاجْبَدْ يَسُوعْ إِنَّا يَسْ: «أَجْ مَيَادْ أَيْلِي غِلَادْ، أَشْكُو غَمْكَادْ أَسْ رَادْ نَكْمَلْ كُولْ مَايِرَا رَبِّي». غَكُودَانْ أَتْ إِلْمَا يُوجَّا يُوحنَّا أَيْعَمَدْ فْ أُفُوسْ نَسْ. لِيغْ إِتَعْمَدْ يَسُوعْ إِفْغَدْ غْ وَمَانْ، رَزْمَنْ أَسْ إِكْنَوَانْ أَرْ إِتَّايْ رُوحْ نْ رَبِّي إِكْرَذْ فَلَّاسْ زُونْدْ كُرَا نْ أَتِيْرْ. <sup>١٦</sup> إِكَدْ يَانْ وَوَالْ إِكْنَوَانْ أَرْ إِتِيْ: «غُواَدْ أَيْكَانْ يِويِي إِعْرَانْ لِي فْ رَضِيقْ».

4

## إِفْرِ وِيسْ كُورْ

<sup>١</sup> إِرْوَارْ إِلْمَا رُوحْ لَقْدُسْ إِيْسُوعْ سْ لَخْلَا أَتْ إِجْرَبْ إِبِلِيسْ. <sup>٢</sup> لِيغْ يِزْرُومْ سِينْ إِدَ عَشْرِينْ نْ وَاسْ ضَيْبِيْضْ دْ أُزَالْ، يَاغْتْ إِلْمَا لَازْ. <sup>٣</sup> يَاشْكَنْ سُرْسْ إِبِلِيسْ إِنَّا يَسْ: «إِغْ تَكِيتْ يِوسْ نْ

رَبِّي، تَبَيَّنَتْ إِيْرَانْ أَذْ أَذْ كَنْ أَغْرُومْ». <sup>4</sup> إِوْاجْبَدْ إِنَّايسْ: «أُورْدَ أَغْرُومْ كَا أَسْ إِتَّدَرْ أَفْكَانْ، وَلَائِنِي أَرْ إِتَّدَرْ سْ كُرِيَّكَاتْ أَوَالْ نَادْ إِفْعَنْ غِ إِمِي نْ رَبِّي». <sup>5</sup> يَوِيتْ إِبْلِيسْ سْ تَمْدِنْتْ إِتَّيَوْقَدَسْنْ إِسْبِيَّدَتْ فِ إِكَّي نْ لَهِيَّكْ <sup>6</sup> إِنَّايسْ: «إِغْ تَكِيَّتْ يَوْسْ نْ رَبِّي، تَلُوْحَنْ إِخْ نَكْ سْ إِزْدَارْ، أَشْكُو إِتَّيُورَا غِ وَرَا نْ رَبِّي، إِسْ رَا فَلَاكْ يُوصُو لَمَلَائِكَ نَسْ، أَكْ أَسِينْتْ فِ إِفَاسْ نَسْنَتْ أَذْ أُورْ إِلْمُوقُورْ كَرَا نْ أَزْرُو دْ أَضَارْ نَكْ». <sup>7</sup> إِنَّايسْ يَسُوعْ: «إِتَّيُورَا دَاخْ غِ وَرَا نْ رَبِّي: أَذْ أُورْ تَجَرَّابَتْ سِيدِيكْ رَبِّي لَيْ يِكَانْ بَابْ نَكْ». <sup>8</sup> يَوِيتْ دَاخْ إِبْلِيسْ سْ وَفَا نْ يَانْ أَدْرَارْ بَهْرَا يَتَوِينْ، إِمْلْ أَسْدْ كُلُو تَكَلْدَا نْ دُونِيتْ تَمُوْغَرَا نَسْنَتْ، <sup>9</sup> إِنَّايسْ: «رَادَاكْ كُلُو فَكْخْ مِيَادْ، إِغْ تَسْوَرْتْ فِ إِفَادَنْ نَكْ تَسْجَدَتْيِ». <sup>10</sup> غَكُودَانْ أَيْسْ إِنَّا يَسُوعْ: «إِتَّينْ كِيَّكِي أَيَّبِلِيسْ! أَشْكُو إِتَّيُورَا غِ وَرَا نْ رَبِّي: رَبِّي سِيدِيكْ لَيْ يِكَانْ بَابْ نَكْ أَمْ تَسْجَادَتْ دَنَّتَانْ وَحَدُوتْ أَذْ تَعْبَاتْ». <sup>11</sup> إِفْلَتْ إِلَّمَا إِبْلِيسْ، أَشْكَنْدَ كَرَا نْ لَمَلَائِكَا أَرْتْ صَنْصِيفَنْتْ. <sup>12</sup> لَيْغِ إِسْفَلْدَ يَسُوعْ إِسْ إِتَّيَماَزْ يُوْحَنَا، يُورِيَّدْ سْ تَمَزِرْتْ نْ لَجَلِيلْ.

<sup>13</sup> إِفْلَنْ تَمَدِنْتْ نْ نَاصِرَا، إِدُو إِزْدَعْ غِ تَمَدِنْتْ نْ كَفَرَنَاحُومْ لَيْ يِلَانْ غِ تَمَا نْ أَمْدَا غِ تَمَزِرْتْ نْ زَبُولُونْ دْ نَفَالِيمْ. <sup>14</sup> فَادْ إِكْمَلْ أَيْلَيْ سِنْ إِنَّا رَبِّي سِنْ إِلْسْ نْ نِي إِشَعِيَا لَيْ يِنَّانْ: «أَكَالْ نْ زَبُولُونْ دْ وَكَالْ نْ نَفَالِيمْ، أَغَرَاسْ نْ أَمْدَا، أَكْمَاضْ أَنْ نْ وَسِيفْ نْ لَرْدُنْ، لَجَلِيلْ أَتَمَزِرْتْ نْ لَكْنُوسْ! <sup>16</sup> مَدَنْ لَيْ كَوْرَنِينْ غِ تِلَاسْ ژَرَانْ تَفَاوُتْ إِكْوَنْ، وَلَيْ كَوْرَنِينْ غِ وَكَالْ نْ لَمُوتْ دْ أَمْلُو نَسْ، تُوكِيدْ فَلَاسْنْ تَفَاوُتْ». <sup>17</sup> غَمْنْ غَكُودَانْ أَيْنَكْرْ يَسُوعْ أَرْ إِتَّشَارْ أَرْ إِتَّيِ: «أَضُوْيَادْ سِنْ أَغَرَاسْ أَشْكُو تَكْمُورْدْ تَكَلْدِيَتْ نِ إِكْنَوَانْ».

<sup>18</sup> لَيْغِ أَيْرِكِيزْ يَسُوعْ غِ تَمَا نْ أَمْدَا نْ لَجَلِيلْ سَانْ إِتَّايِ سِينْ وَيَتَمَاتْ، سِمْعَانْ لَيْ مِ تَتِينْ بُطْرُسْ دْ كَمَاسْ أَنْدَرَأُوسْ لُوْحَنِينْ أَكَانْ شَبَكْتْ غِ أَمْدَا، أَشْكُو گَانْ إِنْكَمَارْنْ. <sup>19</sup> إِنَّايسْ: «أَشْكَادْ ضَفُورَتِيِّ، أَكَنْ كَخْ دِ إِنْكَمَارْنْ نِ مَدَنْ». <sup>20</sup> تِزِي يَانْ نِيتْ أَغْ فَلَنْ شَبَايِكْ نَسْنْ ضَفُورَنْتْ. <sup>21</sup> إِزْرِيدْ غِينْ أَرْنْ إِتَّايِ غِ يَانْ أَغْرِبُو سِينْ وَيَتَمَاتْ يَضْنِينْ، يَعْقُوبْ يَوْسْ نِ زَبَدِي دِ كَمَاسْ يُوْحَنَا دِ بَابَاتْسِنْ زَبَدِي أَرْ أَكَانْ تَعَدَّالْ شَبَايِكْ نَسْنْ، إِغْرْ أَسْنْ. <sup>22</sup> غَكُودَانْ نِيتْ أَنْ فَلَنْ أَغْرِبُو دِ بَابَاتْسِنْ ضَفُورَنْتْ.

إِنْكَرْ إِلْمَا يَسُوعْ إِفْكَ إِتْمَارْ نْ لِجَلِيلْ كُلُوتْتْ، أَرْ إِسْلَمَادْ غْ إِكْرَافْ نَسْنْ أَرْ إِتْبَشَارْ سْ تْكَلْدِيتْ نْ رَبِّي، أَرْ إِجِّيْ كِرَا إِلَانْ نْ تْمُوضَانْ دْ لَهْرَشْ غْ مَدْنْ. <sup>24</sup> لَكْمَنْ لَاخْبَارْ نْ تْمَرِرْتْ نْ سُورِيَا كُلُوتْ. أَوِينْ أَسْدْ مَدْنْ كِرَا دَارْسْنْ إِلَانْ نْ أَمَضُونْ لِيغْ لَاتْ كَرِيْكَاتْ أَنَاوْ نْ تْمُوضَانْ دْ إِنْكَاژْنْ: غْ كَانْ وِلَيْ غْ لَانْ لِجُونْ دْ وِلَيْ يَتْلُوْحْ فَرْزْقْ دْ إِكُوشَامْ، إِجِّيْتْ كُلُو. <sup>25</sup> ضَفُورِنْتْ إِكْدُوْدُنْ نْ مَدْنْ لِيدْ أَشْكَنْيْنْ غْ لِجَلِيلْ دْ مَرَأْوَتْ لَمْدَائِنْ دْ أُورُشَلِيمْ دْ لِيَهُودِيَا دْ أَكْمَاضْ أَنْ نْ وَسِيفْ نْ لُرْدُنْ.

5

### إِفْرْ وِيسْ سَمُوسْ

<sup>1</sup> لِيغْ إِزْرَا يَسُوعْ إِكْدُوْدُنْ نْ مَدْنْ مُونْدْ، يَاوْنْ سْ يَانْ أُورِيرْ إِكَأُورْ كِيسْ. أَشْكَنْيْنْ إِلْمَا دَارْسْ إِمْحَضَارْنْ نَسْ، <sup>2</sup> إِسَاوْلْدْ أَرْتَنْ إِسْلَمَادْ إِنَائِسْنْ: <sup>3</sup> «إِمْبَرْكِينْ أَدْ كَانْ وِلَيْ كَنِينْ لَمْسَاكْنْ غْ رُوحْ، أَشْكُو تِينْسْنْ أَتَگَأْ تْكَلْدِيتْ نْ إِكْنُواْنْ». <sup>4</sup> إِمْبَرْكِينْ أَدْ كَانْ وِلَيْ حُرْنِينْ، أَشْكُو رَاتْنْ إِصْبِرْ رَبِّي. <sup>5</sup> إِمْبَرْكِينْ أَدْ كَانْ وِلَيْ عَضْرِنِينْ إِخْفَاؤْنْ نَسْ، أَشْكُو رَادْ كُوسُونْ أَكَالْ. <sup>6</sup> إِمْبَرْكِينْ أَدْ كَانْ وِلَيْ يَاغْ لَازْ دْ وِلَيْ يَاغْ إِرِفيْ نْ لَحَقْ، أَشْكُو رَاتْنْ إِشْبِعَا رَبِّي. <sup>7</sup> إِمْبَرْكِينْ أَدْ كَانْ وِلَيْ تْحُنُونِينْ، أَشْكُو رَا گِيسْنْ إِحْنُوْ رَبِّي. <sup>8</sup> إِمْبَرْكِينْ أَدْ كَانْ وِلَيْ مِ إِصْفَا وُولْ نَسْ، أَشْكُو رَادْ ژَرْنْ رَبِّي. <sup>9</sup> إِمْبَرْكِينْ أَدْ كَانْ إِمْزَالْنْ نْ لَهْنَا، أَشْكُو تَرْوَا نْ رَبِّي أَرَادْ گَنْ. <sup>10</sup> إِمْبَرْكِينْ أَدْ كَانْ وِلَيْ تَرْفُوفُونِينْ فْ لَحَقْ، أَشْكُو تِينْسْنْ أَتَگَأْ تْكَلْدِيتْ نْ إِكْنُواْنْ. <sup>11</sup> إِمْبَرْكِينْ أَتَگَامْ إِغْ أَكْنْ رَكْمَنْ أَرْكَنْ سَرْفُوفُونْ أَرْكِيُونْ تِينْ كَرِيْكَاتْ أَوَالْ نْ لَعِيبْ دْ تَكْرُكَاسْ فْ سَبَّتْ إِنُو. <sup>12</sup> فَرْحَاتْ أَرْ شَبَاحْ إِرِبِّي، أَشْكُو لَاجْرْ نُونْ إِكْوْتْ غْ إِكْنُواْنْ. أَشْكُو غَمْكَادْ أَسْ يَادْ سَرْفُوفْنْ لَانْبِيَا لِي كُندْ زُوْرُنِينْ.

<sup>13</sup> كُنْيِي أَيْكَانْ تَسْنَتْ نْ وَكَالْ، وَلَايَنِي إِغْ تَخْصِرْ تَسْنَتْ، مَاسْ رَايْسْدْ نَرَارْ تِسْمِي نَسْ؟ أُورْ سُولْ تْكَيِي إِيَاتْ أَبْلَا أَنْ تَضْرِسْ بِرْ بِرَا أَرْ فَلَاسْ تَكْلَنْ مَدْنْ. <sup>14</sup> كُنْيِي أَيْكَانْ تَفَاوْتْ نْ دُونِيتْ. تَمْدَنْتْ نَا إِلَانْ غْ إِكِي نْ أَدْرَارْ أُورَا تَتْلَلْ. <sup>15</sup> أُورَا صَرْغَانْ مَدْنْ لَقْنِيلْ گَنْتْ غْ دُو لَعْبَرْتْ، وَلَايَنِي أَفَاتْ تَكَانْ دْ مَنِي يَتْوِينْ أَيْسُوفُو إِكُولْ مَيْلَانْ غْ تَكْمِي. <sup>16</sup> غَمْكَانْ أَسْ تَجَامْ تَفَاوْتْ

نۇنْ أَتَسُوفُ غِلْدَامْ نِمْدَنْ، فَادْ ژَرْنْ لَفَعَالْ نُونْ عَدْلَىنْ أَرْ تَالْغَنْ بَابَاتُونْ لِي يِلَانْ غِلْدَامْ إِكْنَوَانْ.

<sup>17</sup> أَدْ أُورْ تَغَالْمِ إِسْدَ أَشْكِيَخْ أَدْ حِيدَخْ شَرْعْ دَ وَرَأْتَنْ نِلَانِيَا. أُورْدَ أَشْكِيَخْ فَاتَنْ خُلُوكْ، وَلَائِنِي أَفْدَ أَشْكِيَخْ دَ أَيْسِنْ كَمْلَخْ. <sup>18</sup> أَشْكُو لَحَقْ أَدَأْوَنْ تَتِيَخْ: مَقَارْ لَاحَ إِكْنَوَانْ دَ وَكَالْ أُورَدَ لَاحَ حَتَّا يَاتْ تَقْيِطْ غِ شَرْعْ، أَرْدَ تَكْمَلْ كَرِيَگَاتْ تَغَوْسَا. <sup>19</sup> وَنَا إِرْزَانْ يَاتْ غِ لُوصِيَاتْ أَدْ مَرْيَنِينْ إِسْلَمْدَ إِمْدَنْ أَدْ سَكَارْنْ غُمْكَانْ، رَايْگَ وَادْ كُلُو مَرْيَنْ غِ تَكْلِيدِيتْ نِ إِكْنَوَانْ. وَلَائِنِي وَنَا سُرْسَنْتْ إِسْكَارْنْ أَرْتَنْتْ إِسْلَمَادْ، رَايْگَ وَادْ مَقُورْنْ غِ تَكْلِيدِيتْ نِ إِكْنَوَانْ. <sup>20</sup> أَشْكُو أَرَأْنْ تَتِيَخْ إِغْ أَورْ تَسْكَارْمَ مَايِصْلَحْنْ أَكَارْ نِ إِسْلَمَادَنْ نِ شَرْعْ دَ لَفَرِيسيَيْنْ، أُورَرَا تَكْشَمْ سِ تَكْلِيدِيتْ نِ إِكْنَوَانْ.

<sup>21</sup> تَسْقَلْدَمْ إِسْ إِتَيَوَنَا إِولِي زَرِنِينْ: أَدْ أُورْ تَنْقَاتْ، دَ وَنَا إِنْغَانْ إِرْورَادْ أَفْلَاسْ إِتُوتْ لَحُوكْمْ. <sup>22</sup> وَلَائِنِي نَكِينْ أَرَأْنْ تَتِيَخْ: وَنَا إِقْعَانْ فِ كَمَاسْ فِ أُورْدَ يَاتْ إِرْورَادْ أَفْلَاسْ إِتُوتْ لَحُوكْمْ، وَنَا إِرْكَمْنْ كَمَاسْ إِرْورَادْ أَفْلَاسْ إِتُوتْ لَحُوكْمْ نِ أَكْرَأْوْ، وَنَائِسْ إِنَانْ: أَيْنَفَالْ إِرْورَادْ لَعَيْتْ نِ جَهَنَّمَا. <sup>23</sup> إِغْ تَوِيتْ أَسَكْمُورْ نَكْ سِ أَمْغَرِيَصْ سِ تَكْتِيتْ غَيْنِ إِسْ إِلَّا كَرَا غِ كَرَاكْ دَ كَمَاكْ، <sup>24</sup> فَلنْ أَسَكْمُورْ نَكْ غَيْنِ غِ أَمْنِيدْ نِ أَمْغَرِيَصْ، تَدُوتْ زُوَارْ تَصَالْحَتْ دَ كَمَاكْ، تَضُودْ إِلَمَا تَفَكَّنْ أَسَكْمُورْ نَكْ. <sup>25</sup> مَاعْ أَدْ تَمْشَاشَكْتْ دَ وَلَيْدْ تَمْصِرِيَطْ مَاحَدْ تَمُونْمْ سُولْ غِ أَغْرَاسْ سِ لَمَحْكَما، أَكْ أُورْ يَويِ إِلَقَاضِي، يِزْنِكْ لَقَاضِي إِوْمَخْزِنِي، إِلَوْحَكِينْ إِلَمَا أَمْخَزِنِي غِ لَحْبَسْ. <sup>26</sup> لَحَقْ أَرَادَاكْ إِنِيَخْ: أُورَرَادْ تَفَغَتْ غَيْنِ أَرْكِيغْ تَقْرِيَتْ تَرِيَالْتْ إِكْرَانْ غِ أَمْرَوَاسْ نَكْ.

<sup>27</sup> تَسْقَلْدَمْ إِسْ إِتَيَوَنَا إِولِي زَرِنِينْ: أَدْ أُورْ تَزْنُوتْ. <sup>28</sup> وَلَائِنِي نَكِينْ أَرَأْنْ تَتِيَخْ: وَنَا إِسْمُوقُولْنْ غِ كَرَا نِ تَمْغَرْتْ فِ أَسْتَ إِشْتَهُو، هَانْ إِزْنَا سُرْسْ غِ أُولْ نِسْ. <sup>29</sup> إِغْ أَكِينْ تَلَوْحْ تِيَطْ نَكْ غِ مَايِهْرْشَنْ، كَسْتِيدْ تَلَوْحَتْسَتِينْ، أَشْكُو يُوفَاكْ أَيْكِ لَاحَ يَانْ غِ لَجَوارِحْ نَكْ أَلَا تَضْرَنْ كُلُو دَاتْ نَكْ غِ جَهَنَّمَا. <sup>30</sup> إِغْ أَكِينْ إِتَلَوْحْ أَفُوسْ نَكْ أَفَاسِيْ غِ مَايِهْرْشَنْ، بَيْتْ تَلَوْحَتِينْ، أَشْكُو يُوفَاكْ أَيْكِ لَاحَ يَانْ غِ لَجَوارِحْ نَكْ أَلَا تَضْرَنْ كُلُو دَاتْ نَكْ غِ جَهَنَّمَا.

إِتَيْوَنَا دَاخْ: وَنَا إِرْزِمْنِ إِتْمُغَرْتْ نْسْ، إِفْكْ أَسْ تَبْرَاتْ نْسْ. <sup>32</sup> وَلَايْنِي نِكِينْ أَرَاوْنْ تِتِيْخْ: وَنَا إِلْفْنِ إِتْمُغَرْتْ نْسْ أَبْلَا فْ سِبَّتْ نْ زَنَا، هَانِ إِكَائِسْ سَبَّا أَدْ تَرْنُو، دْ وَنَا إِتَاهْلَنْ تَتَادْ إِلْفْنْ هَانِ أَرْ إِتْرُنُو. <sup>31</sup>

تَسْقَلْدَمْ دَاخْ إِسْ إِتَيْوَنَا إِولِي زَرِنِينْ: أَدْ أُورْ تَهْنَادْ إِغْ تُكُولْمْ، وَلَايْنِي سَفِيَّاتْ إِرْبِي أَيْلِي سَاسْ تَقاُلْمْ. <sup>33</sup> وَلَايْنِي نِكِينْ أَرَاوْنْ تِتِيْخْ: أَدْ أَكْ أُورْ تَكَلَّامْ، لَأْ سْ إِكْنَوَانْ أَشْكُو لَعْرَشْ نْ رَبِّي أَدْ كَانْ، <sup>34</sup> أَلَا أَرْ تَكَلَّامْ سْ وَكَالْ أَشْكُو أَيْكَا دْ غِلِيغْ إِسْرُوسْ إِصَارَنْ نْسْ، وَلَأْ سْ أُورْشَلِيمْ أَشْكُو تَمْدَنْتْ نْ أَكْلِيدْ مَقْوَرْنْ أَتَكَا. <sup>35</sup> أَدْ أُورْ تَكَلَّاتْ سْ أَكِيُو نَكْ، أَشْكُو أُورْ تَرْضَارْتْ أَكِيسْ تَسِمْلُوتْ أَلَا أَكِيسْ تَصِّلُوتْ يَانِ أَنْزَاضْ. <sup>36</sup> هَيِّ، أَيْكَ وَوَالْ نُونْ يَاهْ إِغْ إِكَا يَاهِ إِكَ أُهُو إِغْ إِكَا أُهُو، أَيْانَ يُوفَانْ فْ مَيَادْ هَانِ إِلْبِيسْ أَدَارْذْ إِكَا.

تَسْقَلْدَمْ إِسْ إِتَيْوَنَا: تِيْطْ سْ تِيْطْ، أَخْسْ سْ وَخْسْ. <sup>37</sup> وَلَايْنِي نِكِينْ أَرَاوْنْ تِتِيْخْ: أَدْ أُورْ تَرَارَمْ كَارْ سْ وَيَاضْ. وَنَايِكْ إِمْرَقْنْ غْ تَسْنَگَا تَقَسِّيْتْ، تَسِمْلَتْ أَسْنْ خَتَّانْ يَصْنِينْ. <sup>38</sup> وَنَا إِرَانْ أَدِيدْكْ إِنْخَاصَمْ أَيْسِي تَمْلِسِيْتْ نَكْ، تَقْلَتْ أَسْ أَسْلَهَامْ نَكْ أَلَا نَتَانْ. <sup>39</sup> وَنَاكْ إِكْلِفَنْ أَدِيدِسْ تَمُونْتْ يَانِ كِيلُومَترْ، مُونْ دِيدِسْ سِينْ. <sup>40</sup> وَنَايِكْ إِصَالِبْنْ كُرَا نْ تَغُوسَا تَفْكَتْ أَسْتْ. وَنَا إِرَانْ أَدَاسْ تَرْضَلْتْ أَتِيدْ أُورْ تَرَارْتْ.

تَسْقَلْدَمْ إِسْ إِتَيْوَنَا: حُبُو أَدْجَارْ نَكْ تَحْشَاتْ لَعْدُو نَكْ. <sup>41</sup> وَلَايْنِي نِكِينْ أَرَاوْنْ تِتِيْخْ: حُبُو يَاتْ لَعْدُو نُونْ، أَرْ تَدْعُومْ سْ لَبِرَكَا إِولِي كْنِ رَكْمَنِينْ، أَرْ تَسْكَارَمْ أَفُولْكِي غْ وَلِي كْنِ حَشَنِينْ، أَرْطَرَلَامْ غْ لَجِهْتْ نْ وَلِي كِيُونْ سَكْرِنِينْ كَارْ أَرْكِنْ سَرْفُوفُونْ، <sup>42</sup> فْ أَتَكْمْ تَرْوَانْ بَابَاتُونْ لِي يَلَانْ غْ إِكْنَوَانْ. أَشْكُو أَرْدْ إِسْقَلَايْ تَقُوكْتْ نْسْ فْ كَارْ مَدَنْ أَلَا وَلِي عَدْلِنِينْ، أَرْدْ يَكَا أَنْزَارْ إِولِي كَنِينْ أَغْرَاسْ نْسْ أَلَا وَلِيتْ فَغْنِينْ. <sup>43</sup> أَشْكُو إِغْ أَتْحُبُومْ وَلِيْكِنْ حُوبَنِينْ، مَانْ صَحَا دَرُونْ إِلَانْ؟ مَاخْ إِنْكَاسْنْ أُورَا سَكَارْنْ أَلَا نَتِيْيِي غَمْكَانْ؟ <sup>44</sup> إِغْ أَتْسَلَامْ فْ أَيْتَمَتُونْ وَحَدُونْ، مَانْ زَا لَمْرِيْتْ تَسْكِرْمْ؟ مَاخْ أُورْدْ غَمْكَانْ نِيتْ أَدْسَكَارْنْ وَلِي يَاكْ أُورْ سَنِينْ رَبِّي؟ <sup>45</sup> هَيِّ گَاتْ وِيدْ كَمْلِنِينْ، غَمْكُلِي يِكَا بَابَاتُونْ لِي يَلَانْ غْ إِكْنَوَانْ وَادْ إِكْمَلْنْ.

## إِفْرُ وِيسَ سَضِيصَ

<sup>١</sup> هَانَ أَدْ أُورْ تُسْكَارْمَ لَخِيرَ غْ لُكْدَامْ نْ مَدْنَ فْ أَكْنَ ژْرْنَ. أَشْكُو إِغْ تُسْكَرْمَ غُمْكَانَ، أُورْ سُولْ دَرُونْ إِلَى كَرَا نْ لَاجْرَ غْ دَارْ بَابَاتُونْ لِي يِلَانْ غْ إِكْنُوانْ. <sup>٢</sup> إِغْ تَقْكِيتْ كَرَا نْ صَدَقَأْ أَدْ أُورْ تَسِيتْ نَفَارَ أَرْ تَبْرَاحْتَ غْ إِكْرَاوْنْ دْ تُسْوَاكْ، غُمْكَلِي سَكَارْنْ لَمُونَفَقِينْ فْ أَنْ تَالْغَنْ مَدْنَ. لَحَقَّ أَدَاؤْنْ تَنِيخْ: غُويِنْ هَانَ أُومِزْنْ تَغْرَادْ نَسْنَ. <sup>٣</sup> وَلَايِنِي كِيِّنْ كُودِنَا تَقْكِيتْ كَرَا نْ صَدَقَأْ، أَدْ أُورْ تَاجْتَ أَفُوسْ نَكْ أَزْلَمَاضَ أَيْسَانَ مَايِسَكَارَ أَفَاسِيْ نَكْ، <sup>٤</sup> بَاشْ أَتْلِي صَدَقَأْ نَكْ غْ تَنَتَلَا، أَدَاكْ إِفْرُو بَابَاكْ لِي يِتَنَائِنْ مَايِنَتَنْ.

<sup>٥</sup> إِغْ أَطْرَلَامْ، أَدْ أُورْ تُكْمَ زُونْدَ لَمُونَفَقِينْ لِي دَارْ إِعْرَأْ أَدْ تَبْدَادْنَ أَرْ طَرَلَانْ غْ إِكْرَاوْنْ دْ گَرْ تُسْوَاكْ، بَاشْ أَنْ ژْرْنَ مَدْنَ. لَحَقَّ أَدَاؤْنْ تَنِيخْ: غُويِنْ هَانَ أُومِزْنْ تَغْرَادْ نَسْنَ. <sup>٦</sup> أَمَا كِيِّي إِغْ رَا طَرَالَتْ، تَكْشِمْتْ سْ أَحَانُو نَكْ تَقْنَدْ تَفْلُوتْ، طَرَالَتْ بَابَاكْ لِي يِلَانْ غْ تَنَتَلَا. أَشْكُو بَابَاكْ لِي يِسْمُوقُونْ مَايِنَتَنْ نَتَانْ أَرَادْ أَكْ إِفْرُو. <sup>٧</sup> إِغْ أَطْرَلَامْ أَدْ أُورْ تَالْسَمْ إِوَوالْ بَلَانْ لَفَائِتْ غُمْكَلِي سَكَارْنْ وَلَيِ تَعْبَدْنِينْ لَاصْنَامْ، أَشْكُو أَرْ تَغَالَنْ إِزْدْ تُوكْتَنْ وَوَالْ نَسْنَ أَسْ رَايِسْنْ إِوَاجْبَ رَبِّي. <sup>٨</sup> أَدْ أُورْ تُكْمَ زُونْدَ نَتَنِي، أَشْكُو بَابَاتُونْ إِسْنَ مَافْ تَلَكْمَ أُورَتَا يَاسْتَ أَكْ تَضَالِبْ.

<sup>٩</sup> كِنْيَ طَرَلَائِتْ سْ غُمْكَادْ: بَابَاتَنْخَ لِي يِلَانْ غْ إِكْنُوانْ، إِسْمَ نَكْ أَيْتِيُوقَدَسْ، <sup>١٠</sup> أَدْ تَاشْكَ تَكْلِدِيتْ نَكْ، أَيْلِي أَيْلِي تَرِيتْ غْ وَكَالْ غُمْكَلِي يِكَانْ غْ إِكْنُوانْ. <sup>١١</sup> أَغْرُومْ نَخْ لِي يَاخْ يِوْدَانْ غَسَادْ أَدَاخْ تَكَاتْ. <sup>١٢</sup> غَفْرَ أَخْ دَنُوبْ نَخْ، غُمْكَلِي نَتَصَمَّاْحَ أَلَا نَكِنِي إِوْلِي گِينِخْ سَكَرْنِينْ لَعَارْ. أَدَاخْ أُورْ تَاجْتَ أَنْكَشْ إِتَسَاسْتَ، وَلَايِنِي فُوكُو يَاخْ غْ إِبْلِيسْ، أَشْكُو تِينَكْ أَبْدَا تَكَادِيتْ دْ لَجَهْدَ أَلَا لَمَجْدَ. آمِينْ. <sup>١٤</sup> أَشْكُو إِغْ أَتَصَمَّاْحَ إِمْدَنْ غْ گَارْ لِي گِيُونْ سَكَارْنْ، رَادْ أَوْنْ إِصَامَحْ بَابَاتُونْ نْ إِكْنُوانْ أَلَا كِنِي. <sup>١٥</sup> إِغْ أُورْ تَصَمَّاْحَ إِمْدَنْ غْ گَارْ لِي گِيُونْ سَكَارْنْ، أُورَادْ أَوْنْ إِغْفَرْ بَابَاتُونْ أَلَا نَتَانْ دَنُوبْ نُونْ.

<sup>١٦</sup> إِغْ تَرُومْ، أَدْ أُورْ تُكْمَ زُونْدَ لَمُونَفَقِينْ لِي كَرْسِتِينْ إِكْنِزِي قَقْعَانْ فَادْ سَبِيَانْ إِمْدَنْ إِسْنَ أَثُوْمَنْ. لَحَقَّ أَدَاؤْنْ تَنِيخْ: غُويِنْ هَانَ أُومِزْنْ تَغْرَاضْ نَسْنَ. <sup>١٧</sup> أَمَا كِيِّ لُوقْتْ نَا تَرُومْتْ،

تَسِيرْتُ أُورْدُمْ نُكْ تَزْغَرْتُ إِخْفُ نُكْ، <sup>18</sup> فَادْ أُورْ سَبَايِنْتُ إِمْدَنْ إِسْ تَرْوَمْتُ وَلَايْتِي بَابَاكْ لَيْ يَلَانْ غْ تَنْتَلَا أَمْ رَا تَبَايِنْ. أَشْكُو بَابَاكْ لَيْ يَنْتَأِنْ مَائِنْتَلَنْ نَتَانْ أَرَادْ أَكْ إِفْرُو.

<sup>19</sup> أَدْ أُورْ تَسْمُونْ لَكْنُوزْ غْ إِكِيْ نْ وَكَالْ لِيغْ أَتَنْ تَشْتَأْ تُوكَأْ دْ تَنِيْكَتْ، دْ غِلِيغْ أَنْ سَرْسَنْ كَاتِنْ إِمْخَارْنْ نَقَابْ أَكْرُنْتَنْ. <sup>20</sup> وَلَايْنِي سَمُونَاتِنْ لَكْنُوزْ نُونْ غْ إِكْنُوانْ، غِلِيغْ أُورْ تَلِيْ تُوكَأْ أَلَا تَنِيْكَتْ مَتَنْ إِشْتَانْ، أَلَا لَانْ كِيسْ إِمْخَارْنْ لَيْ رَانْ سَرْسَنْ يُوتْ نَقَابْ أَكْرُنْتَنْ. <sup>21</sup> أَشْكُو إِنَاغْنْ إِلَّا لَكْنْزْ نُكْ أَغْ رَانْ يِلِي وُولْ نُكْ أَلَا نَتَانْ. <sup>22</sup> تَيْطِيْ أَيْكَانْ لَقَنِيْلِيْ نْ دَاتْ. إِغْ تَكَأْ تَيْطِيْ نُكْ تَيْنْ وَفُولِيْكِيْ، هَانْ دَاتْ نُكْ رَا كُلُو تَسْقاَوْ. <sup>23</sup> إِغْ تَكَأْ تَيْطِيْ نُكْ تَيْنْ كَارْ، هَانْ دَاتْ نُكْ رَا كُلُو تَلَاسْ. إِغْ إِلْمَا تَكَأْ تَقاَوْتْ لَيْ كِيْكِ إِلَانْ تَلَاسْ، سَمْدَنْتْ تَلَاسْ إِتِيَاضْ.

<sup>24</sup> أُورْ إِرْضَارْ يَانْ أَيْكِ إِسْمَكْ إِسِينْ إِدْ سِيدِيسْ، أَشْكُو إِمَّا أَيْحَشَا يَانْ إِعْزُو دَارْسْ وَيَاضْ، نُغْ بَدَّا إِصْعَا يَانْ إِحْكَرْ وَيَاضْ. أُورْ تَرْضَارْمْ أَتَكْمْ إِسْمَكَانْ نْ رَبِّيْ دْ وِينْ لَمَالْ غْ يَانْ ضُورْ. <sup>25</sup> مَيَادْ أَفْ أَيْوْنْ تَتِيْخْ: أَدْ أُورْ تَحْلَمْ غْ تُودْرَتْ نُونْ تَسِيمْ لَهْمْ إِمَارَا كِيسْ تَشْتَامْ دْ مَارَا كِيسْ تَسَامْ، أَلَا تُوسِيمْ لَهْمْ إِمَارَا تَلَسَامْ إِدَاتْ نُونْ. مَاخْ أُورْ تُوفْ تُودْرَتْ مَنْشَا تَافْ دَاتْ تَيْمَلْسَا؟ <sup>26</sup> سَمُوقْلَاتْ غْ وَيَلَانْ نْ إِكْنُوانْ، أُورْ أَكْرَزْنْ أُورْ أَمْكَرْنْ، أَلَا أَرْ سَمُونْ لَغَلَاتْ سْ إِحْوَنَا، وَلَايْنِي بَابَايُونْ لَيْ يَلَانْ غْ إِكْنُوانْ إِكْلِتَنْ سْ مَادْ شَتَانْ. مَاخْ كَنْيْ أُورْتَنْ تُوفْ سْ كِيْكَانْ؟ <sup>27</sup> مَانُوا كِتُونْ إِرْضَارْنْ إِغْ يُوسِي لَهْمْ أَدْ إِرْأِيدْ يَانْ إِغِيلْ إِتِيْيِي نُسْ؟ <sup>28</sup> مَافْ زَأْ تُوسِيمْ لَهْمْ إِتْمَلْسَا؟ سَمُوقْلَاتْ غْ إِجْدِيْكِنْ نْ إِكْرَانْ مَمْنُكْ أَسْ أَتَمْغُورْنْ، أُورَا شَقْلَنْ أُورَا ژْطَانْ. <sup>29</sup> وَلَايْنِي أَرَأَوْنْ تَتِيْخْ: حَتَا سُلِيمَانْ غْ تَمُوغرَا نُسْ كُلُوتَتْ أُورِ إِسِيْ غَمْكَلِيْ يِلْسَا يَانْ كِيْتَسْنْ. <sup>30</sup> إِغْ أَزَا إِسْلَسَا رَبِّيْ تُوكَأْ لَيْ يَنْتِلِينْ غَسَادْ غْ إِكْرَانْ أَزْكَأْ تَضْرَنْ غْ أَفَرْنُو سْ غَمْكَادْ، مَاخْ أُورْ إِرْضَارْ أَكْنْ إِسْلَسْ أَوْلِيْ مِ إِدْرُوسْ لِيمَانْ؟ <sup>31</sup> أَدْ أُورْ تَسِيمْ لَهْمْ أَرْ تَتِيْمْ: مَارَا نَشْ؟ مَارَا نَسُوْ؟ مَارَا نَلْسْ؟ <sup>32</sup> أَشْكُو مَيَادْ كَا أَفْ أَكْلُو تَزِيلِنْ لَكْنُوسْ، دْ بَابَايُونْ لَيْ يَلَانْ غْ إِكْنُوانْ إِسْنْ إِسْ تَلْكَمْ فْ مَيَادْ كُلُوتْ. <sup>33</sup> وَلَايْنِي سِكَلَاتْ زَوَارْ أَيْلِي يِكَانْ وِينْ تَكَلْدِيْتْ نْ رَبِّيْ دْ لَحَقْ نَسْ، تَغَوْسِوِينْ أَدْ كُلُوتَتْ رَادْ أَوْنِتَنْ إِسْمَدْ. <sup>34</sup> أَدْ أُورْ تَسِيمْ لَهْمْ إِوْرْكَأْ أَشْكُو أَزْكَأْ رَا يِسِي لَهْمْ نَسْ، كِرِيْكَاتْ أَسْ إِلَا سْ تَمَرَا نَسْ.

## إِفْرُ وِيسَ سَا

<sup>١</sup> أَدْ أُورْ تَكِيْتُمْ لِحُوكْمْ فِيَانْ أَفْلَاؤْنْ أُورْ إِتُوتْ لِحُوكْمْ. <sup>٢</sup> أَشْكُو لِحُوكْمْ لِي سْ أَتَّحْكَامْ فِيَاضْ، أَسْ رَا فَلَاؤْنْ إِحْكُمْ رَبِّي، دَلْعَبَارْ لِي سْ أَتَّعْبَارْمْ إِوْيَاضْ أَسْ رَأِيُونْ إِعْبَرْ رَبِّي. <sup>٣</sup> مَاخْ أَيْلِيْغْ أَنْ تَسْمُوقُولْتْ أَرْفَقْتُوسْ لِيَنْ إِضْرَنْ غُتِيْطْ نْ كَمَاكْ، كِيْيَنْ أُورْ أَكْ تَزْرِيْطْ تَجْجِيْتْ لِي يَلَانْ غُتِيْطْ نِكْ؟ <sup>٤</sup> نَغْدَمَنْكْ أَسْ رَا تَتِيتْ إِكْمَاكْ: أَجِيْ أَدَاكْ أَسِيْخْ أَرْفَقْتُوسْ أَنْ نْ تِيْطْ نِكْ، كِيْيَنْ تَلَانْتِيْتْ تَجْجِيْتْ غُتِيْطْ نِكْ؟ <sup>٥</sup> وَا لَمُونَفِقْ، سُوْفَغْدْ زَوَارْ تَجْجِيْتْ غُتِيْطْ نِكْ، فَادْ إِلْمَا أَبَهْرَا تَسْقَاوْتْ أَدْ تَسْوَفْغَتْ أَرْفَقْتُوسْ غُتِيْطْ نْ كَمَاكْ. <sup>٦</sup> أَدْ أُورْ تَكَامْ أَيْلِيْيِي يَتِيْوَقْدَسْنْ إِيْيِسَانْ، أَلَا أَرْ تَلَوْحَمْ لَجُوهْرْ نُونْ غُتِيْطْ نَكَادَمْ نْ لَحَلَافْ، أَفْلَاسْ أُورْ أَكْلَنْ سْ إِسَارَنْ نَسْنْ كَلِيْنْ كِيْونْ سَمْخَرْ وَنَكْنْ.

<sup>٧</sup> ضَلَّبَاتْ إِتْكَ أَوْنْ، سَكِيلَاتْ رَا تَافْمْ، صَنْصُورَاتْ إِرْزْمْ أَوْنْ رَبِّي. <sup>٨</sup> أَشْكُو كُولْ مَائِيْتَضَلَّابِنْ أَرْ إِتَّاْمْ، كُولْ مَائِيْسِكِيلْنْ أَرْ إِتَّا، دَكُولْ مَائِيْصَنْصُورَنْ أَرَاسْ إِتَّرِزُومْ رَبِّي. <sup>٩</sup> نَغْدَمَانْوَا كِيْونْ يَكَانْ إِيْوْسْ أَرْزُرُو إِغْ أَسْ إِضَالْبْ أَغْرُومْ؟ <sup>١٠</sup> نَغْ أَسْ إِضَالْبْ تِيسْلَمْتْ إِفْكْ أَسْدْ الْكَمَاضْ؟ <sup>١١</sup> إِغْ تَسْنَمْ كَنِيْ لِي كَنِيْنْ كَارْ أَمُودْ أَتَكَامْ إِتَّرُوا نُونْ مَا إِفُولْكِينْ، مَمَنْكْ زَا أُورْ يَكَا بَيَاتُونْ لِي يَلَانْ غُتِيْطْ إِكْنَوَانْ لَخِيرْ نَسْ إِولِيْ أَسْتْ تَضَلَّبِنِينْ! <sup>١٢</sup> أَيْنَا تَرَامْ أَدَاؤْنَتْ سَكَارَنْ مَدْنْ سَكَارَاتْ أَسْنَتْ أَلَا كَنِيْ. أَشْكُو أَوَالْ أَدْ أَغْدْ إِمُونْ شَرْعْ أَلَا أَرَأَتْنْ نْ لَانِيَيَا.

<sup>١٣</sup> كَشْمَادْ غُ إِمِي إِنْكَمَانْ أَشْكُو يُوسْعَا بَهْرَا إِمِي أَنْ إِرْخُو أَغَرَاسْ أَنْ لِي يَتِيْوِينْ سْ لَمُوتْ، إِكْوَتْنْ وَلِيْدْ كِيسْ كَشْمَنِينْ! <sup>١٤</sup> وَلَايْنِي مَنْشَكْ أَسْ إِنْكُمَا إِمِي يَانْ إِشْقُو أَغَرَاسْ أَنْ لِي يَتِيْوِينْ سْ تُودْرَتْ، إِدَرَاسْنْ وَلِيْتْ تَقَنِينْ.

<sup>١٥</sup> إِلَيَانْ دْ لَانِيَيَا لِي سَكِيرْكِسِنِينْ لِيدْ سَرُونْ لَسِنِينْ تِيمْلَسَا نْ إِلَقَاغْنْ، وَلَايْنِي غُ أُوكَنْسْ نَسْنْ أَدْ كَانْ دْ أُوشَانْ إِمْغَضَارْنْ. <sup>١٦</sup> لَغَلَاتْ نَسْنْ أَغَانْتْ نَسَانْ. إِسْ أَسْكَارْنْ إِسْنَانْ أَصِيلْ، نَغْدَ إِسْ أَتْسَكَارْ تَسْكَرَا إِكْزَارْنْ؟ <sup>١٧</sup> أَصْغَارْ إِعْدَلْنْ أَرْ يَكَا لَغْلَتْ إِعْدَلْنْ، كَارْ أَصْغَارْ أَرْ يَكَا كَارْ لَغْلَتْ. أُورْ إِرْضَارْ أَصْغَارْ إِعْدَلْنْ أَدَاخْ إِفْكْ كَارْ لَغْلَتْ، أَلَا إِرْضَارْ كَارْ أَصْغَارْ أَدَاخْ إِفْكْ لَغْلَتْ <sup>١٨</sup>

إِعْدَلْنَ. <sup>19</sup> كُونْ أَصْغَارْ نَا أُورْ يَكَانْ لُغْلَتْ إِعْدَلْنَ رَأِيْتِيُوبَايْ إِضْرَنْ غْ لَعْقِيْتْ. <sup>20</sup> هِيَ، لُغْلَاتْ نْسْنْ أَغَاتْنْ تَسَانْ.

<sup>21</sup> أُورْدَ وَنَّا يِيْ كَا إِتْتِينْ: وَأَسِيدِي، وَأَسِيدِي! سْ إِكْشْمْ سْ تَكْلِيْدِيْتْ نْ إِكْنُوَانْ، وَلَائِيْنِي وَلِيْ يِسْكَارْنْ أَيْلِي يِرَأْ بَابَا لِي يِلَّانْ غْ إِكْنُوَانْ أَرَاسِرْسْ إِكْشْمْ. <sup>22</sup> كُوتْنْ وَلِيْ رَأِيْ إِتْتِي غْ وَاسْ نْ لَحْسَابْ: وَأَسِيدِي، وَأَسِيدِي إِزْدَ أُورْدَ إِسْمْ نُكْ أَيْلِي سْ أَنْتَكَشَافْ؟ دْ إِسْمْ نَكْ أَسْ نُضِي لَجْنُونْ؟ دْ إِسْمْ نَكْ أَسْ نُسْكَرْ لَمْعَجَزَاتْ گُوتْتِينْ؟ <sup>23</sup> غَكُودَانْ رَادْ أَسْنْ إِنِيْخْ غْ أُورْدَمْ نْسْنْ: نَكِيْ هَانْ أُورْكُنْ سَنْخْ، إِتْتِاتْنْ گِيْكِيْ أَولِي سَكْرِنِينْ دَنْوَبْ.

<sup>24</sup> كُولْ مَايِسْقَلِيْدِينْ إِبُولِيْونْ أَدْ إِنُو أَرْ سَرْسْنْ إِسْكَارْ، إِكَا زُونْدَ يَانْ أَرْكَازْ إِلَانْ لَعْقَلْ لِي يِبْنَانْ تَكْمِي نْسْ فْ إِسْلِي. <sup>25</sup> لِيْغَدْ إِلَّا أَنْثَارْ، نَكِيْنِدْ إِسَافَنْ، إِلِينْ إِجَوَانْ، زَرِينْ فْ تَكْمِي لِي مشْ أُورْ تَخْلِي أَشْكُو إِتْبَنَا لَسَاسْ نْسْ فْ إِسْلِي. <sup>26</sup> أَمَا وَنَا إِسْقَلِيْدِينْ إِبُولِيْونْ أَدْ إِنُو أُورَا سَرْسْنْ إِسْكَارْ، إِكَا زُونْدَ كَرَا نْ وَارْ لَعْقَلْ لِي يِبْنَانْ تَكْمِي نْسْ فْ أَمْلَالْ. <sup>27</sup> لِيْغَدْ إِلَّا أَنْثَارْ، نَكِيْنِدْ إِسَافَنْ، نَكْرُنْدَ إِجَوَانْ، أُوتْنْ تَكْمِي لِي تَخْلُو، إِكْ لَخْلَا نْسْ وَادْ إِخْشِنْ».

<sup>28</sup> لِيْغَ إِكْمَلْ يَسُوعْ إِبُولِيْونْ أَدْ، أَرْ كُلُو تَعْجَابِنْ مَدَنْ لَيْنْ مُونِينْ غْ الْمُودَنْسْ، <sup>29</sup> أَشْكُو أَرْتَنْ إِسْلَمَادْ زُونْدَ كَرَا نْ يَانْ لِي نِيتْ دَارْ إِلَّا لَجْهَدْ، أُورْدَ زُونْدَ إِسْلَمَادَنْ نْ شَرْعْ.

8

## إِفْرَ وِيسَ تَامْ

<sup>1</sup> إِكْزْدَ يَسُوعْ غْ أُورِيرْ لِي ضَفْوَرْتْ إِكْدُونْ گُوتْتِينْ نْ مَدَنْ. <sup>2</sup> يَاشْكُدْ دَارْسْ يَانْ أَنْجَدَامْ إِسْجَدْ أَسْ إِنَّا يِسْ: «إِغْ تَرِيتْ أَسِيدِي، تَرْضَارْتْ أَيْ تَسْغُوْسْتْ». <sup>3</sup> إِسْرَسْ فَلَاسْ يَسُوعْ أَفُوسْ نْسْ إِنَّا يِسْ: «هَيْ رِيخْ، غَلَادْ غُوسْ». تِرِي يَانْ نِيتْ أَغْ إِغُوسْ غْ لَجْدَامْ نْسْ. <sup>4</sup> إِنَّا يِسْ يَسُوعْ: «هَانْ أَتْ أُورْ تَتِيتْ إِيَّانْ، وَلَائِيْ زَايْدْ تَمْلَتْ إِحْفَنْكْ إِنْبِدَادْ تَفْكَتْنْ أَسْكُمُورْ لِي فْ يُوصَّا مُوسَى أَدَاسْنْ إِكْ مَيَانْ تُوكَّا».

<sup>5</sup> إِكْشْمْ يَسُوعْ سْ تَمْدِنْتْ نْ كَفْرَنَاحُومْ، يَاشْكُدْ دَارْسْ يَانْ لَقَيْدْ نْ مِيَا أَرْتْ إِتْحُورْمُو <sup>6</sup> إِنَّا يِسْ: «أَسِيدِي، إِلَّا دَرِي يَانْ إِسْمَكْ إِكْنْ غْ تَكْمِي إِكُوشْمْ أَرْكَا إِتْكَرْأَزْ». <sup>7</sup> إِنَّا يِسْ يَسُوعْ:

«هَيْ رَانِ أَشْكَحْ أَتْ جِيجِينْ». <sup>8</sup> إِوَاجْبَدْ لِقَائِدْ نْ لُعْسَكْرْ لِي يِنَّايسْ: «نِكِينْ أُورْ سَتَهَلَّاخْ أَسِيدِي أَتَكْشِمْتْ أَتَكَلَّوْرْتْ غْ دُو إِسْلِيتْنْ نْ تَكْمِي نُو. وَلَايْنِي إِنِي كَا يَانْ وَوَالْ سْ إِجِي إِسْمَكْ إِنُو. <sup>9</sup> أَشْكُو أَلَا نِكِي گِيَخْ يَانْ بَنَادِمْ إِلَانْ غْ دُو أُفُوسْ لِيُوكْرُنْ، إِلِينْ دَرِي إِعْسَكِرِينْ غْ دُو أُفُوسْ إِنُو، أَرْ تَتِيَخْ إِكْرَا نْ يَانْ گِيَتِسْ: زَايْدْ! إِدُو، إِنِيَخْ إِوَيَاضْ أَشْكِيدْ! يَاشْكَدْ، إِنِيَخْ پِيَسْمَكْ إِنُو: سَكْرْ مَيَادْ، إِسْكِرْتْ». <sup>10</sup> لِيغْ إِسْفَلْدْ يَسُوعْ إِوَوالْ أَدْ، أَرْ إِتَعْجَابْ إِنَّايسْ إِولِيتْ ضَفْورِتِينْ: لَحَقْ أَدَأْوِنْ تَتِيَخْ: أُورْ جُونْ ژِرِيَخْ كِرَا نْ لِيمَانْ زُونْدْ غُوَادْ دَارْ حَتَّا يَانْ غْ إِسْرَائِيلْ؟ <sup>11</sup> أَرَأْوِنْ تَتِيَخْ: رَادْ أَشْكَنْ كِيَگَانْ دْ مَدْنْ غْ لَقْبَلْتْ أَلَا تَكُوتْ گَلَورْنْ أَرْ شَتَّانْ دْ إِبْرَاهِيمْ دْ إِسْحَاقْ دْ يَعْقُوبْ غْ تَكْلِيَتْ نْ إِكْنُوَانْ. <sup>12</sup> أَمَّا تَرْوَانْ تَكْلِيَتْ، رَانْ ضَرْنْ غْ تِلَاسْ نْ بَرَا. غِينْ أَغْ رَادْ إِلِينْ إِمْطَاؤنْ دْ إِسْقَجِيَّيْنْ نْ أَخْسَانْ». <sup>13</sup> إِنَّايسْ إِلِما يَسُوعْ إِلْقَائِدْ نْ مِيَادِلِي: «زَايْدْ أَدَاكْ يِلِي غُونْشَكِلِي سْ تُومَنْتْ!» تِري يَانْ نِيَتْ أَغْ سُولْ إِجِي إِسْمَكْ نِسْ. <sup>14</sup> يَاشْكَدْ يَسُوعْ سْ تَكْمِي نْ بُطْرُسْ، يَافِنْ تَضْكَالْتْ نْ بُطْرُسْ تَكْنْ غْ إِيرْدَانْ أَشْكُو تُومَزْتْ تُولَّا. <sup>15</sup> إِدُو إِكْرَ إِوْفُوسْ نِسْ، تَفْغَتْ تُولَّا تَتَكْرَ أَرْتِنْ سُولْ تَصْنُصِيفْ. <sup>16</sup> لِيغْ تَلْكِمْ تَذْكَاتْ، أَوِينْ أَسْدْ تُوكْتْ نْ إِمْجَانْ، إِنِكْرَ أَرْكِيسْ إِطَايْ لَجْنُونْ سْ وَالْ نِسْ. إِجِي كُلُو إِمْضَانْ. <sup>17</sup> فَادْ إِكْمَلْ أَيْلِي سْ يَادْ إِنَا نِبِي إِشْعَيَا: «نَتَّانْ أَيُوسِينْ تِمُوضَانْ نَغْ يَسِي لَهْرْشَانْ نَخْ». <sup>18</sup>

لِيغْ إِزْرَا يَسُوعْ إِكْدُونْ گُوتِينْ نْ مَدْنْ سُوتْلَنْ أَسْ، إِسَاوَلْ سْ إِمْحَضَارْنْ نِسْ أَدْ زَكْرُنْ سْ أَكْمَاضْ أَنْ. <sup>19</sup> إِمِيكْ يَاشْكَدْ دَارْسْ يَانْ غْ إِسْلَمَادِنْ نْ شَرْعْ إِنَّايسْ: «رَاكْ ضَفْورُخْ أَسِيدِي سْ إِنَّايسْ تَدِيَتْ». <sup>20</sup> إِوَاجْبَدْ يَسُوعْ إِنَّايسْ: «هَانْ إِبُو غَاغْ طَافْنْ إِفْرَانْ، إِكْضَاضْنْ نْ إِكْنُوَانْ طَافْنْ إِكْدَفَانْ، وَلَايْنِي يَوْسْ نْ أُفَكَانْ أُورْ دَارْسْ مَافْنْ إِسْرُوسْ إِخْ نِسْ». <sup>21</sup> إِنَّايسْدْ يَانْ يَاضْنْ غْ إِمْحَضَارْنْ نِسْ: «أَجِي زُواَرْ أَسِيدِي أَدْ دُوخْ أَرْكِيغْنْ مَضْلَخْ بَابَا». <sup>22</sup> إِوَاجْبَدْ يَسُوعْ إِنَّايسْ: «ضَفْورِي تَاجْتْ وَلِي مُوتِينْ أَنْ مَضْلَنْ وَلِي يَاسْنْ مُوتِينْ». <sup>23</sup>

إِكْشِمْ سْ أَغْرِيُو ضَفْورِتْ إِمْحَضَارْنْ نِسْ. <sup>24</sup> إِمِيكْ سْ تَتَكْرَ كِرَا نْ تَسْدَدَأِيتْ إِحْشَنْ غْ أَمْدَا، أَيْلِيغْ أَدَلَّنْتْ تَضَنْكِوِينْ أَغْرِيُو لِي. يَسُوعْ نَتَّانْ إِكْنْ أُكَانْ. <sup>25</sup> دُونْ إِلِما سَرْسْ إِمْحَضَارْنْ نِسْ سَنْكِرْنِتِيدْ نَانْ أَسْ: وَأَسِيدِي فُوكُو أَخْ هَتِي رَانِلي أَكْرِي!» <sup>26</sup> إِنَّايسْ: «مَاخْ أَيْلِيغْ

تَكْسُونْمْ أَوْلَى مِإِدْرُوسْ لِيمَان؟» إِنْكُرْ يَكِي غْ وَضُو دْ أَمْدَا لِي يِسْقَسَاتْنْ. تَبِي إِلْمَا لْحَسْ نْسْنْ. <sup>27</sup> أَرْ تَعْجَابْنْ مَدْنْ أَرْتِتِينْ: «مِيْكَا غُوا دْ أَيْلِيغْ أَسْرُسْ إِسْقَلِيدْ أَمْدَا وَلَا إِجَوانْ!» <sup>28</sup> إِلْكُمْ يَسُوعْ أَكْمَاضْ أَنْ غْ تَمَرْتْ لَجَدَرِيَّنْ، لَمُوقْرُنْتِيدْ سِينْ إِمْجَنَانْ بَهْرَا شَقَّنِينْ فَغَنْدْ غْ لَقْبُورْ. أَغَرَاسْ أَنْ لِيغْ لَانْ أُورْ إِرْضَارْ حَتَّا يَانْ أَكِيسْ إِزْرِي. <sup>29</sup> إِمِيكْ سْ كَانْ وَلِي تَغُويَّتْ أَرْتِتِينْ: «مَادِيدِكْ نَشْرِكْ أَيْسُوعْ يَوْسْ نْ رَبِّي؟ إِسْ تُوشْكِيتْ سْ غِيدْ أَدَاخْ تَسْرُفُونْتْ أُورْتَأْ يَاكْ نَلْكُمْ لُوقَتْ؟» <sup>30</sup> تَاغْدْ يَاتْ تَوْلَا مَقْوِرْنْ نْ لَحْلَافْ تَكْسَانْ أَكَانْ غْ تُوكُوْكْتْ. <sup>31</sup> ضَالْبِنْ لَجْتُونْ لِي يَسُوعْ نَانْ أَسْ: «إِغْ تَرِيتْ أَدَاخْ تَصِيتْ، تَجَتْ أَغْ أَنْفَتُو سْ تُورُوتْ أَنْ نْ لَحْلَافْ». <sup>32</sup> إِنَّا يِسْنْ: «زَيْدَاتْ!» فَغْنْ دُونْ سْ تَوْلَا لِي نْ لَحْلَافْ، تَكِيدْ نِيتْ تَوْلَا لِي نْ لَحْلَافْ سْ تِرَلَا غْ أَفْلَانْ أُورِيرْ سْ أَمْدَا لِي، تَضْرِنْ تَخْسِي كُلُو غْ وَمَانْ. <sup>33</sup> إِمْكَسَاونْ نْ لَحْلَافْ لِي رُولْنْ كَنْ أَسْ تِرَلَا سْ تَمْدِنْتْ، أَرْ تَعَوَادْنْ إِمْدَنْ كُولْ مَايْجَرَانْ دْ أَيْلِي يَجْرَانْ إِمْجَنَانْ لِي. <sup>34</sup> فَغَنْدْ إِلْمَا كُلُو أَيْتْ تَمْدِنْتْ أَنْ أَدْ لَمُوكُورْنْ دْ يَسُوعْ. لِيغْتْ ثَرَانْ ضَلْبِنْ أَسْ أَيْقَغْ إِكْلِيُونْ نَسْنْ.

9

## إِفْرْ وِيسْ طَرَّا

<sup>1</sup> إِكْشِمْ يَسُوعْ سْ أَغْرِبُو، إِرْكَرْدْ أَمْدَا يَاشْكَدْ سْ تَمْدِنْتْ نَسْ. <sup>2</sup> سْ هَادْ يَانْ أَكْشَامْ إِوِينْ أَسْتِيدْ إِكَانْ غْ إِبْرَدَانْ نَسْ. لِيغْ إِزْرَا يَسُوعْ لِيمَانْ نَسْنْ إِنَّا إِوكُوشَامْ لِي: «عَاقَدْ إِحْفْ نَكْ أَيْوِي، هَانْ دَنُوبْ نَكْ تَيْوْغَفَارْنْ». <sup>3</sup> نَانْ كَرَا نْ إِسْلَمَادَنْ نْ شَرْعْ دْ إِحْفْ نَسْنْ: «غُوا دْ لَجْهَالْتْ أَيَا دْ سْ إِسْوَالْ!» <sup>4</sup> يِسَانْ يَسُوعْ أَيْلِي سُونِكِيمْ إِنَّا يِسْنْ: «مَاخْ أَتَسْوِنِكِيمْ كَارْ غْ أَوْلَاوْنْ نُونْ؟» <sup>5</sup> مَاخْ مَا إِرْخَانْ؟ أَيْسْ تَنِيتْ إِكْرَا نْ يَانْ: هَانْ تَيْوْغَفَارْنْ أَكْ دَنُوبْ نَكْ نَغْدَ أَيْسْ تَنِيتْ: نِكْ أَرْ تَدُوتْ؟ <sup>6</sup> وَلَائِنِي رِيخْ أَتَسَانْ إِسْ إِرْضَارْ يَوْسْ نْ أَفْكَانْ أَيْغَفْرْ دَنُوبْ غْ إِكِي نْ وَكَالْ». إِنَّا يِسْنْ نِيتْ إِوكُوشَامْ لِي: «نِكْرْ تَسِيتْ إِبْرَدَانْ نَكْ تَدُوتْ سْ تَكْمِي نَكْ». <sup>7</sup> إِنْكُرْ وَلِي يَدُو سْ تَكْمِي نَسْ. <sup>8</sup> لِيغْ ثَرَانْ مَدْنْ مَيَادْ، كَشْمَنْتَنْ تَكْصَاصْ أَرْ إِفْرِيدِنْ رَبِّي لِي يِفْكَانْ زُونْدْ لَجْهَدْ أَدْ إِمْدَنْ.

<sup>9</sup> إِزْرِيدْ يَسُوعْ غَيْنَ، أَرْنَ إِتَّايْ يَانْ أُرْكَازْ إِكَأُرْ أَكَانْ غَلِيلْ أَتَامْزْنْ تَتَكَاسْتْ إِكْ سْ إِسْمْ مَتَّ. إِنَّايسْ: «ضَفْورِي». إِنْكْرِ نِيتْ إِضْفُورْتْ. <sup>10</sup> لَيْغْ إِكَأُرْ يَسُوعْ أَيْشْتَا غْ تَكْمِي نْ مَتَّ، أَشْكَنْدْ كِيْكَانْ دْ إِنْكَاسْنْ دْ وِلِي فَغْنِينْ أَغَرَاسْ كَأُورْنْ أَرْ شَتَّانْ دْ يَسُوعْ دْ إِمْحَضَارْنْ نَسْ. <sup>11</sup> لَيْغْ رِزْرَانْ لَفَرِيسِيْنْ مَيَانْ، نَانْ إِيمْحَضَارْنْ نَسْ: «مَاخْ أَلِيلِيغْ أَيْشْتَا سِيدِيْتُونْ دْ إِنْكَاسْنْ دْ وِلِي فَغْنِينْ أَغَرَاسْ؟» <sup>12</sup> لَيْغْ أَسْنْ إِسْفَلْ يَسُوعْ إِنَّايسْنْ: «إِمْضَانْ أَلِيكْمَنْ فْ أَضْبِيبْ، أُورْدْ وِلِي صَحْنِينْ. <sup>13</sup> زَيْدَاتْ تَلْمِذْ مَيْكَانْ لَمْعَنَا نْ وَوَالْ أَدْ: نَكِينْ رَحْمَتْ أَدْ رِيْخْ أُورْدْ تَغْرِصِي. أَشْكُو أُورْدْ أَشْكِيْخْ أَدْ غَرْخْ إِولِي صَلْحَنِينْ، وَلَائِنِي أَمِيدْ أَشْكِيْخْ دْ وِلِي فَغْنِينْ أَغَرَاسْ أَتَتْدْ سَرْسْ رَارْخْ».

<sup>14</sup> أَشْكَنْدْ إِلْمَا دَارْسْ إِمْحَضَارْنْ نْ يُوْحَنَّا نَانْ أَسْ: «مَاخْ نَكْنِي دْ لَفَرِيسِيْنْ أَبَهْرَا نَتْرُومْ، إِمْحَضَارْنْ نَكْ نَتْتِي أُورَا تَرْزُونْ؟» <sup>15</sup> إِنَّايسْنْ يَسُوعْ: «مَاخْ رَضَارْنْ أَيْتْ تَمْغَرَا أَدْ حَزْنْ مَاحْدْ إِلَّا دِيدْسْنْ أَسْلِي؟ وَلَائِنِي رَادْ سُولْ أَشْكَنْ أَسَانْ لَيْغْ رَا إِتَّيُورْفَاعْ أَسْلِي غْ كَرَاتْسْنْ، غَكُودَانْ تَرْزُونْتِيْتْ إِلْمَا. <sup>16</sup> أُورْ إِلِي مَايْكُونْ تِبْرِدِيتْ لَجَدِيدْ فْ تَمْلِسِيتْ إِيَلانْ، أَشْكُو أَرْ تَمُونْ تِبْرِدِيتْ أَنْ تَبِي تَمْلِسِيتْ أَنْ إِيَلانْ، يَمْغُورْ إِلْمَا أُشْرِيْكْ. <sup>17</sup> أُورَا تَكَانْ مَدْنْ شَرَابْ لَجَدِيدْ غْ إِيدِيْدِنْ إِقْدِيمْنْ، أَدْ أُورْ بَقِيْنْ إِيدِيْدِنْ إِفِي شَرَابْ خَصْرَنْ إِيدِيْدِنْ. وَلَائِنِي أَغْ أَتَكَانْ مَدْنْ شَرَابْ لَجَدِيدْ دْ إِيدِيْدِنْ لَجَدِيدْ، حَضُونْتْنْ سِينْ».

<sup>18</sup> أَرْ نِيتْ سُولْ إِسْوَالْ، سْ هَادْ يَانْ أَنْمَغُورْ يُوشَكَادْ إِسْجَدْ أَسْ إِنَّايسْ: «إِلِي بُحْرَا تَمُوتْ وَلَائِنِي رَوَاحْ أَفْلَاسْ تَسْرِسْتْ أَفْوَسْ نَكْ أَتَدْرْ». <sup>19</sup> إِنْكْرِ يَسُوعْ إِضْفُورْتْ نَتَّانْ دْ إِمْحَضَارْنْ نَسْ. <sup>20</sup> إِمِيَكْ تَاشْكَدْ يَاتْ تَمْغَرْتْ تُوضَنْ أَرْ تَقِي إِدَامَنْ كَرَانْ سِينْ دْ مَرَاوْنْ أُسْكَاسْ، تَكْدْ تَغْرِضِينْ إِيْسُوعْ تَكَرْ إِيَانْ أَشْضَاضْ غْ تَمْلِسَا نَسْ. <sup>21</sup> أَشْكُو تَتا دْ إِخْفْ نَسْ: «إِغْ كَا كَرْخْ إِتَمْلِسِيتْ نَسْ، رَادْ جِيْخْ». <sup>22</sup> إِكْلِبَنْ يَسُوعْ إِزْرِتْ إِنَّايسْ: «عَاقَدْ أَيْلِي هَانْ لِيَمانْ نَمْ أَكْمْ إِجِيْجِينْ». تَجِي تَمْغَرْتْ لَيِ عَمْنْ غَكُودَانْ. <sup>23</sup> لَيْغُنْ إِلْكَمْ يَسُوعْ تِكْمِي نْ أَنْمَغُورْ لَيِ، إِسْمُوقْلْ يَنِي وِلِي صُوضِنِينْ تَعَوَّاتْ دْ مَدْنْ أَرْ سَعْوِيْونْ، <sup>24</sup> إِنَّايسْنْ: «فَغَاتْ! هَانْ تَقْرُوْخَتْ أُورْ تَمُوتْ، إِسْ كَا تَكَنْ!» أَرْكِيْسْ ضَنْصَانْ وِلِي. <sup>25</sup> لَيْغُدْ سُوفْغَنْ مَدْنْ، إِكْشِمَنْ يَامْزْدْ تَقْرُوْخَتْ لَيِ غْ أُفُوسْ نَسْ، تَتَكْرُدْ نِيتْ. <sup>26</sup> أَوِينْدْ كُلو أَيْتْ تَمَزِرْتْ أَنْ لَأَخْبَارْ نْ مَيَانْ.

إِزْرِيدْ يَسُوعْ غَيْنَ، ضَفْوَرْتِينْ سِينْ إِبْكَاصْنْ أَرَاسْ سِبْرِيْحْنْ أَرْتِتِينْ: «وَا يَوْسْ نْ دَاوْدْ حُنُو گِينْخ». <sup>27</sup> لِيغْنَ إِلْكْمْ تِكْمِي، أَشْكَنْدْ دَارْسْ سِينْ إِبْكَاصْنْ لِي، إِسْقَسَاتْنْ إِنَّايسْنْ: «إِسْ تُومِنْ إِسْ ژَضَارْخْ أَدْ سَكْرَخْ مِيَادْ؟» نَانْ أَسْ: «يَاهْ أَسِيدِي». <sup>29</sup> إِكْرْ نِيتْ إِوَالَّنْ نِسْنْ إِنَّايسْنْ: «أَدَأَوْنْ يِيلِي غُونْشَكَلِي سْ تُومِنْ». <sup>30</sup> رِزْمِنْتْ نِيتْ وَالَّنْ نِسْنْ إِسْقَيْونْ. يُوصُوتْنْ يَسُوعْ مِنَاؤْتْ تَوَالْ إِنَّايسْنْ: «هَانْ أَدْ أُورْ يَوِي يَانْ لَأَخْبَارْ نْ مِيَادِ!» <sup>31</sup> وَلَائِي فُوْغَنْدْ سَفْكَنْ كُلُو لَأَخْبَارْ نِسْ إِتْمَرْتْ أَنْ.

لِيغْ فَغْنْ، هَادْ كُرَا نْ مَدْنْ إِوِينْ أَسْدْ يَانْ أَكْنَاوْ غْ لَانْ لَجْنُونْ. <sup>33</sup> إِنْكْرْ إِسْوَفْغْ كِيسْ لَجْنْ، أَرْ إِسْوَالْ أَكْنَاوْ لِي أَرْ تَعْجَابْنْ مَدْنْ أَرْتِتِينْ: «أَجْوَنْدْ إِيَائِنْ زُونْدْ غُواَدْ غْ إِسْرَائِيلْ». <sup>34</sup> وَلَائِي لَفْرِيسِيْبِينْ نِنْتِي نَانْ أَسْ: «غُواَدْ أَرِيَاسْ نْ لَجْنُونْ أَسْ أَيْطَايْ لَجْنُونْ».

إِلْكْ يَسُوعْ إِلْمَدَائِنْ كُلُوتْتْ دْ لَمَوْضِيعْ، أَرْ إِسْلَمَادْ غْ إِكْرَأَوْنْ نِسْنْ أَرْ إِتْبَشَارْ سْ لَنْجِيلْ نْ تَكْلِدِيتْ، أَرْ إِجِيجِيْ كِرِيْكَاتْ أَطَانْ دْ كِرِيْكَاتْ لَهْرَشَانْ. <sup>36</sup> أَرْ إِتَّايِيْ مَدْنْ لَيِنْ مُونِينْ إِحْنُو كِيسِنْ، أَشْكُو رِقْوَنْ رِمِينْ زُونْدْ أُولِي لِي دَارْ أُورْ إِلِي اُمْكَسَا. <sup>37</sup> غَكُودَانْ أَيِسْنْ إِنَّا إِيمْحَضَارْنْ نِسْ: «تُكْوَتْ تَمْكَرَا، إِدْرَاسْنْ إِشْوَالْنْ، <sup>38</sup> ضَلْبَاتْ إِيَابْ نْ تَمْكَرَا أَدْ إِصْرَفْ إِشْوَالْنْ إِتْمَكَرَا نِسْ».

10

## إِفْرْ وِيسْ مَرَاوْ

<sup>1</sup> إِنْكْرْ يَسُوعْ إِغْرْ إِسِينْ دْ مَرَاوْ نْ أَمْحَضَارْ لِي نِسْ، إِفْكَاسْنْ لَجْهَدْ مَاسْ سُوفُوغْنْ لَجْنُونْ غْ مَدْنْ، جِيْنْ كِرِيْكَاتْ تَمَضُونْتْ دْ لَهْرَشَانْ لِي كِيسِنْ إِلَانْ. <sup>2</sup> إِسْمَاوِنْ نْ سِينْ دْ مَرَاوْ نْ أُورْقَاصْ أَنْ كَانْ غَمْكَادْ: أَمْزَوَرُو إِكَاتْ سِمْعَانْ لِي مِ تَتِينْ بُطْرُسْ دْ كِمَاسْ أَنْدَرَأُوسْ، دْ يَعْقُوبْ دْ كِمَاسْ يُوْحَنَّا، تَرْوَانْ زَبَدِي. <sup>3</sup> دْ فِيلِبِسْ دْ بَرْتُولَمَاءُوسْ، دْ تُومَا دْ مَتَّى لِي يِيْكَانْ أَنْكَاسْ. دْ يَعْقُوبْ يَوِسْ نْ حَلْفَى، دْ لَبَاؤِسْ لِي مِ تَتِينْ تَدَأَوِسْ، دْ <sup>4</sup> سِمْعَانْ بُوْسِيْعَرْ، دْ إِلْمَآ يَهُوْذَا لَسْخَرْيُوطْ لِي إِزْنَانْ يَسُوعْ.

<sup>5</sup> سِينْ دْ مِرَاوْ أَدْ نْ أُورْقَاصْ أَيُوزْنْ يَسُوعْ يُوصُوتْنْ إِنَّايسْنْ: «أَدْ أُورْ تَامْرْ كُرَا نْ أَغْرَاسْ سْ دَارْ لُكْنُوسْ، أَلَا تَكْشِمْ سْ كُرَا نْ تَمَرْتْ نْ سَامِرِيَّنْ». <sup>6</sup> وَلَايْنِي أَسْ تَدَامْ دَارْ إِلَقَاغْنْ نْ أَيْتْ تَكْمِي نْ إِسْرَائِيلْ لَيْ جَلَانِينْ. <sup>7</sup> إِغْ تَكَامْ أَغْرَاسْ أَرْ تَبْشَارْمْ أَرْ تَتِيمْ: هَانْ تَكْمُورْدْ تَكْلِدِيتْ نْ إِكْنَوَانْ. <sup>8</sup> جِجِي أَتْ إِمْضَانْ، تَسْغُوسْمْ إِنْجَدَامْ. تَسْكُرْمْدْ وَلَيْ مُونْتِينْ. تَسْوُفْغُمْ لَجْنُونْ غْ مَدَنْ. تُومَرْمْ فْ رَبِّي، أَكَايْتْ فْ رَبِّي. <sup>9</sup> أَدِيدُونْ أُورْ تَسِيمْ إِقْرِيظِنْ نْ أُورْغْ أَلَا وَيْنْ نَفَرْتْ أَلَا وَيْنْ وَنَاسْ غْ إِقْرِبَانْ نُونْ، <sup>10</sup> أَلَا تُوسِيمْ تَوْلَكْتْ نْ لَعْوِينْ إِوْغَرَاسْ، أَلَا تِيسْ سَنَاتْ تَمْلَسَا، أَلَا تُورْزِيَّنْ أَلَا كُورَايْ، أَشْكُو أَخْدَامْ إِرْوَادْ مَتْشَا نْ.

<sup>11</sup> تَمْدِنْتْ نَغْدْ لَمُوضَعْ نَا سْ تَكْشِمْ، تَسْكَلْمْ كِيسْ مَانُوا إِسْتَهْلَانْ، تَلِيمْ دَارْسْ أَرْكِيغْ تَفُوغْمْ غَيْنِ. <sup>12</sup> إِغْنِ تَكْشِمْ سْ تَكْمِي نْسْ، تَسْلَمْ فَلَاسْ، <sup>13</sup> إِغْ بَيْتْ سَتَهْلَانْ أَيْتْ تَكْمِي يَانْ سَلَامْ نُونْ يَلي فَلَاسْنْ. إِغْتْ أُورْ سَتَهْلَانْ، يَضُو يَاوَنْدْ سَلَامْ نُونْ. <sup>14</sup> إِغْ سَرْوَنْ أُورْ إِسْمَرْحَبَا كُرَا نْ يَانْ أَلَا إِسْقَلْدْ إِوْوَالْ نُونْ غْ تَكْمِي يَانْ نَغْدْ غْ تَمْدِنْتْ أَنْ، فَغَادْ غَيْنِ، تَسْوُسْمْ أَكْضَرُورْ لَيْدْ أَسِينْ إِضَارَنْ نُونْ. <sup>15</sup> لَحَقْ أَدَاؤْنْ تَتِيمْ: رَا سُولْ يَقْسَاسْ لَعِقَابْ نْ تَمْدِنْتْ نْ سَدُومْ دْ عَمُورَا غْ وَاسْ إِكْرَانْ فْ وَيْنْ تَمْدِنْتْ نَا.

<sup>16</sup> هيِ رَاكَنْ أَزْنِخْ زُونْدْ إِلَقَاغْنْ غْ كَرْ أُوشَانْ، گَاتْ زُونْدْ إِلْكَمَاضِنْ غْ لَحْرْشَانْ، تَكْمْ أَيْتْ سَلَامْتْ زُونْدْ إِتْبِيرْنْ. <sup>17</sup> وَلَايْنِي إِيَاتِنْ دْ مَدَنْ، هَانْ رَاكَنْ أَوِينْ سْ لَمْحَكَمَاتْ، شَنَاؤْنْ أَكُورَايْ غْ إِكْرَاءُنْ نَسْنْ. <sup>18</sup> أَوِينْكِنْ سْ لَكَدَامْ نْ لَحْكَامْ دْ إِكْلِدَانْ فْ سَبَّتْ إِنُو، أَدَاسْنْ فَلِي تَفْكِمْ تُوكَأْ تَفْكِمْتَتْ إِلْكَنُوسْ. <sup>19</sup> وَلَايْنِي إِغْكِنْ أَوْمَرْنْ أَدْ أُورْ تَسِيمْ لَهْمْ إِمَارَايِسْنْ تَتِيمْ دْ مَمْنُكْ أَسْ رَايْسَنْتْ تَتِيمْ، أَشْكُو رَادَاؤْنْ إِلْقَكْ غْ تَرِي يَانْ مَاسْ أَيِسْنْ تَتِيمْ. <sup>20</sup> أَشْكُو أُورْدْ كَنِي أَسُولْ إِسَوَالْنْ، وَلَايْنِي رُوحْ نْ بَابَاتُونْ أَرَادْ كِيُونْ إِسَوَالْ. <sup>21</sup> رَاتِرِنْزْ تَكْمَاتْ تَيَاضْ تَقْكَتْ إِلْمُوتْ، إِزْنِزْ أَرْكَازْ يَوْسْ، نَكْرِنْدْ تَرْوَا فْ وَلِيَنْ أَرْوَنِينْ نَغْتَنْ، <sup>22</sup> رَاكَنْ كُلُو حَشَانْ مَدَنْ فْ سَبَّتْ نْ إِسْمْ إِنُو، وَلَايْنِي وَلَيْ يَصْبِرْنْ أَرْ إِسْ إِكْرَانَنْ أَرَا يَنْجَمْ. <sup>23</sup> إِغْكِنْ سُوفْغَنْ غْ كُرَا نْ تَمْدِنْتْ، تَرْوَلْمْ سْ تَيَاضْ. هَانْ لَحَقْ أَدَاؤْنْ تَتِيمْ: أُورَا تَكْمَلْ لَمْدَائِنْ نْ إِسْرَائِيلْ أَرْكِيغْدْ يُوشْكَا يَوْسْ نْ أُفْكَانْ.

أُورْ يُوفْ أُمْحَضَارْ أَسْلَمَادْ نْسْ، أَلَا يُوفْ إِسْمَكْ سِيدِيسْ. <sup>25</sup> يُودَا إِغْ إِكَا أُمْحَضَارْ زُونْدْ أَسْلَمَادْ نْسْ، إِكْ إِسْمَكْ زُونْدْ سِيدِيسْ. إِغْ كَانْ إِيَابْ نْ تَكْمِي بَعْلَزَبُولْ، وَهَلِي مَارَا كُلُّوْ كُنْ إِبَيْتْ تَكْمِي نْسْ! <sup>26</sup> هِيَ أَتَنْ أُورْ تَكْصَاصْمْ. أَشْكُو كُولْ مَانْ إِنْتَنْ رَادْ إِيَابْ، كُولْ مَانْ إِحْضَانْ رَادْ إِفَاغْ. <sup>27</sup> أَيْلِي يَاوْنْ تَتِيَخْ غْ تِلَاسْ، تَتِيَاتْ غْ تِقاوْتْ. أَكْرُكْشْ نَا مْ تَسْقَلْدْمْ سْ إِمْرُكَانْ نُونْ، بَرْحَاتْ سِرْسْ غْ إِزُورْنْ. <sup>28</sup> أَدْ أُورْ تَكْصَاصْمْ غْ وَلِي نَقْنِينْ دَاتْ، وَلَائِنِي رُوحْ أُورْ زَضَارْنْ أَتْ نَغْنْ. أَغْ أَتَكْصَاصْمْ دْ وَلِي يِزْضَارْنْ أَيْنِغْ رُوحْ دْ دَاتْ إِلْوَحْتَنِينْ سِينْ إِتْسِنْ غْ جَهَنَّمَا. <sup>29</sup> إِزْدْ أُورْدْ يَانْ لَكْرُشْ أَسَا نِزَانْ سِينْ إِزَكَانْ؟ وَلَائِنِي وَخَا غَمْكَانْ أُورَأَ كِيسِنْ إِضْرْ يَانْ سْ وَكَالْ، بْلَا إِسْنْ بَابَاتُونْ. <sup>30</sup> أَمَا كَنِي هَانْ حَتَّا إِنْزَاصْنْ نْ إِخْفَاوْنْ نُونْ كُلوْتَنْ تَيْوَحْسَابِنْ. <sup>31</sup> هِيَ أَدْ أُورْ تَكْصَاصْمْ! أَشْكُو كَنِي تُوفْ كِيَكَانْ دْ إِزَكَوَانْ! <sup>32</sup> كُولْ مَافْلِي يَكَانْ تُوكَّا غْ لَكْدَامْ نْ مَدَنْ، رَا فَلَاسْ أَكَاخْ تُوكَّا أَلَا نَكِينْ غْ لَكْدَامْ نْ بَابَا لَيْ يِلَانْ غْ إِكْنَوَانْ، <sup>33</sup> وَلَائِنِي وَنَايِ إِتَّكَارْنْ غْ لَكْدَامْ نْ مَدَنْ، رَاتْ نَاكْرُخْ أَلَا نَكِينْ غْ لَكْدَامْ نْ بَابَا لَيْ يِلَانْ غْ إِكْنَوَانْ.

<sup>34</sup> أَدْ أُورْ تَغَالْمْ إِسْدْ أَشْكِيخْ أَدْ سَكْرُخْ لَهْنَا غْ وَكَالْ. أُورْدْ أَشْكِيخْ أَدْ سَكْرُخْ لَهْنَا وَلَائِنِي تَطِيْتْ أَفْدْ أَشْكِيخْ. <sup>35</sup> أَشْكِيَخْ دْ بَضُوخْ أَرَأَوْ دْ بَابَاسْ، بَضُوخْ تَقْرُوْخْتْ دْ مَاسْ، بَضُوخْ تَمْغَرْتْ دْ تَفْقِيرْتْ نْسْ. <sup>36</sup> لَعْدُو نْ يَانْ أَرْتْ تَكَانْ أَيْتْ تَكْمِي نْسْ. <sup>37</sup> وَنَا إِحْوَيَانْ بَابَاسْ نَغْدَ مَاسْ أَكَارْ إِنُو، هَانْ أُورْ إِيِّ إِسْتَهْلَا. وَنَا إِحْوَيَانْ يُوسِنْ نَغْدَ إِلِيسْ أَكَارْ إِنُو، هَانْ أُورْ إِيِّ إِسْتَهْلَا. <sup>38</sup> دْ وَنَا أُورْ يُوسِينْ صَلِيبْ نْسْ إِصْفُوريِّ، هَانْ أُورِيِّ إِسْتَهْلَا. <sup>39</sup> وَنَا إِتَّعِينْ غْ تُودْرْتْ نْسْ رَاسْتْ إِجْلُو، وَنَا فَلِي يِجْلَانْ تُودْرْتْ نْسْ رَاسْتْ يَافْ. <sup>40</sup> وَنَا سُرُونْ إِسْمَرْحَبَانْ هَانْ إِسْمَرْحَبَانْ سِريِّ، دْ وَنَا سِريِّ إِسْمَرْحَبَانْ هَانْ إِسْمَرْحَبَانْ سْ وَلَيِيدْ يُوزْنْ. <sup>41</sup> وَنَا إِسْمَرْحَبَانْ سْ كَرَا نْ نَبِيِّ أَشْكُو إِكَا نَبِيِّ هَانْ تَغْرَاضْ نْ نَبِيِّ أَرَا يَامْزْ، دْ وَنَا إِسْمَرْحَبَانْ سْ كَرَا نْ يَانْ إِصْلَحْنْ أَشْكُو إِكَا وَادْ إِصْلَحْنْ، هَانْ تَغْرَاضْ نْ وَادْ إِصْلَحْنْ أَرَا يَامْزْ. <sup>42</sup> دْ وَنَا إِفْكَانْ إِيَانْ غْ غُويِدْ مَرْبِينِينْ مَقَارْدْ يَانْ لَكَاسْ نْ وَمَانْ زُوزُوَنِينْ أَشْكُو إِكَا أُمْحَضَارْ إِنُو، لَحَقْ أَدَأْوْنْ تَتِيَخْ أُورَأَدْ جُلُونْتْ تَغْرَاضْ نْسْ».

## إِفْرَ وِيسَّ يَانْ دْ مِرَاوْ

<sup>١</sup> لِيغْ إِكْمَلْ يَسُوعْ لُوصِيَّاتْ نِسْ إِسِينْ دْ مِرَاوْ نْ أَمْحَضَارْ لِي نِسْ، إِفْغَدْ غِينْ إِدُو أَرْ إِنْبَشَارْ أَرْ إِسْلَمَادْ غْ لَمْدَائِنْ نْ غِينْ. <sup>٢</sup> لِيغْ إِسْقَلْدْ يُوحَنَّا غْ لَحْبِسْ فْ أَيْلِي يِسْكَارْ لَمَسِيْخْ، إِصَافَضْ سِينْ غْ إِمْحَضَارْ نِسْ أَتْ سَقْسَانْ، <sup>٣</sup> إِنِينْ أَسْ: «إِزْدْ كِيَّنْ أَيْكَانْ وَلِي رَادْ يَاشَكْ، نَغْدْ نَقْلْ سُولْ سْ وِيَاضْ؟» <sup>٤</sup> إِوَاجِيدْ إِنَّايسِنْ: «زِيدَاتْ تِنِيمْ إِبُونَهَا أَيْلِي مْ تَسْفَلْدْمْ دْ أَيْلِي تَزْرَامْ: إِيْكَاضْنْ أَرْ تَسْقِيُونْ، إِيْصَارْنْ أَرْ فُونْ، إِنْجَدَامْنْ أَرْ تَغُوسْنْ، إِضْرَضَارْ أَرْ سَقْلِيَّنْ، وَلِي مُوتِنِينْ أَرْدْ نَكْرْنْ، دْ دَرَاوْشْ أَرْ سَقْلِيَّنْ إِلَّا خَبَارْ نْ لَفْرَحْ. <sup>٥</sup> أَمْبَارْكِيْ أَيْكَانْ وَلِي سَرِيْ أُورْ إِكُوفِرْنْ». <sup>٦</sup>

<sup>٧</sup> لِيغْ دَانْ سِينْ إِمْحَضَارْنْ لِي نْ يُوحَنَّا، إِنْكَرْ يَسُوعْ أَرْ إِسَوَالْ إِمْدَنْ فْ يُوحَنَّا إِنَّايسِنْ: «مَاسْ تَفُوغْمْ أَتَيْدْ تَزْرَمْ غْ لَخْلَا؟ إِزْدْ أَغْنِيمْ إِسْمُوسُو وَضُو؟ <sup>٨</sup> نَغْدْ مَاسْ تَفُوغْمْ أَتَيْدْ تَزْرَمْ؟ إِزْدْ كَرَا نْ يَانْ إِلْسَانْ تِيمْلَسَا نْ لَحْرِيرْ؟ هَانْ وَلِي لَسِينِينْ تِيمْلَسَا نْ لَحْرِيرْ غْ تَكْمَانْ إِكْلَدانْ. <sup>٩</sup> نَغْدْ مَاسْ تَفُوغْمْ أَتَيْدْ تَزْرَمْ؟ إِزْدْ كَرَا نْ نَبِيْ؟ يَاهْ أَرَأَوْنْ تَتِيَخْ يُوفْ نَبِيْ. <sup>١٠</sup> أَشْكُوْ غَوَادْ أَفْ إِتِيُورَا غْ وَرَّا نْ رَبِّيْ: هَيْ رَانْ زَوَارْ أَزْنَخْ أَرْقَاصْ إِنُو لِي رَادَاكْ يُوجَادْ أَغْرَاسْ. <sup>١١</sup> لَحَقْ أَدَاؤْنْ تَتِيَخْ: أُورْ إِلِي غْ كَرْ تَرْوَانْ تَمْغَرِينْ كَرَا نْ يَانْ لِي يُوكَرْنْ يُوحَنَّا لَمَعْمَدَانْ، وَلَائِنِي وَلِي كُلُّو مَرْيِنْ غْ تَكْلِدِيتْ نْ إِكْنَوَانْ يُوكَرْتْ. <sup>١٢</sup> غَمْنْ أَسَانْ نْ يُوحَنَّا لَمَعْمَدَانْ أَرْ غَلَادْ، أَدْ مَاعْنْ مَدَنْ كَنِينْ لَجَهْدْ نَسْنْ أَدْ كَشْمَنْ سْ تَكْلِدِيتْ نْ إِكْنَوَانْ، وَلِي مَغَنِينْ كَنِينْ صَاحْتْ أَسَرْسْ إِكْشَمْنْ. <sup>١٣</sup> أَشْكُوْ أَرَّاتْنْ نْ لَائِنِيَا كُلُوتْنْ دْ شَرْعْ أَرْ تَكَشَافْنْ فْ تَكْلِدِيتْ أَدْ أَيْلِيغْدْ يُوشَكَا يُوحَنَّا. <sup>١٤</sup> إِغْ تَرَامْ أَتَقْلِمْ مِيَادْ، هَانْ يُوحَنَّا أَيْكَانْ نَبِيْ إِيلِيَا لِي سْ أَنْقَلْمْ أَدْ يَاشَكْ. <sup>١٥</sup> وَنَا دَارْ إِمْزَكَانْ مَاسْ إِسْقَلِيدْ أَرْ إِسْقَلِيدْ!

<sup>١٦</sup> مَاسْ رَادْ مَنْلَخْ تَسُوتْ أَدْ؟ تَكَانْ رُونْدْ كَرَا نْ تَرْوَا كَلَوْرْنْ غْ إِسْوِيَّاسْ أَرْ أَفْرَانْ إِيْسِمُونْ نَسْنْ أَرَاسْنْ تَتِيَخْ: <sup>١٧</sup> نَكَادْ نُوتْ أَوْنْ أَعْوَادْ أُورَا أَتَرْكَازْمْ! نَكَادْ أَرْ فَلَاؤْنْ نَسْغُوْيُو أُورَا أَتَلَامْ! <sup>١٨</sup> أَشْكُوْ يُوشَكَادْ يُوحَنَّا أُورْ أَيْشَتا أُورْ أَيْسَا، أَرْتِنِينْ: إِلَّا كِيسْ لَجْنْ. <sup>١٩</sup> يَاشْكُدْ يِوْسْ

نْ افْكَانْ أَرْ إِسْتَأْرْ إِسَّا، أَرْتِتِينْ: هَا يَانْ بَنَادِمْ مِإِكُوتْ أَحْلِيَكْ إِتْلُو سْ شَرَابْ عَزُونْ دَارْسْ إِنْكَاسْ دْ وِلِي فَغْنِينْ أَغْرَاسْ. وَلَا يَنِي لَعْلَتْ نْ لَحْكَمَا أَيْمَالِنْ إِسْ تَصْلَحْ». <sup>20</sup>

إِنْكَرْ إِلْمَا يَسُوعْ أَرْ إِطْرِي دْ لَمْدَائِنْ لِيغْ إِسْكَرْ تُوكَتْ نْ لَمْعَجِزَاتْ نَسْ، أَشْكُو أُورْدْ إِوْرِينْ مَدْنْ لِي گِيسْنَتْ لَانِينْ سْ أَغْرَاسْ. <sup>21</sup> إِنْأَيْسِنْتْ: «تَجْرَا كِيمْ أَتَمْدِنْتْ نْ كُورَزِينْ! تَجْرَا كِيمْ أَبِيَتْ صَيْدَا! أَشْكُو مَلَادْ إِسْ تَيُوسْكَارْنَتْ لَمْعَجِزَاتْ لِي گِيوْنَتْ تَيُوسْكَرْنِينْ غْ صُورْ دْ صَيْدَا، سْدْ إِوْرِينْ إِمْزَدَاغْنْ لِي گِيسْنَتْ سْ أَغْرَاسْ مَنْشَكْ أَيَادْ، لَسْنْ أَقْشَابْ نْ شَعْرْ زُوزَرْنْ إِغْدَفْ إِخْفَاؤْنْ نَسْنْ. <sup>22</sup> وَلَا يَنِي أَرَأَوْنَتْ تَتِيَخْ رَا سُولْ يَفِسَاسْ لَعِقَابْ لِيغْ رَا تَلِي صُورْ دْ صَيْدَا غْ وَاسْ لَحْسَابْ فْ وِنُونْتْ. <sup>23</sup> أَلَا كَمِينْ أَكَفْرَنَاحُومْ لِي يَتَتَوْيِنْ سْ إِكْنَوَانْ! رَادْ تَضْرِتْ سْ لَبْهُمُوتْ. أَشْكُو مَلَادْ إِسْ تَسْكَرْنَتْ لَمْعَجِزَاتْ لِي گِيمْ تَسْكَرْنِينْ غْ سَدُومْ، سْ أَكَانْ سُولْ تَعْمَا غَسَادْ. <sup>24</sup> وَلَا يَنِي أَرَأَمْ تَتِيَخْ لَعِقَابْ لِي رَايِلِي فْ تَمَرِتْ نْ سَدُومْ أَسْ نْ لَحْسَابْ رَا سُولْ يَفِسَاسْ فْ لَعِقَابْ لِي رَا فَلَامْ يَلِي».

<sup>25</sup> تِزِي يَانْ أَيْسَاوْلْ يَسُوعْ إِنَا: «أَرْكْ تَحْمَادْخْ أَبَابَا بَابْ نْ إِكْنَوَانْ دْ وَكَالْ، أَشْكُو تَسْنِلتْ مَيَادْ فْ أَيْتْ لَعْقَلْ دْ وِلِي فَهْمَتِينْ تَمْلَتْ إِيْحَشْمِينْ. <sup>26</sup> يَاهْ أَبَابَا، أَشْكُو غَمْكَادْ أَتْرِيتْ أَيَّلِي. كَرِيَكَاتْ تَغَوْسَا إِكَاتْ بَابَا غْ دُو أَفُوسْ إِنُو، حَتَّا يَانْ أُورْ إِسْيِينْ يَوْسْ نْ رَبِّي أَبَلا بَابَاسْ، دْ حَتَّا يَانْ أُورْ إِسْيِينْ بَابَا أَبَلا نَكِي لِي يَكَانْ يَوْسْ دْ وَنَا رِيَخْ أَدَسْتْ مَلْخْ. <sup>28</sup> أَشْكَادْ كُلو درِي أَوْلِي رَمَنِينْ دْ وِلِي مِرْضَائِينْ إِسْتِيَّنْ أَدَاوْنْ سُونْفُوخْ. <sup>29</sup> كَاتِنْ فَلَوْنْ تَسْكُنُوتْ إِنُو أَرْ گِيَگِي تَلَمَادِمْ، أَشْكُو إِلَا درِي لَخَاطِرْ إِتَوَضَعاً وُولْ إِنُو، أَتَافْ أَسُونْفُو إِيْخَافَوْنْ نُونْ. <sup>30</sup> أَشْكُو تَرْخَا تَسْكُنُوتْ إِنُو يَفِسَاسْ أَسْتِي نُو».

12

## إِفْرْ وِيسْ سِينْ دْ مَرَاوْ

<sup>1</sup> يَانْ وَاسْ نْ سِبْتْ، إِزْرِيدْ يَسُوعْ غْ كُرْ إِكْرَانْ نْ إِمْنِدي، سْ يَاغْ لَاثْ إِمْحَضَارْنْ نَسْ، نَكْرْنْ أَرْدْ تَكْسْنْ تَيِّدِرِينْ أَرْتِتْ شَتَّانْ. <sup>2</sup> لِيغْتَنْ ژْرَانْ لَفَرِيسيَّينْ نَانْ أَسْ: «سَمُوقْلْ إِمْحَضَارْنْ نَكْ سَلَانْ دْ أَيْلِي يَحْرَمْنْ غْ وَاسْ نْ سِبْتْ!» <sup>3</sup> إِنْأَيْسِنْ: «إِزْدْ أُورْ تَغْرِيمْ أَيْلِي يَسْكُرْ دَاوْدْ لِيغْتْ

يَا غَ لَازْ نَتَانْ دِ إِسْمُونْ نَسْ؟<sup>4</sup> لِيغْ إِكْشِمْ سِ تَكْمِي نِ رَبِّي إِشْ أَغْرُومْ إِتَّيُوقَدَسْ نَتَانْ دِ إِسْمُونْ نَسْ مَقَارْ أُورْ إِحْلِي إِيَانْ أَتْ إِشْ أَبْلَا إِنْبَادَنْ وَهَدُوتْنِ!<sup>5</sup> نَغْدَ أُورْ تَغْرِيمْ غَ تَوْرَاتْ إِسْ أَتَخْدَامْ إِنْبَادَنْ غَ لَهِيَكْ غَ وَاسْ نِ سَبْتْ لِي طَرْزَانْ سِ لَخْدَمْتْ نَسْ مَشْ أُورْ فَلَاسْنِ إِلَيْ يَاتْ؟<sup>6</sup> وَلَائِنِي أَرَأَوْنْ تَتِيخْ: هَا وَادْ يُوكَرْنْ لَهِيَكْ إِلَّا غِيدْ!<sup>7</sup> مَلَادْ إِسْ تَسْنَمْ سِ لَمْعَنَا نِ وَوَالْ نِ رَبِّي لِي يَتِتِينْ: نَكِينْ لَحْنَاتْ أَدْ سَكِيلْخْ أُورْدَ تَغْرِصِي، أُورَّا تُوتْمْ لَحُوكْمْ فَ وَلِي فَ أُورْ إِلَيْ يَاتْ!<sup>8</sup> أَشْكُو هَانْ يَوْسْ نِ أَفْكَانْ أَيْكَانْ بَابْ نِ سَبْتْ».

إِنْكْرِ إِفْلَنْ غِينْ، يَاشْكَدْ سِ أَكْرَأَوْ نَسْنِ،<sup>9</sup> يِلِي غِينْ يَانْ أَرْكَازْ مِ إِكُوشْمْ أَفُوسْ، إِرِينْ لَفَرِيسيِينْ أَدْ أَفْنْ كَرَا نِ مَافْ أَسْرَسْ تَشْكَانْ، سَقَسَانْتْ نَانْ أَسْ: «إِسْ إِحْلَّا أَيْجِجِي يَانْ إِمْضَانْ غَ وَاسْ نِ سَبْتْ؟»<sup>10</sup> إِواجِبْ إِنَّايسِنْ: «مَانُوا گِيُونْ دَارْ إِتْلِي كَرَا نِ الْقَاغْ إِضْرَ أَسْنِ غَ أَكْضِي غَ وَاسْ نِ سَبْتْ أُورْ أَتِيدْ گِيسْ إِتَالْ؟<sup>11</sup> وَهَلِي مَنْشَكْ أَسْ يُوفْ بَنَادَمْ الْقَاغْ! هَيَا إِحْلَّا أَتَسْكُرْتْ أَفُولْكِي غَ وَاسْ نِ سَبْتْ!»<sup>12</sup> إِنَّايسِنْ إِلَمَا أَورْكَازْ لِي: «مَدِيدْ أَفُوسْ نَكْ!» إِمْدِي يَسْتِينْ، يَضُو إِجِي إِكْ رُونْدْ أَفُوسْ أَنْ يَضْتِينْ.

لِيغْدْ فُوغْنْ لَفَرِيسيِينْ أَرْ فَلَاسْ تَمْشُوِيرْنْ أَتْ نَغْنِ،<sup>13</sup> يِسَانْ يَسُوعْ فَ مِيَانْ، إِدُو إِفْلْ غِينْ. ضَفُورْنْتْ كِيَكَانْ دِ مَدْنِ، إِجِجِي كُلو إِمْضَانْ نَسْنِ.<sup>14</sup> يُوصُوتْنْ أَدْ أُورْ مَلْنِ إِيَانْ مِيَكَا.<sup>15</sup> فَادْ إِكْمَلْ أَلِي سِ يَادْ إِنَّا نَبِي إِشَعِيَا:<sup>16</sup> «غَوَادْ أَيْكَانْ إِسْمَكْ إِنُو لِي سَتِيخْ، وَلِي درِي إِعْرَانْ رَضُوخْ فَلَاسْ: رَاتْ عَمَرْخْ سِ رُوحْ إِنُو أَيْمَالْ لَحَقْ إِلْكُنُوسْ.<sup>17</sup> أُورَا إِطْرِي أَلَا أَرْ إِصْعَيِيِضْ، أَلَا أَرْ إِسْفَلِيدْ يَانْ إِوَالْ نَسْ غَ إِسْوَاكْ.<sup>18</sup> أَغْنِيِمْ لِي نِيتْ إِكَنَانْ أَدْ أُورْ إِطْرَزَا، تَفْتِيلْتْ لِي نِيتْ إِكَا وَكُو أَدْ أُورْ إِسْنَسَا، أَرْدَ إِسْبِيدْ لَحَقْ إِنْصَرْتْ.<sup>19</sup> إِسْمْ نِسْ أَغْ رَانْ كُلو گِنْ لِكَنُوسْ رَجَا نَسْنِ».

أَوِينْ أَسْدْ إِلَمَا يَانْ أَرْكَازْ إِتَّيُومَلَاكْنِ إِبُوكَضْ إِكْ أَكْنَاوْ، إِجِجِيتْ يَسُوعْ، أَرْ إِلَمَا إِسْمُقُولْ أَرْ إِسْوَالْ.<sup>20</sup> أَرْ كُلو تَعْجَابْنِ مَدْنِ لَيِنْ مُونِينْ أَرْ سَقَسَانْ: «يَاكْ أُورْدَ يَوْسْ لِي نِ دَاوْدْ أَيَادِ؟»<sup>21</sup> لَفَرِيسيِينْ لِيغْ أَسْنِ سَقْلَدْنِ نَانْ أَسْنِ: «هَانْ غَوَادْ أُورْ أَيْطَايْ لَجْنُونْ أَبْلَا سِ بَعْلَزُبُولْ أَرْيَاسْ نِ لَجْنُونْ». يِسَانْ يَسُوعْ إِسْوِنْكِيمْ نَسْنِ إِنَّايسِنْ: «تَكْلِيلْتْ نَا إِيْضَانْ فَ إِخْفَ نِسْ رَا تَخْلُو، تَمْدِنْتْ نَغْدَ تِكْمِي نَا إِيْضَانْ فَ إِخْفَ نِسْ أُورَّا تَغْمَا تَبِيدْ.<sup>22</sup> إِغْ أَيْطَايْ لَجْنْ وَيَاضْ،

هَيْ إِيْضَا فِي إِخْفَ نُسْ. مَمْنُكْ زَارَ أَسْ رَا تَغْمَا تَكْلِيدِيْتْ نُسْ تِبِيْدِ؟ <sup>27</sup> دِإْغْ أَسُوفُوْغْ نِكِيْنْ لِجْنُونْ سِبَعَلْزِبُولْ، مَاسْ أَتْنِ زَارَ طَائِنْ تَرْوَا نُونْ؟ غَانْ أَفْ رَا سُولْ كِيُونْ أَمْزِنْ لَحَقْ! <sup>28</sup> وَلَائِيْنِي إِغْدَ رُوحْ نِ رَبِّيْ أَسْ طَائِيْخْ لِجْنُونْ، هَانْ تَكْلِيدِتْ نِ رَبِّيْ تُوشَكَادْ أَرْ دَرُونْ! <sup>29</sup> نَغْدَ مَمْنُكْ أَسْ إِرْضَارْ كَرَانْ يَانْ أَيْكِشْمِيْ أَيَّاكِرْ تِكْمِيْ نِ كُرَانْ يَانْ إِيوسْنْ، إِغْتْ زُوَارْ أُورْ إِكْرَفْ، فَادْ إِلْمَا أَيَّاكِرْ تِكْمِيْ نُسْ؟ <sup>30</sup> وَنَا دِيدِيْ أُورْ إِلِينْ هَانْ إِكَا ضِيْدِ إِنُو، دِ وَنَا دِيدِيْ أُورْ إِسْمُونْ هَانْ أَرْ إِزْمَزَارْ. <sup>31</sup> مَيَادْ أَفْ أَيْوْنْ تِتِيْخْ: كِرِيْكَاتْ لِمَعْصِيْتْ تَرْكَامْ رَادْ تِيْوْغَفَارْنْتْ إِمْدَنْ، وَلَائِيْنِي وَنَا إِرْكَمْنِ رُوحْ لِقَدْسْ أُورَرَادْ أَسْ يِلِي لَغَفَرَانْ. <sup>32</sup> وَنَا إِنَانْ كَرَانْ وَوَالْ ضِيْدِ نِ يِوْسْ نِ أَفْكَانْ، رَادْ أَسْ إِتِيْوْغَفَارْ، وَلَائِيْنِي وَنَا إِنَانْ كَرَانْ وَوَالْ ضِيْضِ نِ رُوحْ لِقَدْسْ، أُورَرَادْ أَسْ إِصَامْخْ رَبِّيْ غِ دُونِبِيتْ أَلَا لِيَخْرَتْ. <sup>33</sup> كَاتْ أَصْغَارْ إِعْدَلْنْ سِ عَذَلْنْتْ لَغَلَاتْ نُسْ، نَغْ تَكَامْ كَارْ أَصْغَارْ سِ إِسْكَرْ كَارْ لَغَلَاتْ، أَشْكُو لَغْلَتْ أَغْ نَتَاكْزْ أَصْغَارْ. <sup>34</sup> وَاتَرْوَا نِ إِلْكَمَاضْنِ! مَمْنُكْ أَسْ تَرْضَارْمْ أَتِسَوَالْمْ فِي مَايِصْلَحْنِ كَنِيْ تَكَامْ نِيَتْ كَارْ مَدَنْ؟ أَشْكُو أَيْيِدِ إِشَاضْنِ إِوُولْ أَسْ إِسَوَالْ إِميْ. <sup>35</sup> بَنَادِمْ إِصْلَحْنِ إِيلِينْ إِحْضَانْ نِ مَايِصْلَحْنِ غِ وُولْ نُسْ أَغْدِ إِسْوَفُوْغْ مَايِصْلَحْنِ، كَارْ بَنَادِمْ كَارْ لِينْ كِيسْ إِحْضَانْ أَغْدِ إِسْوَفُوْغْ كَارْ. <sup>36</sup> أَرَأَوْنْ تِتِيْخْ: كِرِيْكَاتْ أَوَالْ غِ أُورْ تَلِي لَفَيْتْ لِي سَوَالِنْ مَدَنْ رَا فَلَاسْ فَكْنْ لَحْسَابْ غِ وَاسْ إِكْرَانْ. <sup>37</sup> أَشْكُو أَوَالْ نِكْ أَسْ رَا تَفُوكُوتْ، أَوَالْ نِكْ أَسْ رَا فَلَاكْ إِتُوتْ لَحُوكْمْ».

<sup>38</sup> سَاوَلَنْدْ كَرَانْ إِسْلَمَادْنِ نِ شَرْعْ دِ لَفَرِيْسِيْنِ نَانْ أَسْ: «نَرَا كِيكْ أَسِيدِيْ أَدَاخْ تَمْلَتْ كَرَانْ تَمَتَارْتْ أَسْتَ نَثْرْ». <sup>39</sup> إِوَاجْبْدِ إِنَّا يِسِنْ: «كَارْ تَسُوتْ إِفْسَدْنِ أَرْ تَسْكِيْلِ تَمَتَارْتْ! أُورَرَادْ أَسْ تَفَكْ كَرَانْ تَمَتَارْتْ أَبِلَا تِينْ نِبِيْ يُونَانْ. <sup>40</sup> أَشْكُو غَمْكِلِينْ إِغْمَا يُونَانْ غِ أَحْلِيْكِ نِ إِسْلَمْ كَرَاضْ أَسَانْ دِ كَرَاضْ وَضَانْ، أَرَانْ إِغْمَا يِوْسْ نِ أَفْكَانْ غِ دُو وَكَالْ كَرَاضْ أَسَانْ دِ كَرَاضْ وَضَانْ. <sup>41</sup> رَادْ نَكْرِنْ أَيْتْ نِيَنَوا غِ وَاسْ إِكْرَانْ نَتَتِي دِ تَسُوتْ أَدْ أَكِيْسِنْ أَمْزِنْ لَحَقْ، أَشْكُو إِورِيْنِدْ سِ أَغْرَاسْ لِيْغْ سَقْلَدْنِ إِتِبَرَاتْ نِ يُونَانْ، غَلَادْ هَا وَادْ يُوكِرْنْ يُونَانْ إِلَا غِيدِ! <sup>42</sup> رَادْ تَتَكْرِ تَكْلِيْتْ نِ إِفُوسْ غِ وَاسْ إِكْرَانْ نَتَاتْ دِ تَسُوتْ أَدْ أَفْلَاسْ تُوتْ لَحُوكْمْ، أَشْكُو تَمَانْ دُونِبِيتْ أَغْدِ تُوشْكَا أَتِسَقْلَدْ إِلْحِكْمَا نِ سُلَيْمَانْ، غَلَادْ هَا وَادْ يُوكِرْنْ سُلَيْمَانْ إِلَا غِيدِ! <sup>43</sup> إِغْدِ إِفْغْ كَرَانْ لَجْنِ غِ كَرَانْ يَانْ، أَرْدِ إِزْرَايْ غَلِيْغْ أُورْ لِينْ وَمَانْ أَرْ إِسْكِيْلِ أَسُونْفُو أُورَاتْ إِتَّا. <sup>44</sup>

أَرْ إِتْتِي دِ إِخْفُ نْسْ: رَادْ أَصْوُخْ سْ تْكَمِي لِيغْدْ فُوغْخْ. أَرْدْ إِتْشَكَا، يَفْتِيدْ تْخُوا تِيرَاسْ تَنْكَدَا.  
<sup>45</sup> إِدُو إِلْمَا إِمُونْدْ دْ سَا لْجُونْ يَضْنِينْ لِيتْ أَكْرِنِينْ غْ كَارْ كُشْمَنْ زُدْغَنْ كِيسْ، يَاكْرْ إِلْمَا إِسْ  
إِكْرَا نْ أَفْكَانْ أَنْ إِسْ إِزْوُورْ نْسْ غْ كَارْ! غُمْكَانْ أَرَا إِجْرُو إِكَارْ تَسُوتْ أَدْ أَلَا نَاتْ».

<sup>46</sup> أَرْ نِيتْ سُولْ إِسْوَالْ يَسُوعْ سْ مَدْنْ لِيin مُونِينْ، هَادْ مَاسْ دْ أَيْتَمَاسْ بَدْنِينْ غْ بَرَّا، إِرِينْ  
أَسْرَسْ سَاوْلَنْ. <sup>47</sup> إِنَّا يَسْ يَانْ غْ وَلِي بَدْنِينْ غِينْ: «هَا مَاكْ دْ أَيْتَمَاكْ بَدْنْ غْ بَرَّا، رَانْ أَسْرَكْ  
سَاوْلَنْ». <sup>48</sup> إِوَاجْبْدْ إِوَلِي سَرْسْ إِسَاوْلَنْ إِنَّا يَسْ: «مَانْتَا إِكَانْ إِمِي؟ دْ مَانُوي گِينْ أَيْتَمَا؟»  
إِنْعَتْ أَسْنْ إِمْحَضَارْنْ نَسْ سْ أَفُوسْ نَسْ إِنَّا يَسْ: «غُويْدْ أَيْكَانْ إِمِي دْ أَيْتَمَا. <sup>50</sup> أَشْكُو وَنَا  
إِسْكَارْنْ أَيْلِي يِرَا بَابَا لِي يِلَانْ غْ إِكْنَوَانْ نَتَانْ أَيْكَانْ كَمَا دْ أُولَتْمَا دْ إِمِي».

13

## إِفْرُ وِيسْ كُرَاضْ دْ مَرَاوْ

<sup>1</sup> أَسَانْ نِيتْ أَغْدْ إِفْغْ يَسُوعْ غْ تْكَمِي إِكَارْ غْ تَمَا نْ أَمْدَا، <sup>2</sup> أَرْدْ تَمُونْ إِكْدُودْنْ گُوتِنْ نْ  
مَدْنْ أَيْلِيغْ إِغْلِي سْ أَغْرَابُو إِكَارْ كِيسْ، إِلِينْ كُلو مَدْنْ غْ تَغَارْتْ. <sup>3</sup> أَرَاسْنْ إِسْوَالْ سْ لَمْعَنَا  
فْ كِيَكَانْ تَغُوْسِوِينْ، إِنَّا يَسْنْ: «يَانْ وَاسْ إِفْغَدْ يَانْ أُمْكَرَازْ أَيْلُوحْ أَمُودْ، <sup>4</sup> لِيغْ أَيْتَلُوحْ أَمُودْ،  
إِضْرْ أَسْ كَرَا كِيسْ غْ أَغْرَاسْ، أَشْكَنْدْ إِكْضَاصْ كَرْنَتْ. <sup>5</sup> إِضْرْ أَسْ وَيَاضْ غَلِيغْ لَانْ إِزْرَانْ  
يَدِرَاسْ كِيسْ وَكَالْ، إِمْغِيدْ سْ يَانْ ضُورْ أَشْكُو أُورْتْ إِمْضِلْ وَكَالْ إِكُوتْنْ. <sup>6</sup> وَلَائِنِي لِيغْدْ  
تُوكِي تَفُوكْتْ، إِجْدِرْ يَغَارْ أَشْكُو أُورْ إِطَافْ إِزْغَرَانْ. <sup>7</sup> إِضْرْ أَسْنْ وَيَاضْ غْ كَرْ إِسْنَانْ، مَعِينْدْ  
إِسْنَانْ لِي سُخْسِينْتْ. <sup>8</sup> إِضْرْ وَيَاضْ غْ وَكَالْ إِجِينْ، إِفْكْ تَيَفُوتْ إِفْكْ كَرَا كِيسْ مِيَا نْ تَكْلَتْ،  
كَرَا كُرَاضْ إِذْ عَشْرِينْ، كَرَا عَشْرِينْ دْ مَرَاوْ. <sup>9</sup> وَنَا دَارْ إِمْرَكَانْ مَاسْ إِسْقَلِيدْ أَرْ إِسْقَلِيدْ!

<sup>10</sup> مَتِينْ دَارْسْ إِمْحَضَارْنْ نَسْ سَقْسَانْتْ نَانْ أَسْ: «مَاخْ أَيْلِيغْ أَسْرَسْنْ تَسُولَتْ سْ لَمْعَنَا؟»  
إِوَاجْبْدْ إِنَّا يَسْنْ: «أَشْكُو كَنِي إِتْكَايُونْ أَتْسَانْ لَسْرَارْ نْ تَكْلِيدِتْ نْ إِكْنَوَانْ، وَلَائِنِي غُويِنْ  
يَضْنِينْ أُورَاسْنْ إِتْكِي. <sup>12</sup> أَشْكُو وَنَا دَارْ كَرَا رَادَاسْ إِتْكِي أَكَارْ، وَنَا دَارْ أُورْ يَاتْ أَيْلِي نِيتْ  
دَارْسْ إِلَانْ أَرَاسْنْ إِتِنَّا يِي. <sup>13</sup> مِيَادْ أَفْ أَيْسْنْ سَوَالْخْ سْ لَمْعَنَا. أَشْكُو أَرْ سَمْقُولْنْ أُورَا ژِرَانْ،  
أَرْ أَكَانْ سَقْلِيدْنْ أُورَا سَفْلِيدْنْ أَلَا أَرْ تَفَهَامْنْ. <sup>14</sup> نِتِي أَغْدْ إِكْمَلْ أَيْلِي فْ إِكَاشْفْ نِي إِشْعِيَا لِيغْ

إِنَّا: مُقَارٌ أَكَا تُسْقَلِيدمْ أُورَا تَقْهَامٌ، مُقَارٌ أَكَا تَتَّايِمْ أُورَا تَشْرَامٌ: ١٥ أَشْكُو مَدْنٌ أَدْ إِقْوَرٌ وُولْ نُسْنٌ، زَضَائِنْ إِمْزَكَانْ نُسْنٌ. قَنْ الَّنْ نُسْنٌ أَسَرْسُنْتٌ أُورْ تَتَّايِنْ، أَلَا أَرْ سَقْلِيدنْ سْنِ إِمْزَكَانْ نُسْنٌ، أَلَا أَرْ تَقْهَامْنِ سْنِ لَعْقَلْ نُسْنٌ، أَلَا أَضَانْدْ سْنِ دَرِي أَتَنْ جِيجِخٌ. ١٦ وَلَا يَنِي تِمْبِرْكِيِّنْ أَدْ كَانْتْ وَالَّنْ نُونْ أَشْكُو أَرْ ژَرَانْتْ، أَلَا إِمْزَكَانْ نُونْ أَشْكُو أَرْ سَقْلِيدنْ. ١٧ لَحَقٌ أَدَلَوْنْ تِتِيَخٌ كِيَگَانْ دْ لَانِبِيَا دْ وِلِي صَلْخِينْ أَيْرَانْ أَدْ ژَرْنْ أَيْلِي تَشْرَامْ أُورْتْ ژَرِينْ، إِرِينْ أَدْ سَفَلْدَنْ إِيلِي مْ تُسْقَلِيدمْ أُورْ لَسْنِ سَقْلِيدنْ.

أَوَا سَقْلَادَاتِ إِلْمَعْنَانِ أَمْكَرَازْ: <sup>19</sup> كُولْ مَائِسْقَلِيدْنْ إِوَالْ نْ تُكَلِّدِيتْ أُورَاتِ إِتْهَامْ، أَرْدَ  
إِتْشَكَا إِبْلِيسْ إِكْسْ أَيْلَى يَتَكَرْزَنْ غْ وُولْ نَسْ. غُواَدْ أَيْكَانْ أَمُودْ لَى يَصْرَنْ غْ أَغْرَاسْ. ولَى  
يَتَكَرْزَنْ غْ كْرْ إِرْرَانْ، إِكَاتْ ولَى يَسْقَلِيدْنْ إِوَالْ آنْ، إِقْبَلتْ سْ لَفْرَخْ غْ تَسَاعْتْ آنْ، <sup>20</sup>  
وَلَايْنِي أُورْ يُوتْ سْ إِزْغَرَانْ غْ وَكَالْ، دْ أُورَا بَهْرَا إِتْمَالْ، إِسْ أَكَا تَلِي كَرَا نْ تَسَاسْتْ نَغْ  
تَرْفُوقْنَتْ فْ سَبَّتْ نْ وَوَالْ نْ رَبِّي، يَضُو نِيتْ تَغْرِضِينْ. <sup>22</sup> ولَيْنِ إِصْرَنْ غْ كْرْ إِسْنَانْ، إِكَاتْ  
ولَى يَسْقَلِيدْنْ إِوَالْ نْ رَبِّي، وَلَايْنِي لَهْمُومْ نْ دُونِيتْ دْ لَغْرُورْ نْ لَمَالْ أَرْ سَخْسَائِنْ أَوَالْ لَى،  
أُورْ سُولْ أَيْسَكَارْ لَغْلَتْ. <sup>23</sup> أَمَا ولَى يَصْرَنْ غْ وَكَالْ إِجْيَنْ، إِكَاتْ ولَى يَسْقَلِيدْنْ إِوَالْ آنْ  
إِفْهَمْتْ. نَتَانْ أَيْكَانْ لَغْلَاتْ، أَرْ يَكَا كَرَا كِيسْ مِيَا نْ أَحْبَوبْ، كَرَا كَرَاضْ إِدْ عَشْرِينْ، كَرَا  
عَشْرِينْ دْ مَرَاؤْ».

إِسَاؤْلُ دَاخْ سِرْسَنْ سْ لِمْعَنَا إِنَّا يَسْنُ: «تُّگَا تَكْلِدِيْتْ نْ إِكْنُوَانْ زُونْدْ أَكَانْ يَانْ أُرْكَازْ لِي  
يُكْرِزْنْ أَمُودْ إِعْدَنْ غْ إِكْرْ نْسْ. <sup>25</sup> لِيْغْ كْنْ مَدَنْ، يَاشْكَدْ لَعْدُو نْسْ إِلْوَحْ أَسْ وَمَكْنُونْ غْ كْرْ  
إِرْدَنْ لِيْ يُكْرِزْ، إِزَايْدْ. <sup>26</sup> لِيْغْدْ مَعِينْ إِرْدَنْ لِيْ سُوْفَغْنْ تَيْدَرْتْ، إِمْغِيدْ دِيْدَسْنْ وَمَكْنُونْ أَلَا  
نَتَانْ. <sup>27</sup> دُونْ إِسْمَكَانْ دَارْ بَابْ نْ تُكْمِي، نَانْ أَسْ: «إِزْدْ أَسِيدِيْ أُورْدْ أَمُودْ إِعْدَنْ أَنْكَرْزْتْ غْ  
وَكَالْ نَكْ؟ مَنِيدْ رَأْ سِرْسَنْ إِكَا وَمَكْنُونْ؟» <sup>28</sup> إِنَّا يَسْنُ: «كُرَا نْ لَعْدُو أَيْسِكْرَنْ مِيادْ». سَقْسَانْتْ  
إِسْمَكَانْ لِيْ نَانْ أَسْ: «إِسْ تَرِيتْ أَنْفَتو أَدْ نَسْمُونْ وَمَكْنُونْ أَنْ؟» <sup>29</sup> إِنَّا يَسْنُ: «أَهُويْ، أَشْكُوْ  
رَادْ تَسُوكْفْمْ إِرْدَنْ إِغْ أَرْ تَسْمُونْ وَمَكْنُونْ. <sup>30</sup> أَجَاتْنْ أَدْ تَمْغُورْنْ سِينْ أَرْ لُوقْتْ نْ تَمْكَرَا، إِغْ  
تَلْكَمْ لُوقْتْ نْ تَمْكَرَا رَادْ إِنِيْخْ إِيشُوَالْنْ: سَمُونْ أَتْ زُواَرْ وَمَكْنُونْ تَكْمَتْ تَدَلِوِينْ أَيْجَذْرْ، أَمَا  
إِرْدَنْ سَمُونَاتَنْ سْ لَخْزِينْ إِنُو».

إسَاؤْلُ دَاخْ سِرْسِنْ سْ لِمْعَنَا إِنَّا يَسْنُ: «تَگَا تَگَلْدِيٰتْ نْ إِكْنُوَانْ زُونْدُ أَکَانْ كُرَا نْ أَحْبُوبْ نْ كُرْكَاظْ إِغْتِيدْ يُوسِي يَانْ إِزْوَتْ غْ إِكْرْ نْسْ. <sup>32</sup> أَمُودْ نْسْ إِكَا وَادْ كُلُو إِسْدِيدْنْ، وَلَائِنِي اغْ إِمْقُورْ أَرْ كُلُو إِتَّاگْ تُرْوَتِينْ إِكْ شَجْرَتْ، أَرْكِيغْ أَدْ تَشْكَانْ إِكْضَاضْ أَرْ سَكَارْنْ إِكْدَفَانْ غْ إِصْكِيَضْنْ نْسْ». <sup>31</sup>

إسَاؤْلُ دَاخْ سِرْسِنْ سْ لِمْعَنَا إِنَّا يَسْنُ: «تَگَا تَگَلْدِيٰتْ نْ إِكْنُوَانْ زُونْدُ أَکَانْ كُرَا نْ تُخْمِيرْتْ إِغْتِيدْ تُوسِي كُرَا نْ تَمْغَرْتْ تَخْلَضَتْ دْ كُرَاطْ لَعْبَرَاتْ نْ أَكُورْنْ، أَرْدْ كُلُو إِكتِي لَعْجِينْ لَيْ». <sup>34</sup> مَيَادْ إِنَّا تْ كُلُو يَسْوَعْ إِولِينْ مُونِينْ، سْ لِمْعَنَا. أُورْ أَسْرِسْنْ إِسْوَالْ أَبْلَا سْ لِمْعَنَا، فَادْ إِكْمَلْ أَيْلِي فْ يَادْ إسَاؤْلُ نَبِي لَيْ يَيْنَانْ: «رَادْ رِزْمَخْ إِمِي نُو سَاوْلَخْ سْ لِمْعَنَا، سَبَابِيَنْخْ تِغْوُسِوِينْ لَيْنَ حَضَنِينْ غَمْنْ لَيْغْ تَحْلَقْ دُونِيتْ». <sup>33</sup>

إِصَافِضْ إِلَمَا يَسْوَعْ مَدْنْ لَيْ يَاشْكَدْ سْ تَكْمِي. أَشْكَنْ دَارْسْ إِمْحَضَارْنْ نْسْ نَانْ أَسْ: «مَلَاخْ لِمْعَنَا نْ وَمَكْنُونْ نْ إِكْرْ لَيْ». <sup>37</sup> إِوَاجِبْدْ إِنَّا يَسْنُ: «وَلَيْ يِزْانْ أَمُودْ إِعْدَلْنْ إِكَاتْ يِوسْ نْ أَفْكَانْ. <sup>38</sup> إِكْرْ تَگَاتْ دُونِيتْ. أَمُودْ إِعْدَلْنْ كَانْتْ تَرْوَانْ تَگَلْدِيٰتْ. وَمَكْنُونْ كَانْتْ تَرْوَانْ إِيلِيسْ. <sup>39</sup> لَعْدُو لَيْ يِزْانْ وَمَكْنُونْ إِكَاتْ إِيلِيسْ. لُوقَتْ نْ تَمْكَرَا إِكَاتْ إِسْ إِكْرَا نْ دُونِيتْ. إِشْوَالْنْ كَانْتْ لَمَلَيْكَا. <sup>40</sup> غَمْكُلِي إِتْمُونْ وَمَكْنُونْ إِجْدَرْ سْ لَعْفِيتْ، غَمْكَانْ أَرَالِي غْ إِسْ إِكْرَا نْ دُونِيتْ أَدْ: <sup>41</sup> رَادْ يَازْنْ يِوسْ نْ أَفْكَانْ لَمَلَيْكَا نْسْ أَدْ كُلُو سَمُونْ غْ تَگَلْدِيٰتْ نْسْ وَلَيْ تَكَنْنِينْ لَعْطَرْتْ إِوِيَاضْ دْ وَلَيْ سَكَرْنِينْ دَنُوبْ، <sup>42</sup> لُوحَنْتِينْ غْ أَفْرَنُو نْ لَعْفِيتْ. غِينْ أَغْ رَادْ إِلِينْ إِمْطَلَونْ دْ إِسْقِجِينْ نْ أَخْسَانْ. <sup>43</sup> غَكُودَانْ أَرَادْ سُوفُونْ وَلَيْ صَلْحَنِينْ زُونْدْ تَقُوكْ غْ تَگَلْدِيٰتْ نْ بَابَاتْسُنْ. وَنَا دَارْ إِمْرَكَانْ مَاسْ إِسْقَلِيدْ، أَرْ إِسْقَلِيدْ! <sup>44</sup>

تَگَا دَاخْ تَگَلْدِيٰتْ نْ إِكْنُوَانْ زُونْدُ أَکَانْ يَانْ لَكْنْ إِتِيَّمَضَالْنْ غْ يَانْ إِكْرْ، يَافتْ يَانْ أَفْكَانْ إِسْتَنْتَلْتْ. إِدُو سْ تُوكْتْ نْ لَفْرَخْ إِزْنَزْ كُرَا دَارْسْ إِلَانْ إِسْغَنْ إِكْرْ لَانْ. <sup>45</sup> تَرْوَاسْ دَاخْ تَگَلْدِيٰتْ نْ إِكْنُوَانْ يَانْ أَسْبَابْ إِسْكِيلِنْ لَجُوهْرْ إِفُولْكِينْ، <sup>46</sup> لَيْغْ يُوفَا يَاتْ تَلَجُوهْرْتْ بَهْرَا إِغْلَانْ، إِدُو إِزْنَزْ كُرَا إِطَّافْ إِسْغَتْ. <sup>47</sup> تَرْوَاسْ دَاخْ تَگَلْدِيٰتْ نْ إِكْنُوَانْ يَاتْ شَبَكْتْ لَيْنْ لُوحْنْ إِنْكِمَارْنْ غْ لَبْحَرْ، تَسْمُونْدْ كَرِيَگَاتْ أَنَاؤْنْ إِسْلَمَانْ. <sup>48</sup> لَيْغْ تَعْمَرْ لَدِينِتِيدْ إِنْكِمَارْنْ سْ تَغَارْتْ، گَأَورْنْ سَمُونْ وَلَيْ عَدْلَنِينْ گَنْتْنْ غْ تَرَيْلِينْ، وَلَيْ أُورْ عَدْلَنِينْ لُوحَنْتِينْ. <sup>49</sup> غَمْكَادْ أَرَالِي غْ إِسْ إِكْرَا نْ دُونِيتْ:

رَادِ أَشْكَنْتُ لِمَلَائِكَا سُتِّينْتُ گَارِ مَدْنَ غُ گُرْ وِلِيِّ صَلْحَنِينْ،<sup>50</sup> لُو خُنْتِتِينْ غُ أَفْرُو نِ لَعْقِيْتُ.  
غِينْ أَغْ رَادِ إِلِينْ إِمْطَاؤْنَ دِ إِسْقِيْجِينْ نِ أَخْسَانْ.

إِنَّا يَسُونْ يَسُونْ: «إِسْ كُلُّو تَفَهْمَ مَيَادِ؟» نَانْ أَسْ: «بَيَاهِ أَسِيدِي»<sup>52</sup> إِنَّا يَسُونْ: «مَيَادِ أَفْ إِكَا كُرِيْكَاتِ أَسْلَمَادِ نِ شَرْعَ لِي يَكَانِ أَمْحَضَارِ غُ تَكْلِيْتِ نِ إِكْنُوانِ، زُونْدِ كُرَا نِ بَابِ نِ تَكْمِي لِيْدِ إِسْوُفُوْغُنْ غُ لَكْنْزِ نِسْ تَغُوسِوْيِنْ لَجَدِيدِ أَلَا تَقْدِمِينْ». لِيْغِ إِكْمَلِ يَسُونْ لَمْعَنَا نِ تَغُوسِوْيِنْ أَدِ، إِمَّتِي غِينْ.<sup>51</sup>

لِيْغِدِ يَوْرِي سِ تَمَزِرْتِ نِسْ، إِنْكِرِ أَرْتِنْ إِسْلَمَادِ غُ إِكْرَاوِنْ نِسْنِ أَيْلِيْغِ أَكَا سُولِ تَعْجَابِنْ مَدْنَ أَرِ سَقْسانِ: «مَنِيدِ تَكَا لَحِكْمَا أَدِ دِ لَمُعْجَزَاتِ أَدِ سِ غُوَادِ؟<sup>55</sup> إِزْدِ أُورْدِ يَوْسِ لِي نِ أَنْجَارِ أَيَادِ؟ إِزْدِ أُورْدِ مَرِيمِ أَيْلِيِّ يَكَانِ مَاسِ، إِكِ يَعْقُوبِ دِ يُوسْفِ دِ سَمْعَانِ دِ يَهُوذَا أَيْتَمَاسِ؟<sup>56</sup> إِزْدِ أُورْدِ إِسْتَمَاسِ أَيَادِ كُلُّو دَارْنَخِ إِلَانِ؟ مَنِيدِ زَا كُلُّو سَرْسِ إِكَا مَيَادِ؟<sup>57</sup> إِسْنَكَرَاتِنْ مَيَادِ دِ أَسَرْسِنْ أَمْنِ. وَلَائِنِي يَسُونْ إِنَّا يَسُونْ: «أَجُونِ إِرْمَرِيِّ كُرَا نِبِيِّ أَبْلَا أَيْتِ تَمَزِرْتِ نِسِ دِ أَيْتِ تَكْمِي نِسِ!»<sup>58</sup> أُورِ سُولِ إِسْكَرِ غِينْ تُوكْتِ نِ لَمُعْجَزَاتِ أَشْكُوِ أُورِ سَرْسِ أُورِمِنْ.

14

## إِفْرِ وِيسْ كُوْرِ دِ مَرَاوِ

١ تِرِي يَانْ أَغْ إِسْفَلَدِ هِيرُودُسِ لِي يَكَانِ لَحَاكِمِ نِ تَمَزِرْتِ نِ لَجَلِيلِ فِ يَسُونْ. إِنَّا يَسُونْ إِسْمَكَانِ نِسِ: «غُوَادِ أَيْكَانِ يُو حَنَا لَمَعْدَانِ، إِسْدِ إِنْكِرِ غُ گُرْ وِلِيِّ مُوتِتِينِ! غَانِ أَفْ تِيُوسْكِيرِنْتِ لَمُعْجَزَاتِ فِ أَفُوسِ نِسِ».<sup>2</sup>

٣ أَشْكُوِ إِكتِينِ هِيرُودُسِ يُومَنْ يُو حَنَا إِكْرِفتِ إِكتِينِ غُ لَحْبِسِ فِ سَبَّتِ نِ هِيرُودِيَا لِي يَكَانِ تَمَغَرْتِ نِ كَمَاسِ فِيلِبِسِ. ٤ أَشْكُوِ إِكتِينِ يُو حَنَا أَرَاسِ إِتِيِّ: «أُورَاكِ إِحْطِيِّ أَسْتِ تَتَاهَلتِ!»<sup>5</sup> لِيْغِ إِرَا هِيرُودُسِ أَتِ إِنْغِ، يِكْصَاصِ غُ مَدْنَ، أَشْكُوِ إِكَا دَارْسِنْ زُونْدِ كُرَا نِبِيِّ. ٦ لِيْغِ إِلْكِمِ لَعِيدِ نِ تَلَالِيتِ نِ هِيرُودُسِ، تَتَكْرِ إِلِيسِ نِ هِيرُودِيَا تِرْكِزِ غُ لَكْدَامِ نِ مَدْنَ، أَكَانِ تَسْفَرْحِ هِيرُودُسِ. ٧ إِكَالِ تَكْلِيْتِ نِسِ إِفْكِ أَسِ لَقُولِ أَبْلَا إِغْ أَسْدِ يَوِيِّ كُرَا تَضَالِبِ. ٨ تَدُو تَضَالِبِ أَسِ أَيْلِيِّ يَاسِ تَسْغَرَا مَاسِ، تَنَايِسِ: «أَوِيَّدِ سِ غِيدِ أَكِيُورِ نِ يُو حَنَا لَمَعْدَانِ تَكْنِيْدِ غُ تَسْكَوْتِ!»<sup>9</sup> إِحْصَرِ

لَخَاطِرْ نْ أَكْيِدْ. وَلَا يُنِي فْ سِبَّتْ نْ تُكَلِّيْتْ نْ لِي يُكُولَّا غْ لَكَدَامْ نْ إِنْبِكِيُونْ نْسْ، يُومِرْ أَدَاسْدْ أَوِينْ أَيْلِي تُضَالِّبْ. <sup>10</sup> يَازْنْ مَادْ إِتَّبِيْنْ أَكَيُو نْ يُو حَنَّا غْ لَحْبِسْ. <sup>11</sup> أَوِينْدْ أَكَيُو نْسْ كَنْتِيدْ غْ تُسْكُوتْ فَكَنْتْ إِتْحَشْمِيْتْ لِي تَوِيتْ إِمَاسْ، <sup>12</sup> أَشْكَنْدْ إِمْحَضَارْنْ نْسْ أَسِينْ دَاتْ نْسْ مَضْلُنْتِينْ. أَشْكَنْدْ إِلْمَا كَسْنْ لَأَخْبَارْ نْسْ يَسُوعْ.

<sup>13</sup> لَيْغْ إِسْفَلْدْ يَسُوعْ إِمَيَانْ، إِنْكْرْ يَسُودُ يَانْ أَغْرَبُو إِفْلْ غِينْ إِزَيْدْ وَحَدُوتْ سْ يَانْ لَخْلَا. أَوِينْدْ كِيْكَانْ دْ مَدْنْ لَأَخْبَارْ، فَغَنْدْ غْ لَمْدَائِنْ أَنْ كَنْ أَسْ أَضَارْ ضَقْوَرْنْتْ.

<sup>14</sup> إِكَزْدْ يَسُوعْ غْ أَغْرَبُو أَرْ إِتَّايْ تُوكْتْ نْ مَدْنْ، إِحْنُو كِيسْنْ إِجِيْ جِيْ إِمْضَانْ نْسْ. <sup>15</sup> لَيْغْ تَلْكُمْ تَدْكَاتْ، أَشْكَنْدْ دَارْسْ إِمْحَضَارْنْ نْسْ نَانْ أَسْ: «هَنِي لَخْلَا أَيَادْ، يَاغْ بِيَضْ، أَزْنْ مَدْنْ أَدْ دُونْ سْ لَمَوْضِيْعْ أَدْ سَعْنْ مَادْ شَتَّانْ». <sup>16</sup> إِنَّا يِسْنْ يَسُوعْ: «أُورْ أَكْ حَتْجَانْ أَدْ دُونْ. فَكَاتْ أَسْنْ كَنْيِي نِيْتْ مَادْ شَتَّانْ!» <sup>17</sup> نَانْ أَسْ: «أُورْ دَارْنَخْ إِلَيْ غِيدْ أَبْلَا سَمُوسْتْ تَنْكَالْ دْ سَنَاتْ تَسْلُمِينْ». <sup>18</sup> إِنَّا يِسْنْ: «أَوِيَاتْ إِتَّنَدْ سْ غِيدْ». <sup>19</sup> إِسَاوْلْ سْ مَدْنْ أَدْ كَأَوْرُنْ فْ تُوكَأْ. إِنْكْرْ يَسِيدْ إِلْمَا سَمُوسْ تَنْكَالْ أَنْ دْ سَنَاتْ تَسْلُمِينْ لِي، يَالْ أَلَنْ نْسْ سْ إِكْنُواَنْ، إِشْكَرْ فَلَاسْنَتْ رَبِّي إِبْصُوْتْتْ إِفْكَتْتْ إِيمَحَضَارْنْ نْسْ، بُضُونْتْتْ إِلْمَا إِمَدْنْ. <sup>20</sup> شَنْ كُلُو مَدْنْ أَيْلِيْغْ شَبَعَانْ. سَمُونْ إِلْمَا غْ أَيْلِيْ يَاسِنْدْ إِشَاصْنْ نْ إِفْرَايْ سِينْ دْ مَرَاوْتْ نْ تَرِيَالْتْ إِعْمَرْنْ. <sup>21</sup> كَنْ وَلِيْ شَنِينْ كَرَا نْ سَمُوسْ وَلَفِيُونْ نْ أَرْكَازْ، بَلَانْ تَمْغَرِينْ دْ إِحْشَمِينْ.

<sup>22</sup> تَرِي يَانْ نِيْتْ أَغْ يُومِرْ إِمْحَضَارْنْ نْسْ أَدْ دُونْ غْ أَغْرَبُو زُوْرَنْ سْ أَكْمَاضْ أَنْ نْ أَمْدَا سْ أَيَّنَاغْ إِصَافْضْ مَدْنْ. <sup>23</sup> لَيْغْ إِمْصَافَادْ دْ مَدْنْ، يَاوْنْ وَحَدُوتْ سْ يَانْ أَوْرِيرْ أَيْرَالْ. تَلْكُمْ تَدْكَاتْ إِغَمَادْ وَحَدُوتْ غِينْ. <sup>24</sup> تَاغْدْ أَغْرَبُو إِلْكْمْ يَادْ تُرْوَمْتْ نْ أَمْدَا، أَرْ سَرْسْ كَيْتْتْ تَضِنْكِوِينْ أَشْكُو أَرْتَنْدْ إِتَّرَارَا وَضُو تَغْرِضِينْ. <sup>25</sup> أَغُورِي، إِدُو دَارْسْنْ يَسُوعْ أَرْنْ إِزَكِيْزْ فْ إِكِيْ نْ وَمَانْ نْ أَمْدَا. <sup>26</sup> لَيْغِتِينْ ثَرَانْ إِمْحَضَارْنْ نْسْ أَرْ إِزَكِيْزْ فْ إِكِيْ نْ وَمَانْ، تَلْفَنْ أَرْتِتِينْ: «كَرَا نْ لَمْلَكْ أَيَانْ»، كَشْمِنْتَنْ تَكْصَاصْ أَيْلِيْغْ أَسْغُوْيُونْ. <sup>27</sup> غَكُودَانْ أَغْدْ سَرْسْنْ إِسَاوْلْ يَسُوعْ إِنَّا يِسْنْ: «عَقَدَاتْ! هَانْ نَكِينْ أَيَادْ. أَدْ أُورْ تَكْصَاصْمْ». <sup>28</sup> إِنَّا يِسْ بُطْرَسْ: «إِغْدْ كِيْبِينْ أَسِيدِي أَيَّنَا، تَمْرِتِي أَنْ دَارْكْ أَشْكَخْ أَرْنْ زِكِيْزِخْ فْ إِكِيْ نْ وَمَانْ!» <sup>29</sup> إِسَاوْلَدْ يَسُوعْ إِنَّا يِسْ: «أَشْكِيدْ». إِكَزْدْ بُطْرَسْ غْ أَغْرَبُو أَرْ إِزَكِيْزْ فْ إِكِيْ نْ وَمَانْ إِفْتُو دَارْسْ. <sup>30</sup> وَلَا يُنِي

لِيْغْ إِزْرَا تُوكْتَ نْ وَضُو يِكْسَاضْ، أَرْ إِلْمَا إِنْدَمْ إِكْ تَعُوِّيْتْ أَرْ إِتِّي: «وَأَسِيدِي جِنْجِمِي!»<sup>31</sup>  
 إِحَرُو يَسُوعْ إِكْنَ أَفُوسْ نُسْ يَمْرِتِيْدِ إِنَّايسْ: «مَاخْ أَيْلِيْغْ تَشْكِيتْ أَولَى مِإِدْرُوسْ لِيمَان؟»<sup>32</sup>  
 غَلِينْ سْ أَغْرَبَوْ إِبِينْ إِلْمَا وَضُو. <sup>33</sup> أَشْكَنْدَ ولَى لَانِينْ غْ أَغْرَبَوْ سَجْدَنْ أَسْ، نَانْ أَسْ: «أُورْ سُولْ كِيسْ شَكْ إِزْدَ كِيَنْ أَيْكَانْ يِوْسْ نْ رَبِّي!».  
 زَكْرَنْ سْ أَكْمَاضْ أَنْ، گَزْنِينْ غْ وَكَالْ نْ تَمَرْتْ نْ جَنِيْسَارْتْ. <sup>34</sup> أَكْرَنْتْ أَيْتْ تَمَرْتْ أَنْ، أَزْنْ لَأْخَبَارْ سْ تَمَرَارْ لَى يَاسْنْ كُلُو سُوتَنِينْ. أَوِينْ أَسْدَ كُلُو إِمْضَانْ نَسْنْ. <sup>35</sup> ضَالِّبْنْ أَسْ أَدْ كَرْنْ مَقَارْدَ إِيمِيَّ غْ تَمَلْسَا نَسْ. كُولْ مَادَاسْ إِكْرَنْ إِجْيِ.

15

## إِفْرِ وِيسْ سَمْوَسْ دْ مَرَاوْ

<sup>1</sup> تِرِي يَانْ أَدْ أَشْكَانْ كَرَا نْ إِسْلَمَادَنْ نْ شَرْعْ دْ لَفَرِيْسِيَّينْ غْ أُورُشَلِيمْ سْ دَارْ يَسُوعْ سَقْسَانْتْ نَانْ أَسْ: <sup>2</sup> «مَاخْ أَيْلِيْغْ أَورْ سَكَارْنْ إِمْحَضَارْنْ نَكْ سْ لَعَدَاتْ نْ لَاجْدُودْ نَخْ؟ أَورْ أَسْرِيدَنْ إِفَاسْنْ نَسْنْ إِغْ رَادْ شَنْ»<sup>3</sup> إِوْجَبْدَ إِنَّايسْ: «أَلَا كَنْيِ، مَاخْ أَيْلِيْغْ أَطْرَازْمْ لُوْصِيَّاتْ نْ رَبِّي فْ سَبَّتْ نْ لَعَدَاتْ نَوْن؟»<sup>4</sup> يَاكْ رَبِّي أَرْ إِتُوْصُو أَرْ إِتِّي طَهْلَاهْ غْ بَابَاكْ دْ مَاكْ. وَنَا إِرْكَمْنْ بَابَاسْ نَغْدَ مَاسْ، إِرْوَرْدَ لَمُوتْ. <sup>5</sup> وَلَائِنِي كَنْيِ أَرْ تَتِيمْ: إِغْ إِنَا كَرَا إِبَابَاسْ نَغْدَ مَاسْ هَانْ أَيْلِي يَاكْ أَكَّاخْ إِكَا أَسْكُمُورْ إِرْبِي، أَورْ سُولْ فَلَاسْ إِلِيْ أَيْكَا يَاتْ إِبَابَاسْ دْ مَاسْ. <sup>6</sup> غَمْكَانْ أَسْ أَتَسْكَارْمْ سْ لَعَدَاتْ نَوْنْ نَقْلَمْ لُوْصِيَّاتْ نْ رَبِّي!<sup>7</sup> وَا لَمُونَفَقِينْ! إِغْرَانْ نَبِي إِشَعِيَا لِيْغْ فَلَاؤْنْ إِكَاشْفْ إِنَا: <sup>8</sup> مَدَنْ أَدْ أَرِيْ تَعْبَادَنْ سْ إِمَاؤْنْ نَسْنْ، أَرِيْ تَالَغَنْ سْ إِلْسْ نَسْنْ، وَلَائِنِي أَوْلَاؤْنْ نَسْنْ أَكُوكِنِينْ بَهْرَا فَلِي!<sup>9</sup> لَعِبَادَا نَسْنْ أُورْتْ تَنِي، أَورْ أَسْلَمَادَنْ أَبِلَا لُوْصِيَّاتْ نْ مَدَنْ».

<sup>10</sup> إِغْرِ إِمَدَنْ إِنَّايسْ: «سَقْلَادَاتْ تَفَهَّمْ: <sup>11</sup> هَانْ أُورْدَ أَيْلِي يِكْشَمْنْ إِمِي نْ بَنَادَمْ أَتْ إِتَّلَسْنْ، أَتْ إِتَّلَسْنْ دْ أَيْلِيدْ كِيسْ إِنْقَوْغَنْ». <sup>12</sup> مَتَّيْنْ دَارْسْ إِمْحَضَارْنْ نَسْ نَانْ أَسْ: «يَاكْ تَسَنَتْ إِسْ إِسْمُوسْ وَوَالْ أَدْ لَفَرِيْسِيَّينْ لِيْغْ أَسْ سَقْلَدَنْ؟»<sup>13</sup> إِوْجَبْدَ إِنَّايسْ: «كُونْ أَصْغَارْ نَا أُورْ إِزْرِي بَابَا لَيْ يِلَانْ غْ إِكْنَوَانْ رَا يِكُوفْ. <sup>14</sup> أَجَاتَنْ، كَانْ نِيتْ إِيْكَاضْنْ زُوْرَنْ إِوِيَّاضْ. إِغْ إِزْوُورْ

أُكَاضْ إِوَيَّاضْ، أَكْضِي أَغَانْ كُلُّ طَارْنْ سِينْ». <sup>15</sup> إِنَّا يُسْوِعْ: «إِزْدْ حَتَّا كُنِي أُورْتَا أَكْ تَقْهِمْ؟ <sup>16</sup> مَاخْ أُورْ تَسْتَمْ إِزْدْ كُرَا إِكْشَمْ إِمِي نْ بَنَادْمْ إِزْدْ أَحْلِيَكْ أَسَا إِزْرَايْ، إِفْغَدْ إِلْمَا سْ بِرَّا؟ <sup>18</sup> وَلَا يَنِي أَيْلِيدْ إِتَقْغَنْ غْ إِمِي نْ بَنَادْمْ، أُولْ أَدْ إِتَّكَا، مِيَانْ أَيْتَلْسِنْ بَنَادْمْ، <sup>19</sup> أَشْكُو أُولْ أَغَادْ تَقْغَنْ كَارْ إِسْوِنْكِيمْ: تَتِغِي، دْ زَنَا، دْ لَفْسَادْ، دْ تَمْخَارْتْ، دْ تُوكَّا نْ ژُورْ، دْ تَرْكَامْ. <sup>20</sup> خَتِيدْ أَيْتَلْسِنْ بَنَادْمْ، أُورْدَ أَتْ إِتَّلْسِنْ دْ إِغْ أَيْشَتَّا سْ إِفَاسْنْ أُورْ أَرْدِنِينْ».

<sup>21</sup> إِفْغَدْ يَسْوِعْ غَيْنَ، يَاشْكَدْ سْ تَسْكِيَوْ نْ تَمَرِرْتْ نْ صُورْ دْ صَيْدَا. <sup>22</sup> هَادْ يَاتْ تَمَغْرِتْ تُكَانْ غْ أَيْتْ كَنْعَانْ تَاشْكَدْ غْ تَمَرِرْتْ أَنْ أَرَاسْ تَقَرَّا تُكْ تَغُوِيَتْ أَرْ تَتِي: «وَوا سِيدِي حُنُو گِيَگِي، وَأَيُوسْ نْ دَاوْدْ! إِلَي يَلَّا گِيسْ كَرَا نْ لَجْنَ أَرْتَ بَهْرَا إِتْمَرَاتْ». <sup>23</sup> نَنَانْ إِفْسَا أُورَاسْ يَادَلْيِي إِوَاجْبْ. أَشْكَنْ دَارْسْ إِمْحَضَارْنْ نَسْ ضَالْبِنْتْ نَانْ أَسْ: «صَافَدْسْتْ، أَشْكُو تَكَائِخْ دَكَانْ تَغْرِضِينْ أَرْ تَسْغُوِيُو!» <sup>24</sup> إِوَاجْبْ إِنَّا يُسْوِعْ: «أُورْدَ تَيَزَّانْخْ أَبْلَا فْ أُولَيْ نْ تَكْمِي نْ إِسْرَائِيلْ لَيْ جَلَانِينْ!» <sup>25</sup> وَلَا يَنِي تَمَغْرِتْ لَيْ تَتَكَرْ تَدُو دَارْسْ، تَسْجَدْ أَسْ، تَتَّايسْ: «لَحُورْمَانَكْ أَسِيدِي أَوْسِي!» <sup>26</sup> إِوَاجْبْ إِنَّا يُسْوِعْ: «أُورْ إِعْدَلْ أَنْكَسْ أَغْرُومْ إِتَرْوَا نُلْوَحْتْ إِيْضَانْ» <sup>27</sup> تَتَّايسْ: «تَغْرَانتْ أَسِيدِي! وَلَا يَنِي حَتَّا إِيْضَانْ أَرْ شَتَانْ إِيْرُزَّايْ لَيْدْ طَرْنِينْ غْ لَمْرَفْعْ نْ إِدْ بَابْ نَسْنْ!» <sup>28</sup> تَرِي يَانْ أَيْسْدْ إِوَاجْبْ يَسْوِعْ إِنَّا يُسْوِعْ: «إِكْوَتْ لِيَمَانْ نَمْ أَتَمَغْرِتْ! زَايْدْ أَدَامْ يِلِي غَمْكُلِي تَسْكِيَلْتْ» تَجِي نِيتْ إِلِيَسْ غَمْنْ تَسَاعْتْ أَنْ.

<sup>29</sup> إِفْلْ يَسْوِعْ غَيْنَ إِدُو سْ تَمَا نْ أَمْدَا نْ لَجَلِيلْ، يَاونْ سْ يَانْ أُورِيرْ إِكَلَوْرْ گِيسْ. <sup>30</sup> أَشْكِنِينْ دَارْسْ إِكْدُودْنْ گُوتِنِينْ نْ مَدَنْ أَوِينِنْ دِيدَسْنْ إِيْضَارْنْ دْ إِكُوشَامْنْ دْ إِكَاضْنْ دْ إِكَنَاؤْنْ دْ وِيَاضْ يَضْنِينْ گُوتِنِينْ، سَرْسَنْتَنْ غْ دَارْ إِضَارَنْ نْ يَسْوِعْ، إِجِيجِينْ. <sup>31</sup> أَرْكَا سُولْ تَعْجَابْنْ مَدَنْ لَيْغْ ژَرَانْ إِكَنَاؤْنْ أَرْ سَوَالْنْ، دْ إِكُوشَامْنْ أَرْ تَجِينْ، دْ إِيْضَارْنْ أَرْ تَدُونْ، دْ إِكَاضْنْ أَرْ تَسْقِيَوْنْ. أَرْ إِفْرِيدِنْ رَبِّي نْ إِسْرَائِيلْ.

<sup>32</sup> إِغْرْ يَسْوِعْ إِيْمَحْضَارْنْ نَسْ إِنَّا يُسْوِعْ: «غَمَنْ گِيَگِي مَدَنْ أَدْ أَشْكُو كَرَاضْ أَسَانْ أَيَادْ دَيْدِي كَانْ أُورْ سُولْ دَارْسْنْ مَادْ شَتَانْ، دْ أَرِيَخْ أَنَّنْ أَزْنَخْ أَزْوَمْنْ أَدْ أُورْ إِبِي لَجْهَدْ نَسْنْ غْ أَغْرَاسْ». <sup>33</sup> نَانْ أَسْ إِمْحَضَارْنْ نَسْ: «مَنِيغْ رَا نَافْ غْ لَخْلَا أَدْ أَغْرُومْ يَوْدَانْ غُونْشَكَادْ دْ

مَدْنِ؟»<sup>34</sup> إِسْقَاتُنْ: «مَنْشِكْ نْ تَنْكُولْتْ أَدَرُونْ إِلَانِ؟» نَانْ أَسْ: «سَاتْ تَنْكَالْ دْ كَرَا نْ تَسْلَمِينْ مَرْيِنِينْ». <sup>35</sup> إِسَاوْلْ سْ مَدْنْ أَدْ كَأَوْرَنْ سْ وَكَالْ، <sup>36</sup> يَسِيدْ سَاتْ تَنْكَالْ لِي تَسْلَمِينْ، إِشْكَرْ فَلَاسْنَتْ رَبِّي إِبْضُوتْتْ إِفْكَتْتْ إِيمْحَضَارْنْ نَسْ، بْصُونَتْتْ إِلْمَا إِمْدَنْ أَنْ. <sup>37</sup> شَنْ كُلُّ مَدْنْ أَيْلِيغْ شَبْعَانْ. سَمُونْ إِلْمَا سَاتْ تَرِيلِينْ عَمْرِينْ غْ إِفْرَايِ لِيدْ غَمَنِينْ. <sup>38</sup> كُنْ وِلِي شَنِينْ كُورْ وَلَفِيُونْ نْ أَرْكَازْ بَلَا إِلْمَا نْ تَمْغَرِينْ دْ إِحْشَمِينْ. <sup>39</sup> إِصَافَضْ إِلْمَا يَسُوعْ مَدْنْ، إِسُودُو أَغْرَبُو، يَاشْكَدْ سْ تَسْكِيُونْ مَجْدَلْ.

16

### إِفْرِ وِيسْ سَضِيقْ دْ مَرَاوْ

<sup>1</sup> أَشْكَنْدْ كَرَا نْ لَفَرِيَسِينْ دْ صَدُوقيَيْنْ سْ دَارْ يَسُوعْ إِرِينْ أَتْ جَرِبَنْ، ضَالِّبِنْ أَسْ أَيْسِنْ إِمْلْ كَرَا نْ تَمْتَارْتْ غْ إِكْنُوانْ أَسْتْ زَرْنْ. <sup>2</sup> إِواجِبْدْ إِنَّايسِنْ: «إِغْ تَكْمْ تَنْكَاتْ أَرْ تَنَاهِمْ تَزُوْغِي غْ إِكْنُوانْ، أَرْ تَنِيمْ: رَأْ يَصْقُو لَمْنَزْلْ. <sup>3</sup> إِغْ ژَرَگَاغْنْ إِكْنُوانْ ضَلُونْ زِيكْ صَبَاحْ، أَرْتِتِيمْ: غَسَادْ رَايْلِي أُنْثَارْ. الْمُونَفِقِينْ! تَسْنَمْ أَتَكْرَمْ أُودْمْ نْ إِكْنُوانْ، وَلَائِنِي أُورْ تَرْضَارْمْ أَتَكْرَمْ تَمِتَارْ نْ إِزْمَارْ! <sup>4</sup> كَارْ تَسُوتْ إِفْسِدْنْ أَرْ تَسِيَّلْ تَمَتَارْتْ، أُورَادْ أَسْ تَفَكْ كَرَا نْ تَمَتَارْتْ أَبْلَا تِينْ نِبِي يُونَانْ». إِنْكَرْ إِفْلَنْ إِدُو.

<sup>5</sup> لِيغْ زَكْرَنْ إِمْحَضَارْنْ نَسْ سْ أَكْمَاضْ أَنْ، تُونْ أَدِيدْسِنْ أَوِينْ أَغْرُومْ. <sup>6</sup> إِنَّايسِنْ يَسُوعْ: «ضُوفَاتْ! تَلِيمِنْ تَخْمِيرْتْ نْ لَفَرِيَسِينْ دْ صَدُوقيَيْنْ». <sup>7</sup> أَرْ سُونِكِيمْ دْ إِخْفَاؤْنْ نَسْ نَانْ: «حَقَانْ إِزْدْ غَمْكِيلِيْدْ أُورْ نِوي أَغْرُومْ أَفْ إِسَاوْلْ!» <sup>8</sup> يِسَانْ يَسُوعْ فْ مِيَانْ إِنَّايسِنْ: «مَاخْ أَسْسُونِكِيمْ دْ إِخْفَاؤْنْ نُونْ إِسْدْ دِيدُونْ أُورْ تَوِيمْ أَغْرُومْ أَوِيلِي مِ إِدْرُوسْ لِيمَانْ؟ <sup>9</sup> إِسْ تَأْ جُونْ أُورْ تَقْهِمْ؟ أَلَا تَكْتِيمْدْ سَمُوسْ تَنْكَالْ لِي إِسْمُوسْ وَلَفِيُونْ نْ مَدْنْ، دْ مَنْشِكْ نْ تَرِيَالْتْ أَتَسْمُونْمْ؟ <sup>10</sup> أَلَا تَكْتِيمْدْ سَاتْ تَنْكَالْ إِكُورْ وَلَفِيُونْ دْ مَنْشِكْ أَتَسْمُونْمْ نْ تَرِيَالْتْ؟ <sup>11</sup> مَنْكَ أَتَسْكَرْمْ أَيْلِيغْ أُورْ تَقْهِمْ إِزْدْ أُورْدْ أَغْرُومْ أَفَاوْنْ نِيَخْ: ضُوفَاتْ إِخْفَاؤْنْ نُونْ تَلِيمِنْ دْ تَخْمِيرْتْ نْ لَفَرِيَسِينْ دْ صَدُوقيَيْنْ؟» <sup>12</sup> غَكُودَانْ أَدْ فَهْمِنْ إِزْدْ أُورْدْ تَخْمِيرْتْ نْ أَغْرُومْ أَسَاسْنْ إِنَا أَنْ دِيدْسْ إِلينْ، وَلَائِنِي أَفَاسْنْ إِسَاوْلْ دْ الْمُودْ نْ لَفَرِيَسِينْ دْ صَدُوقيَيْنْ.

إِلْكُمْ نَ يَسْوَعْ تِسْكِيُونْ نَ تُمَرْتُ نَ قَيْصَرِيَا نَ فِيلِبُسْ، إِسْقَسَا إِمْحَضَارْنَ نَسْ إِنَّايسْنْ: <sup>13</sup>  
 «مَاسْ أَفْلِي تِتِينْ مَدَنْ كِيَخْتْ نَكِينْ يُوسْ نَ أَفْكَانْ؟» <sup>14</sup> وَاجْبَنْدَنَ نَسْ: «كَرَا غْ مَدَنْ أَرْ  
 إِتِي: يُوْحَنَا لَمَعْمَدَانْ أَتَكِيتْ، كَرَا أَرْ إِتِي: نَبِي إِلِيَا، وَيَاضْ أَرْتِتِينْ: نَبِي إِرْمِيَا نَغْ يَانْ غْ  
 لَانِيَا». <sup>15</sup> إِنَّايسْنْ: «إِمَّا كَنِي مَاسْ أَتَتِيمْ كِيَخْتْ؟» <sup>16</sup> إِوَاجْبَنْ سَمْعَانْ بُطْرُسْ إِنَّايسْنْ: «لَمَسِيحْ  
 يُوسْ نَ رَبِّي إِدَرْنْ أَتَكِيتْ!» <sup>17</sup> إِوَاجْبَنْ يَسْوَعْ إِنَّايسْنْ: «أَمْبَارْكِي أَتَكِيتْ أَسْمَعَانْ يُوسْ نَ يُونَا،  
 أَشْكُو هَانْ أُورْدْ تِيفِيَا دْ إِدَامَنْ أَيِّكْ إِمَلَانْ مَيَادْ، وَلَائِنِي أَدْ أَكْتْ إِمَلَانْ دْ بَابَا لِي يَلَانْ غْ  
 إِكْنَوَانْ. <sup>18</sup> أَلَا نَكِينْ رَادْ أَكْ إِنِيَخْ: كِيَيِنْ أَيِّكَانْ بُطْرُسْ، تَوْونْتْ أَدْ أَفْ رَادْ بَنُوخْ لَكْنِيَا إِنُو،  
 إِمَاؤنْ نَ جَهَنَّمَا أُورَاسْ سُوكْرَنْ يَاتْ. <sup>19</sup> رَادَاكْ فَكْخْ تِسْوَرَا نَ تُكْلِدِيتْ نَ إِكْنَوَانْ، أَيِّنَا تَكْرُفتْ  
 غْ وَكَالْ إِتَكْرِفْنْ غْ إِكْنَوَانْ، أَيِّنَا نَفْسِيَتْ غْ وَكَالْ إِفْسِيَنْ غْ إِكْنَوَانْ». <sup>20</sup> تِزِي يَانْ أَغْ يُوصَا  
 إِمْحَضَارْنَ نَسْ أَدْ أُورْ إِنِينْ إِيَانْ إِرْدْ نَتَانْ أَيِّكَانْ يَسْوَعْ لَمَسِيحْ.

<sup>21</sup> غَمْنْ غَكُودَانْ أَيِّنِكْرْ يَسْوَعْ أَرْ إِمَالْ إِيمَحَضَارْنَ نَسْ إِسْدْ إِقَانْ أَيِّدُو سْ أُورْشَلِيمْ، إِرْفُونْ  
 بَهْرَأْ غْ كَرْ إِفَاسِنْ نَ إِمْغَارْنْ دْ إِرِيَاسِنْ نَ إِنْبَدَادَنْ دْ إِسْلَمَادَنْ نَ شَرْعْ، نَغْتَنْ، وَيِسْ كَرَاصْ  
 أُسَانْ إِنْكِرْدْ إِلَمَا. <sup>22</sup> إِلْدِتِينْ بُطْرُسْ سْ دَارْسْ أَرْتْ إِطْرِي إِنَّايسْنْ: «حَشَا أَسِيدِي أَدَاكْ إِجْرُو  
 مَيَادْ!» <sup>23</sup> إِكْلِبْنْ يَسْوَعْ إِسْمُوقْلْ غْ بُطْرُسْ إِنَّايسْنْ: «إِتِينْ كِيَكِي أَيِّبِلِيسْ! لَعْطَرْتْ أَدِي تِكِيتْ،  
 أَشْكُو أُورْكْ إِسِيَحْلْ أَيِّلِي يَكَانْ وَبِنْ رَبِّي وَلَائِنِي أَكْ إِسِيَحْلْ دْ أَيِّلِي يَكَانْ وَبِنْ بَنَادْ». <sup>24</sup>

تِزِي يَانْ أَيِّسْنْ إِنَا يَسْوَعْ إِيمَحَضَارْنَ نَسْ: «وَنَا إِرَانْ أَدِي إِضْفُورْ إِنَاكْرْ إِخْفْ نَسْ يَسِي  
 صَلِيبْ نَسْ إِضْفُورِي. <sup>25</sup> أَشْكُو وَنَا إِرَانْ أَيِّجَنْجَمْ إِخْفْ نَسْ رَاتْ إِجْلُو، وَلَائِنِي وَنَا فَلِي يَجْلَانْ  
 إِخْفْ نَسْ رَاتْ يَافْ. <sup>26</sup> أَشْكُو مَانْ صَحَا إِلَانْ دَارْ أَفْكَانْ إِغْ كُلُو إِرْبْحْ دُونِيتْ إِجْلُو إِخْفْ  
 نَسْ؟ نَغْ مَيَلَانْ دَارْ أَفْكَانْ أَدْ سَرْسْ إِفْوِ إِخْفْ نَسْ؟ <sup>27</sup> أَشْكُو رَادْ سُولْ يَوْرِي يُوسْ نَ أَفْكَانْ  
 غْ لَمَجْدْ نْ بَابَاسْ نَتَانْ دْ لَمَلَاكَا نَسْ، تِزِي يَانْ أَرَا يَقْرُو إِكْرِيَكَاتْ يَانْ سْ أَيِّلِيدْ رُورَانْ  
 لَافْعَالْ نَسْ. <sup>28</sup> لَحَقْ أَدَاوْنْ تَتِيخْ: إِسْ لَانْ غْ غُويِدْ لِي بَذِنِينْ غِيدْ وَلِي أُورَا إِزْرْ لَمُوتْ، أَرْكِيغْ  
 زَرَانْ يُوسْ نَ أَفْكَانْ يُوشْكَادْ غْ تُكْلِدِيتْ نَسْ.

## إِفْرُ وِيسَ سَا دْ مِرَاوْ

<sup>١</sup> مَادْ زَرِينْ سْضِيِصْ أَسَانْ، إِمُونْ يَسُوعْ دْ بُطْرُسْ دْ يَعْقُوبْ دْ كَمَاسْ يُوحنَّا غَلِينْ وَحَدُوتْنْ سْ يَانْ أَدْرَارْ يَتُويِنْ. <sup>٢</sup> إِمِيلِكْ سْ تَبْدِلْ صِيفْتْ نِسْ غْ لَكْدَامْ نِسْنْ، أَرْ إِسُوفُو أُودْمْ نِسْ زُونْدْ تَفُوكْتْ، إِمْلُولْنْتْ تَمْلِسَا نِسْ زُونْدْ تَفَاوْتْ، <sup>٣</sup> سْ أَتَتَيْنْ مُوسَى دْ إِيلِيَا أَرْ سَوَالْنْ دْ يَسُوعْ. <sup>٤</sup> إِنَّا يَسْ بُطْرُسْ إِيْسُوعْ: «إِفُولْكِي أَسِيدِي إِغْ نَلَّا غِيدْ! إِغْ تَرِيتْ رَانْسِكْرْ كَرَاصْ إِحْشَاشْ، يَانْ نِكْ، دْ يَانْ إِمُوسَى، دْ يَانْ إِيلِيَا». <sup>٥</sup> أَرْ نِيتْ سُولْ إِسَوَالْ، سْ هَادِيَاتْ تَمَدُّلُوتْ إِسُوفُونْ تَدَلْنْ، إِفْغَدْ يَانْ وَالْ غْ تَمَدُّلُوتْ لِي أَرْ إِنْتِي: «غَوَادْ أَيْكَانْ بِوي يَعْزَانْ لِي فْ رِضِيخْ. نَنَانْ أَسْ أَتْسَقْلِيدْمْ!» <sup>٦</sup> لَيْغْ سَقْلَدْنْ إِمْحَضَارْنْ لِي إِمِيَانْ، ضَرْنْ سْ وَكَالْ فْ أَدْمَأْوَنْ نِسْ كَشْمَنْتْنْ تَكْصَاصْ. <sup>٧</sup> يَاشْكْ دَارْسْنْ يَسُوعْ إِسْرَسْ فَلَاسْنْ أَفُوسْ نِسْ إِنَّا يَسْنْ: «نَكْرَاتْ، أَدْ أُورْ تَكْصَاصْ». <sup>٨</sup> أَلَّنْدْ إِلْمَا أَلَّنْ نِسْنْ، أُورْ سُولْ أَتَتَيْنْ أَبْلَا يَسُوعْ وَحَدُوتْ.

<sup>٩</sup> لَيْغْ أَدْ تَكْزَنْ غْ أَدْرَارْ يُوصُوتْنْ يَسُوعْ إِنَّا يَسْنْ: «أَدْ أُورْ تَتِيمْ إِيَانْ أَيْلِي تَشْرَامْ أَرْدْ إِنْكْرْ يَوْسْ نْ أَفْكَانْ غْ كَرْ وَلِي مُوتِينْ». <sup>١٠</sup> سَقْسَانْتْ إِمْحَضَارْنْ نِسْ نَانْ أَسْ: «مَاخْ زَا أَدْ تَتِينْ إِسْلَمَادْنْ نْ شَرْعْ: إِقَانْدْ أَدْ زَوَارْ يَاشْكْ نَبِي إِيلِيَا؟» <sup>١١</sup> إِوَاجْبْ يَسُوعْ إِنَّا يَسْنْ: «إِصْحَا إِسْ رَادْ زَوَارْ يَاشْكْ إِيلِيَا إِسْنَدَّا كَرِيَكَاتْ تَغُوسَا». <sup>١٢</sup> وَلَايْنِي أَرَاؤْنْ تَتِينْخْ: هَانْ إِيلِيَا يُوشْكَادْ يَادْ مَشْ أُورْتْ سِنْ، سَكْرَنْ كِيسْ أَيْلِي كَارَانْ. غَمْكَانْ دْ يَوْسْ نْ أَفْكَانْ رَا إِرْفُونْ غْ كَرْ إِفَاسْنْ نِسْنْ أَلَا نَتَانْ». <sup>١٣</sup> غَكُودَانْ أَدْ فَهْمَنْ إِمْحَضَارْنْ إِزْدْ يُوحنَّا لَمَعْمَدَانْ أَفَاسْنْ إِسَوَالْ.

<sup>١٤</sup> لَيْغْ أُشْكَانْ سْ دَارْ مَدْنْ لَيْنْ مُونِينْ، إِلْكُمْتِيدْ يَانْ أَرْكَازْ إِسْجَدْ أَسْ، <sup>١٥</sup> إِنَّا يَسْنْ: «حُنُو أَسِيدِي غْ بِوي، أَشْكُو أَرْتْ إِلْلُوحْ كَرَا أَرْتْ بَهْرَا إِتْمَرَاتْ، مَنْشَكْ نْ ضُورْ أَتِينْ إِلْلُوحْ غْ لَعْقِيَتْ، مَنْشَكْ نْ ضُورْ أَتِينْ إِلْلُوحْ غْ وَمَانْ». <sup>١٦</sup> أَوْخِتِيدْ إِمْحَضَارْنْ نِكْ، أُورْ زَضَارْنْ أَتْ جِيَيْنْ». <sup>١٧</sup> إِسَاوَلْدْ يَسُوعْ إِنَّا يَسْنْ: «أَرْ مَنَاكُو أَرْ أَكَا دِيدُونْ إِلِيَخْ صِيرَخْ أَوْنْ؟ أَتَسُوتْ إِكْنَانْ غْ أُورْ إِلِي لِيمَانْ؟ أَوِيَاتْ إِيْتِيدْ سْ غِيدْ!» <sup>١٨</sup> إِكْلَبْ يَسُوعْ غْ لَجْنَ أَنْ، إِفْغْ نِيتْ غْ أَحْشَمِي لِي، إِجْجِي غَمْنْ تَسَاعْتْ أَنْ. <sup>١٩</sup> أَشْكَنْدْ دَارْسْ إِمْحَضَارْنْ نِسْ لَيْغْ كَانْ وَحَدُوتْنْ نَانْ أَسْ: «مَاخْ أَيْلِيغْ أُورْ نَزْضَارْ نَكِني أَتْ نَسْوَفْغْ؟» <sup>٢٠</sup> إِنَّا يَسْنْ يَسُوعْ: «أَشْكُو أُورْ كِيوْنْ إِلِي لِيمَانْ. لَحَقْ أَدَاوْنْ

تَّيْخُ: مَلَدَ إِسْ دَارُونْ إِلَّا لِيمَانْ أُونْشَكْ نْ أَحْبُوبْ نْ كُرْكَازْ، رَا تَنِيمْ إِوْدَرَارْ أَدْ: مَتَّيْ غِيدْ سْ غِينْ، إِمَتَّيْ. أُورَا تَلِيْ تَغُوسَا لِيْ مِ أُورْ تَرْضَارْمْ. <sup>21</sup> وَلَائِنِي أَنَّاُوْ أَدْ غْ لَجْنُونْ، أُورَا إِنْقُوغْ أَبْلَا سْ طَرَلِيتْ دْ أَزْوَمْ».

<sup>22</sup> لِيْغْ أَرْكِيزْنْ غْ تَمَرِرتْ نْ لَجْلِيلْ، إِنَّايسْ يَسُوعْ: «هَا يَوْسْ نْ أَفْكَانْ رَا يَتِيمَازْ سْ كَرْ إِفَالْسْ نْ مَدَنْ، <sup>23</sup> نَغْنَتْ، إِنْكَرْدْ غْ وَيِسْ كَرَاضْ أَسَانْ». تَاغْتَنْ إِلَمَا بَهْرَا تَكُوْضِي. <sup>24</sup> لَكْمَنِينْ كَفْرَنَاحُومْ، أَشْكَنْدْ وَلِيْ سَمُونِينْ تَتَكَاسْتْ نْ لَهِيَكْ سْ دَارْ بُطْرُسْ، سَقَسَانْ نَانْ أَسْ: «إِزْدْ أُورَا يَكَا سِيدِيَتُونْ سِينْ دَرَاهْمْ نْ لَهِيَكْ؟» <sup>25</sup> إِنَّايسْ بُطْرُسْ: «عَادْ». مَكْلِينْ إِكْشَمْ بُطْرُسْ سْ تَكْمِيْ، إِزْوُورْ يَسُوعْ إِسْتْ إِسْقَسَا إِنَّايسْ: «مَدَاكْ إِظْهَرْنْ أَسْمَعَانْ؟ مَانُوا غْ تَامْزَنْ إِلْكَلَانْ نْ وَكَالْ تَتَكَاسْتْ نَغْدْ ضَبَيْطْ، إِزْدْ تَرْوَا نْ تَمَرِرتْ نَغْدْ إِبْرَانِينْ؟» <sup>26</sup> إِنَّايسْ بُطْرُسْ: «إِبْرَانِينْ». إِنَّايسْ يَسُوعْ: «هَيْ تَرْوَا أُورْ فَلَاسْنْ تَلِيْ. <sup>27</sup> وَلَائِنِي فْ أَدَاسْنْ أُورْ نَگْ لَعْطَرْتْ، زَايْدْ سْ أَمَدا تَلُوْحْتَنْ تُوكْطَ، تَسْلَمْتْ نَا إِزْوُورْنْ إِسْتِيْدْ تُولَتْ تَامْزَتْسْتَ، إِغْ تَرْزَمْتْ إِميْ نَسْ رَانْ كِيسْ تَافْتْ يَانْ أَقْرِيْضْ، أَسْتِيْدْ تَقْرُوتْ سَرْسْ تَتَكَاسْتْ نَكْ أَلَا تَنُو».

18

## إِفْرْ وَيِسْ تَامْ دْ مَرَاوْ

<sup>1</sup> غَكُودَانْ، أَنْ أَشْكَانْ إِمْحَضَارْنْ سْ دَارْ يَسُوعْ سَقَسَانْ نَانْ أَسْ: «مَانُوا إِكَانْ وَادْ مَقُورْنْ غْ تَكْلِدِيتْ نْ إِكْنَوَانْ؟» <sup>2</sup> إِغْرْ يَسُوعْ إِيَانْ أَحْشَمِيْ مَرْيَنْ، إِسْبِيَتْ غْ لَكْدَامْ نَسْنْ. <sup>3</sup> إِنَّايسْ: «لَحَقْ أَدَأْوَنْ تَتِيْخْ، إِغْ أُورْ تِيُورِيْمْ تَكْمْ زُونْدْ إِحْشَمِينْ، أُورَا تَكْشَمْ سْ تَكْلِدِيتْ نْ إِكْنَوَانْ. <sup>4</sup> وَنَا إِزْمَرْيَنْ إِخْفْ نَسْ إِكْ زُونْدْ أَحْشَمِيْ يَادْ، نَنَانْ أَيَكَانْ وَادْ مَقُورْنْ غْ تَكْلِدِيتْ نْ إِكْنَوَانْ. <sup>5</sup> وَنَا إِسْمَرْحَبَانْ سْ يَانْ غْ تَرْوَا زُونْدْ غَوَادْ فْ سَبْتْ إِنُو، هَانْ نَكِينْ أَسْ إِسْمَرْحَبَانْ. <sup>6</sup> وَلَائِنِي وَنَا إِكَانْ لَعْطَرْتْ إِيَانْ غْ تَرْوَا يَادْ مَرْيَنِينْ لَيْ سَرِيْ أَمْنِينْ، يُوفْ أَسْ إِغْ يُوكْلْ أَزْرُو نْ أُوزْرَكْ إِوْمَكْرَضْ نَسْ إِخْسِينْ غْ أُوكَنْسْ نْ لَبْحَرْ. <sup>7</sup> تَجْرَا غْ دُونِيتْ فْ سَبْتْ نْ لَعْطَرَاتْ! أَشْكُو إِقَانْدْ أَدْ أَشْكَنْتْ لَعْطَرَاتْ، وَلَائِنِي تَجْرَا غْ وَلَيِتَنْ إِتَوِينْ! <sup>8</sup> إِغْ أَكْ إِسْغِيْ أُفُوسْ نَكْ نَغْدْ أَضَارْ نَكْ أَتَعْصُوتْ، بَيْتْ تَلُوْحْتَنْ، أَشْكُو يُوفْ أَكْ أَتَكْتْ أَبِضَارْ نَغْ أَكْ لَاحْ يَانْ أُفُوسْ

تَكْشِمْتُ سْ تُودْرْتُ إِدُومْنُ، أَلَا آدَارْكُ إِلِينُ سِينُ إِصَارَنُ دْ سِينُ تَضْرِنُ غْ لَعْقِيْتُ  
إِدُومْنُ. <sup>9</sup> إِغْ أَكْ تَسْعِيْ تِيْطَ نِكْ أَتَعْصُوْتُ، تَسُوكْفَتْ تِيدَ تُلُوْحَسْتَنُ. يُوفَاكْ أَتَكْشِمْتُ سْ  
تُودْرْتُ إِدُومْنُ سْ يَاتْ تِيْطَ، أَلَا لَانْتَ دَارْكُ سَنَاتْ وَالَّنْ تَضْرِنُ غْ لَعْقِيْتُ نْ جَهْنَمَا.

<sup>10</sup> هَانَ أَدَ أُورْ تَحْكَرْ حَتَّا يَانَ غْ غُويْدَ مُرْيَنِينْ، أَشْكُوْ أَرَاوْنَ تَتِيْخَ هَانَ لَمَلَائِكَا نُسْنَ غْ  
إِكْنَوَانَ أَرَ بَدَا ژَرَانْتُ أُودْمَنْ بَابَا لَيْ يَلَانَ غْ إِكْنَوَانَ. <sup>11</sup> أَشْكُوْ يُوسْنَ نْ أَفْكَانَ أَفْدَ يُوشْكَا دْ  
أَيْجَنْجَمْ وَلَيْ جَلَانِينْ. <sup>12</sup> مَايُونْ إِصْهَرْنَ غْ يَانَ أُرْكَازَ لَيْ دَارَ مِيَانَ الْقَاعْ إِغْ أَسْ إِجْلَا يَانَ؟  
إِسْ أُورَّا يَقْلُ كُوزْ إِدَ عَشْرِينَ دْ طَرَأْ دْ مَرَاوْ لَيْ لَانِينَ غْ أَدْرَارْ، إِدُو أَرَ إِسْكِيلْ سْ وَلَيْ يَاسْ  
إِجْلَانَ؟ <sup>13</sup> إِغْتَ يُوفَا، لَحَقَ أَدَأْوَنْ تَتِيْخَ: أَرَ سَرْسَنْ إِنْقَرَاحَ أَكَارَنَ كُوزْ إِدَ عَشْرِينَ دْ طَرَأْ دْ  
مَرَاوْ لَيْ أُورْ جَلِينِينْ. <sup>14</sup> غَمْكَانَ أَسْ أُورْ إِرِيْ بَابَاتُونَ لَيْ يَلَانَ غْ إِكْنَوَانَ أَيْجَلُو حَتَّا يَانَ غْ  
غُويْدَ مُرْيَنِينْ.

<sup>15</sup> إِغْ كِيْكَ إِسْكُرْ كَمَاكَ كَرَا نْ لَعِبْ، تَدُوتْ تَسَاوْلَتْ سَرْسَنْ كَرَاكَ دِيدْسَنْ. إِغْ سَرْكَ إِسْقَلْدَ  
هَانَ تَرْبَحْتُ كَمَاكَ. <sup>16</sup> إِغْ سَرْكَ أُورْ إِسْقَلْدَ، تَمُونْتْ دِيدْكَ دْ يَانَ نُغْ سِينَ يَضْنِينْ، أَدَ حَاضِرْنَ  
سِينَ إِنَكَانَ نَعْدَ كَرَاصَ إِكْرِيْكَاتَ أَوَالَ، فَكْنَ فَلَاسَ تُوكَا. <sup>17</sup> إِغْ سَرْسَنْ أُورْ إِسْقَلْدَ، تَتِيْتَ  
إِكْنِيسَا. إِغْ أُورْ إِسْقَلْدَ سْ لَكْنِيسَا أَلَا نَتَاتْ، إِكِيتْ دَارْكَ زُونْدَ أَنْكَاسَ نَعْدَ وَلَيْ يَتَعَبَّدْنَ  
لَاصْنَامَ. <sup>18</sup> لَحَقَ أَدَأْوَنْ تَتِيْخَ: كُولَ مَاتَكْرُفْ غْ وَكَالَ رَانَ إِتَكْرُفْ غْ إِكْنَوَانَ، دْ كُولَ مَا نَقْسِيمَ  
غْ وَكَالَ رَانَ إِفْسِيْ غْ إِكْنَوَانَ. <sup>19</sup> أَرَاوْنَ دَاخَ تَتِيْخَ: إِغْدَ مُشْوَشْكَانَ سِينَ كَتُونَ غْ إِكْيَنَ وَكَالَ  
<sup>20</sup> فْ كَرَا نْ تَغَوْسَا، ضَالْبِنْتَ، تَكِيْتْ أَيْنَا تَرَا تَنْكَتْ رَادَ أَسْنَتْ إِفْكَ بَابَا لَيْ يَلَانَ غْ إِكْنَوَانَ.  
أَشْكُوْ إِنَّا غْ مُونَ سِينَ نُغْ كَرَاصَ سْ إِسْمَ إِنُو، غِينَ أَغْ رَادَ إِلِيْغَ غْ كَرَاتِسْنَ».

<sup>21</sup> غَكُودَانَ أَدَ دَارْسَنْ يُوشْكَا بُطْرُسَنْ إِسْقَسَاتْ إِنَّايسْ: «مَنْشَكَ أَسِيدِيْ نْ تَكْلَتْ أَرَا كِيْكِيَ  
يُسْكِرْ كَمَا لَعَارَ صَامِحَ أَسْ؟ إِزْدَ أَرْ سَاتْ تَوَالْ؟» <sup>22</sup> إِوْاجِبْ يَسُوغْ إِنَّايسْ: «أُورْذَ سَاتْ تَوَالْ  
كَا أَسَاكَ نِيَخْ، وَلَائِنِي كَرَاصَ إِدَ عَشْرِينَ دْ مَرَاوْتَنْ تَكِلْتْ سَاتْ تَوَالْ أَسَاكَ نِيَخْ. <sup>23</sup> مَيَادَ أَفْ  
تَگَا تَنْكِلِيَتْ نْ إِكْنَوَانَ زُونْدَ يَانَ أُكْلِيدَ إِرَا أَيْنِحَسَابَ دْ إِسْمَكَانَ نَسْ. <sup>24</sup> لَيْغَ إِنْكَرَ أَرَ دِيدْسَنْ  
إِنْتَسِيبْ، أَوِينَ أَسْدَنْ يَانَ ضَفْقُورْنَتْ مَرَاوْ وَلَفِيُونَ نْ تَرِيَالْتَنْ نَفَرْتْ. <sup>25</sup> لَيْغَ دَارْسَنْ أُورْ إِلِيَّ  
مَاسَ إِفْرُوْ تَمْرُوْسَتْ نَسْ، يَامْرَ سِيدِيسْ أَيْنِزَ نَتَانَ أَلَا تَمْغَرْتْ نَسْ تَرَوَا نَسْ، إِنْزَ كَرَا إِطَافَ،

أَيْفُرُو دِينْ نَسْ. <sup>26</sup> وَلَا يُنِي إِسْمَكْ لَيْ يِكْنَادْ إِخْفَ نَسْ إِسْجَدْ أَسْ إِحُورْمُوتْ إِنَّا يُسْ: صِبْرْ فَلْيَ  
أَسِيدِي أَرْ كِيغْ أَكْ فِرِيغْ دِينْ نَكْ كُلُوتْ. <sup>27</sup> إِحْنُو كِيسْ سِيدِيسْ إِرْزِمْ أَسْ، إِصَامْحْ أَسْ غْ دِينْ  
لَيْ فَلَاسْ إِلَانْ. <sup>28</sup> إِفْغَدْ إِسْمَكْ لَيْ إِلْمُقُورْدْ دَيَانْ إِسْمَكْ أَسْمُونْ نَسْ إِضْفُورْ أَسْ مِيَا نْ  
أُدِينَارْ، يَامْرَتْ إِشْنَقْتْ إِنَّا يُسْ: فُرُويْ أَيْلَيْ يَاكْ ضَفْورْخْ. <sup>29</sup> إِضْرْ إِسْمَكْ لَيْ سْ وَكَالْ غْ دَارْ  
إِضَارَنْ نَسْ، إِحُورْمُوتْ إِنَّا يُسْ: صِبْرْ فَلْيَ أَرْدَاكْ فِرُوخْ دِينْ نَكْ كُلُوتْ. <sup>30</sup> مشْ يُوكِي وَلَيْ  
أَفْلَاسْ إِصْبَرْ، إِنْكَرْ إِقْنَتِينْ غْ لَهْبِسْ أَرْدْ إِفْرُو دِينْ نَسْ. <sup>31</sup> لِيغْ ژَرَانْ إِسْمَكَانْ لَيْ دِيدْسْ لَانِينْ  
مَيَانْ، إِغَما بَهْرَا كِيسْنْ لَحَالْ، أَشْكَنْدْ كَسْنْ كُلُو لَأَخْبَارْ نْ مَايْجَرَانْ إِسْدِيَتِسْنْ. <sup>32</sup> تِرِي يَانْ أَيْسْ  
إِلْمَا إِغْرَا سِيدِيسْ إِنَّا يُسْ: أَقْ أَكَارْ إِسْمَكْ صَامْحْ أَكْ كُلُو غْ دِينْ لَيْ يَاكْ ضَفْورْخْ، أَشْكُو  
تَحُورْمَتِيْ. <sup>33</sup> إِسْ فَلَاكْ أُورْ إِلَي حَتَّا كِيي أَنْحَنْوْتْ غْ إِسْمَكْ لَيْ يِكَانْ أَسْمُونْ نَكْ، غَمْكَلِي  
كِيَكْ حَنِيغْ أَلَا نَكِينْ؟ <sup>34</sup> إِغْضَبْ إِلْمَا فَلَاسْ سِيدِيسْ إِفْكَتْ إِولَي رَاتْ إِسْرَفُونْ أَرْدْ إِفْرُو دِينْ  
لَيْتْ كُلُو إِضْفُورْنْ. <sup>35</sup> غَمْكَانْ أَرَادَاوْنْ إِسْكَرْ بَابَا لَيْ يِلَانْ غْ إِكْنَوَانْ إِغْ أُورْ إِصَامْحْ كِرِيَكَاتْ  
يَانْ كَتُونْ إِكْمَاسْ سْ تَمِي نْ وُولْ نَسْ».

19

## إِفْرْ وِيسْ طَرَادْ مَرَاوْ

<sup>1</sup> لِيغْ إِكْمَلْ يَسُوعْ أَوَالْ أَدْ، إِفْغَدْ غْ لَجَيلْ إِدُو سْ تَسْكَانْ يَانْ نْ تَمَرْتْ نْ لِيَهُودِيَا لَيْ يِلَانْ غْ  
أَكْمَاضْ أَنْ نْ وَسِيفْ نْ لَرْدُنْ. <sup>2</sup> ضَفْورْنْتْ إِكْدُوْدُنْ كُوتِتِينْ نْ مَدْنْ، إِجِّي إِمْضَانْ نَسْنْ  
غِينْ.

<sup>3</sup> أَشْكَنْيَنْ دَارْسْ كَرَا نْ لَفَرِيسيَنْ إِرِينْ أَتْ جَرِبَنْ، سَقَسَانْتْ نَانْ أَسْ: «إِسْ إِحْلَالْ أَرْكَازْ  
أَيْلَفْ إِتْمَغْرَتْ نَسْ فْ كِرِيَكَاتْ سَبَّا؟» <sup>4</sup> إِوَاجِبْدْ إِنَّا يُسْ: «إِزْدْ أُورْ تَغْرِيمْ إِزْدْ وَلَيْتِنْ إِخْلَقْنْ  
غَمْنْ إِسْ إِزْوُورْ، إِخْلَقْتِنْ كِينْ أَوْتَمْ تَوْتَمْتْ؟» <sup>5</sup> إِنَّا يُسْ: «مَيَادْ أَفْ أَيْقَالْ أَرْكَازْ بَابَاسْ دْ إِنَّا سْ  
إِمُونْ تَمَغْرَتْ نَسْ، كِينْ سِينْ لَيْ يَاتْ دَاتْ. <sup>6</sup> هَيْ أُورْ سُولْ كِينْ سِينْ، أَدْكَانْ دْ يَاتْ دَاتْ.  
هَانْ أَيْنَا إِسْمُونْ رَبِّي أُورَاتْ يَطَا أَفْكَانْ!» <sup>7</sup> سَقَسَانْتْ إِلْمَا نَانْ أَسْ: «مَاخْ زَا أَيُوْصَا مُوسَى  
أَرْكَازْ أَيْلَكْ تَبَرَاتْ إِتْمَغْرَتْ نَسْ إِلْفْ أَسْ إِلْمَا؟» <sup>8</sup> إِوَاجِبْدْ إِنَّا يُسْ: «فْ سَبَّتْ نْ تَغَارْتْ نْ

وُلَاؤْنُ نُونُ أَفْكُنْ يُوجَا مُوسَى أَرْ تَلْفُمْ إِتْمَغَرِينْ نُونُ. مِشْ أُورْ يَدَلِّي إِلَيْ مِيَانْ غُمْنُ إِسْ إِزْوَارْ. <sup>9</sup> نَكِينْ أَرَأْوَنْ تَنِيخْ: كُولْ مَا إِلْفُنْ نْ إِتْمَغَرْتْ نْ أَبْلَا فْ سِبْتْ نْ زَتَا، إِتَاهْلْ سْ تَيَاضْ، هَانْ أَرْ إِتْزُنُو، دْ وَنَا إِتَاهْلْنْ تَنِي يِلْفَنْ هَانْ أَرْ إِتْزُنُو». <sup>10</sup> نَانْ أَسْ إِمْحَضَارْنْ نَسْ: «إِغْدْ غُمْكَانْ أَتَكَ لَحَالْتْ نْ كَرْ أُرْكَازْ تَمَغَرْتْ، يُوفْ إِغْ أَكْ أُورْ إِتَاهْلْ يَانْ!» <sup>11</sup> إِنَّايسْ: «أَوَالْ نَا أُورَاتْ كُلُو قَبْلَنْ مَدَنْ، أُورَاتْ إِقْبَلْ أَبْلَا وَلِي مِ إِتْفَكَا، <sup>12</sup> أَشْكُو لَانْ وَلِيدْ لُولْنِينْ غْ أَحْلِيَكْ نْ مَاتْسَنْ أُورْ دَارْسَنْ لَجَهْدْ نْ لَتِيهَالْ، إِلِينْ وَلِي مِ كَسْنْ مَدَنْ لَجَهْدْ آنْ، إِلِينْ وَلِي كَسْنِينْ لَتِيهَالْ إِيْخْ نَسْ فْ سِبْتْ نْ تَكْلِدِيتْ نْ إِكْنُواَنْ. وَنَا إِرْضَارْنْ أَيْقَبْلَنْ مَيَادْ إِقْبَلْتْ». <sup>13</sup> أَوِينْ أَسْدْ إِلْمَا كَرَا نْ إِحْشَمِينْ مَرْيَنِينْ أَفْلَاسْنْ إِسْرَسْ أَفُوسْ نَسْ إِرَالْ غْ لَجِهْتْ نَسْ، نَكْرَنْ إِمْحَضَارْنْ نَسْ أَرْ دِيدَسْنْ طَرِينْ. <sup>14</sup> يَسُوعْ نَتَنَانْ إِنَّايسْ: «أَجَّاتْ إِحْشَمِينْ آدْ دَرِي أَشْكُنْ آتَنْ أُورْ تَحْصَارْمْ، أَشْكُو زُونْدْ غُويْدْ آمِ تَكَأْ تَكْلِدِيتْ نْ إِكْنُواَنْ تِينِسْنْ». <sup>15</sup> إِسْرَسْ إِلْمَا فَلَاسْنْ أَفُوسْ نَسْ، إِدُو إِفْلْ غِينْ.

<sup>16</sup> يَاشْكُنْ دَارْسْ يَانْ إِنَّايسْ: «مَانْ تَغْوِسَا إِعْدَلْنْ أَرَادْ سَكْرُخْ أَسِيدِي إِصْلَحْ آدَرِي تِلِي تُودْرَتْ إِدُومْنْ؟» <sup>17</sup> إِوَاجْبْدْ يَسُوعْ إِنَّايسْ: «مَاخْ أَيْ تَقْرَاتْ سْ وَادْ إِصْلَحْنْ؟ أُورْ إِصْلَحْ يَانْ أَبْلَا رَبِّي سَلَاغْ نَتَنَانْ. وَلَايْنِي إِغْ تَرِيتْ أَتَكْشَمْتْ سْ تُودْرَتْ إِدُومْنْ، أَرْ تَسْكَارْتْ سْ لُوصِيَاتْ نْ رَبِّي». <sup>18</sup> إِنَّايسْ: «مَانْ لُوصِيَاتْ؟» إِنَّايسْ يَسُوعْ: «آدْ أُورْ تَنَقَّاتْ، آدْ أُورْ تَزْنُوتْ، آدْ أُورْ تَأَكْرَتْ، آدْ أُورْ تَكَاتْ تُوكَأْ نْ زُورْ. <sup>19</sup> طَهْلَا غْ بَابَاكْ دْ مَاكْ، تَحْبُوتْ آدَجَارْ نَكْ زُونْدْ إِخْفْ نَكْ». <sup>20</sup> إِنَّايسْ أُوعِيَالْ آنْ: «خَتِّي أَرْ كُلُو سَرْسِنْتْ سَكَارُخْ غُمْنْ لَيْغْ مَرْيِيَخْ، مَيَيْنْ سُولْ إِخْصَانْ؟» <sup>21</sup> إِوَاجْبْدْ يَسُوعْ إِنَّايسْ: «إِغْ تَرِيتْ آتَكْتْ وَادْ إِكْمَلْنْ، تَدُوتْ تَزْنِزْتْ آيِدا نَكْ تَقْكَتْ إِدَرَاوْشْ، فْ آدَارِكْ يِلِي لَكْنْزْ غْ إِكْنُواَنْ، تَاشْكَدْ تَضْقُورْتِي». <sup>22</sup> لَيْغْ إِسْقَلْدْ أُوعِيَالْ لَيْ إِوَالْ آنْ، تَطِيرْ آسْ إِدُو، أَشْكُو گُوتْنْ لَمَوَالْ نَسْ.

<sup>23</sup> إِنَّايسْ يَسُوعْ إِيمْحَضَارْنْ نَسْ: «لَحَقْ آدَلْوَنْ تَنِيخْ: هَانْ إِشْقا فْ بُولْمَوَالْ آيِكْشَمْ سْ تَكْلِدِيتْ نْ إِكْنُواَنْ!» <sup>24</sup> دْ أَرَأْوَنْ دَاخْ تَنِيخْ: إِرْخَا سُولْ آيِكْشَمْ أُورْعَمْ غْ تِيَطْ نْ تَسَمِي فْ آيِكْشَمْ بُولْمَوَالْ سْ تَكْلِدِيتْ نْ رَبِّي!» <sup>25</sup> لَيْغْ سَقْلَدْنْ إِمْحَضَارْنْ نَسْ إِمَيَانْ، أَرْكَا سُولْ تُوهَامْنْ

أَرْتِتِينْ: «مَانُوا زَا إِرْصَارْنْ أَيْنِجْم؟»<sup>26</sup> إِسْمُوقْلْ كِيسْنْ يَسُوعْ إِنَّايسْنْ: «مِيادْ أُورَاسْ ژْضَارْنْ مَدْنْ، وَلَائِنِي رَبِّي يَرْضَارْ إِكْرِيَگَاتْ».

إِسَاوْلْدْ بُطْرُسْ غَوْدَانْ إِنَّايسْ: «هَيَّاخْ نَفْلْ كِريَگَاتْ تَغَوْسَا نَضْقُورْكْ، مَارَادْ أَخْ زَا إِصَحَا؟»<sup>27</sup> إِوَاجْبْ يَسُوعْ إِنَّايسْنْ: «لَحْقَ أَدَوْنْ تَتِيجْ، هَانْ كُودُنَا إِكَّاُورْ يُونْ نْ أُفَگَانْ فْ لَعْرَشْ نْ لَمْجَدْ نْسْ غْ أَزْمَزْ لَيْغْ رَا كُلُّو بَادَلْنَتْ تَغَوْسِوِينْ گَنْتْ لَجْدِيدْ، رَا تَكَاؤْرْمْ كَنِي لَيِّي ضْقُورْنِينْ فْ سِينْ دْ مَرَاوْ نْ إِدْ لَعْرَشْ أَرْ تَكِيَّمْ لَحُوكْمْ فْ سِينْ دْ مَرَاوْ نْ أُفُوسْ لَيِّي گَانْ أَيْتْ إِسْرَائِيلْ.<sup>28</sup> كُولْ مَانْ إِفْلَنْ كَرَانْ تَكَمَّا نَغْدَ أَيْتَمَاسْ نَغْدَ إِسْتَمَاسْ نَغْدَ بَابَاسْ نَغْدَ إِنَّايسْ نَغْدَ تَمْغَرْتْ نَغْدَ تَرْوَا أَلَا إِكْرَانْ فْ سَبَّتْ نْ إِسْمْ إِنُو، رَا يَامَزْ مِيَا نْ تَكْلِتْ، إِكُوسُو تُودْرْتْ إِدوْمَنْ.<sup>29</sup> وَلَائِنِي كِيَگَانْ دْ إِمْزُورَأَ أَرَايِگْ إِمْگُورَأَ، دْ كِيَگَانْ دْ إِمْگُورَأَ أَرَايِگْ إِمْزُورَأَ.

20

## إِفْرُ وِيسْ عَشْرِينْ

<sup>1</sup> أَشْكُو تَكَلْدِيتْ نْ إِكْنُوَانْ تَنْگَا أَكَانْ زُونْدْ يَانْ بَابْ نْ تَكَمَّي إِفْوَغْدْ زِيكْ صَبَاحْ أَدْ إِكْرُو إِمْشَغَالْنْ إِورْتِي نْ وَضِيلْ نْسْ،<sup>2</sup> إِسْكُرْ دْ إِمْشَغَالْنْ لَيِّي يَانْ أَدِينَارْ إِوَاسْ، إِصْرَفْتْنْ سْ أُورْتِي نْسْ.<sup>3</sup> إِفْغَدْ غْ تَسَاعْتْ تِيسْ طَرَاتْ، يَافِنْ إِمْشَغَالْنْ يَضْنِينْ بَدَنْ غْ لَمُوقَفْ أُورْ أَفِينْ لَخْدَمْتْ،<sup>4</sup> إِنَّايسْنْ: زَيْدَاتْ أَلَا كَنِي سْ أُورْتِي نُو أَدَوْنْ فَكْخْ تَغْرَاضْ نُونْ. نَكْرُنْ دُونْ.<sup>5</sup> إِفْغَدْ دَاخْ غْ تَرْوَمْتْ نْ وَاسْ، إِفْغَدْ غْ تَسَاعْتْ تِيسْ كَرَاطْ، إِسْكُرْ دَاخْ غَمْكَانْ.<sup>6</sup> إِفْغَدْ تِيسْ سَمُوسْ سَوَاعِيْغْ غْ تَدْكَاتْ، يَافِنْ إِمْشَغَالْنْ يَضْنِينْ بَدَنْ أُورْ سَلَانْ دِيَاتْ، إِسْقَسَاتْ إِنَّايسْنْ: مَاخْ أَدْ أَكَانْ تَبِيدْمْ غِيدْ كَرَا يَلَا وَاسْ بَلَانْ لَخْدَمْتْ؟<sup>7</sup> وَاجْبَنْدْ نَانْ أَسْ: أَشْكُو أُورَاخْ إِكْرِي يَانْ. إِنَّايسْنْ: زَيْدَاتْ أَلَا كَنِي تَشْغَلْمْ غْ أُورْتِي نُو أَتَامَزْ تَغْرَاضْ نُونْ.<sup>8</sup> لَيْغْ تَلْكْمْ تَدْكَاتْ، إِنَّايسْ بَابْ نْ وُورْتِي إِلْوَكِيلْ نْسْ: غَرْ إِيمْشَغَالْنْ تَفْكَتْ أَسْنْ تَغْرَاضْ نْسْنْ، تَرْزُورْتْ وَلِينْ كَرَانِينْ فَادْ سْ وَلِيدْ رَزْوَرْنِينْ.<sup>9</sup> أَشْكَنْدْ وِليِّ خَدْمِينِينْ غْ تَسَاعْتْ تِيسْ سَمُوسْ نْ تَدْكَاتْ، أَمْزِنْ أَدِينَارْ إِيَانْ.<sup>10</sup> لَيْغْ أَشْكَانْ وِليِّ زَوَرْنِينْ، غَالْنْ إِسْ رَادْ أَمْزِنْ لَكَارْ. وَلَائِنِي حَتَّا نَتِي أُومَزِنْ أَدِينَارْ إِيَانْ.<sup>11</sup> لَيْغْ أَتَامَزْنْ تَغْرَاضْ نْسْنْ، أَرْ سَمُموِينْ فْ بَابْ نْ تَكَمَّي.<sup>12</sup> نَانْ أَسْ: غُويِّدْ كَرَانِينْ خَدْمِنْ يَاتْ

تَسَاعِتْ، أَكَانْ تُسْنَدَاتْ أَغْ دِيْدَسْنْ نَكْنِي لِي شَنَنْ تَمَرَانْ أُزَالْ دُلْحَمَا نَسْ! <sup>13</sup> إِسَاوْلَدْ سْ يَانْ كِيْتِسْنْ إِنَّايسْ: يَاكْ أَكْمَا أُورْكْ شِيخْ غْ تَغْرَاضْ نَكْ؟ يَاكْ يَانْ أَدِينَارْ أَفْ دُمْشُوشْكَا نَكْيِ دِيدْكْ؟ <sup>14</sup> أَمْزْ أَيْلِي يِكَانْ وِينِكْ تَمُونْدْ دُأْغَرَاسْ نَكْ، أَشْكُو نَكْنِيْنْ أَيْرَانْ أَكْ سْنَدَاخْ دُغَادْ إِكْرَانْ. <sup>15</sup> نَغْدَ أُورْ أَفِيخْ أَدْ سَكْرَخْ مَكَانْ رِيخْ سْ لَمَالْ إِنُو؟ نَغْدَ أَرِيْ تَسْمُوقُلتْ سْ كَارْ تِيطْ أَشْكُو عَدْلَخْ؟ <sup>16</sup> غَمْكَانْ أَسْ رَادْ زُوْرَنْ إِمْكُورَا گَرُونْ إِمْزُورَا. أَشْكُو إِكْوتْ مَايِتِيْ عَرَاضَنْ، إِدْرُوسْ مَايِتِيْوْسْتَايْنْ».

<sup>17</sup> إِغْلِي يَسُوعْ سْ أُورُشَلِيمْ، لِيْغْ إِمُونْ دُأْغَرَاسْ إِمَتِينْ نَتَانْ دُسِينْ دُمْرَاوْ نْ أَمْحَضَارْ نَسْ إِنَّايسْنْ: «هَيَّا خْ رَانْغِلِي سْ أُورُشَلِيمْ، رَائِيْتِيْماَزْ يِوْسْ نْ أَفْكَانْ سْ كَرْ إِفَاسْنْ نْ إِرِيَاسْنْ نْ إِنْبَادِنْ دْ إِسْلَمَادِنْ نْ شَرْغْ، حَكْمَنْ فَلَاسْ سْ لَمُوتْ، <sup>19</sup> رَاتْ فَكْنْ إِلْكَنُوسْ أَرْكِيسْ ضَصَانْ شَنْ أَسْ أَكُورَايْ صَلَبَتْ، وِيسْ كَرَاضْ أَسَانْ إِنْكَرْدْ إِلْمَا».

<sup>20</sup> تَرِي يَانْ نِيتْ أَدْ دَارْسْ تُوشْكَا مَاسْ نْ تَرْوَا نْ زَبَدِي تَمُونْنْ دُسِينْ تَرْوَا نَسْ، تَسْجَدْ أَسْ تَضَالِبْ أَسْ يَاتْ تَغْوِسَا. <sup>21</sup> إِنَّايسْ: «مَاتِرِيتْ؟» تَوَاجِدْ تَنَايِسْ: «رِيخْ أَنْفَكْتْ لَقُولْ نَكْ إِسِينْ تَرْوَا يَادْ إِنُو أَدْ گَاوْرَنْ غْ تَكْلِيدِتْ نَكْ، أَيْلِي يَانْ غْ أَفَاسِي نَكْ يِلِي وِيَاضْ غْ أَزْلَمَاضْ نَكْ». <sup>22</sup> إِوْاجِدْ يَسُوعْ إِنَّايسْنْ: «أُورْ تَسْنَمْ مَاتِسِكِيلْمْ! إِسْ تَرْضَارْمْ أَتْسُومْ لَكَاسْ نْ إِنْكَازْنْ لِي رَادْ سُوكْ؟ تَعْمَدْ سْ لَمَعْمُودِيَا لِي سْ رَادْ عَمْدَخْ؟» نَانْ أَسْ: «نَزْرَضَارْ أَسْ». <sup>23</sup> إِنَّايسْنْ: «لَكَاسْ إِنُو تَرْضَارْمْ أَتْ تْسُومْ، لَمَعْمُودِيَا لِي تَعْمَدْخْ تَرْضَارْمْ أَسَرْسْ تَعْمَدْمْ، وَلَائِنِي إِكِيُورْ غْ أَفَاسِيْ إِنُو دْ أَزْلَمَاضْ إِنُو، أُورْ دَرِي أَتْ فَكْخْ أَبْلَا إِولِي مِيتْ يِوْجَادْ بَابَا». <sup>24</sup> لِيْغْ سَفَلْدَنْ مَرَاوْ إِمْحَضَارْنْ لِي إِمَيَانْ، كَرْسْنْ فْ سِينْ وِيَتْمَانْ لِي. <sup>25</sup> إِغْرْ أَسَنْ يَسُوعْ إِنَّايسْنْ: «كَنْيِي تَسْنَمْ إِرِيَاسْنْ نْ لَكَنُوسْ إِسْ أَكِيسْنْ صَمِيرْنْ، إِنْمُغُورْنْ نَسْنْ أَرْ فَلَاسْنْ تَصْلَاضْنْ». <sup>26</sup> كَنْيِي أَكِيونْ أُورْ يِلِي مَيَانْ. وَلَائِنِي وَنَانْ إِرَانْ أَيْكْ أَنْمُغُورْ، أَرْكُنْ إِسْتِضِيفْ. <sup>27</sup> وَنَانْ إِرَانْ أَكِيونْ إِكْ أَمْزُورُو، إِكْ أَونْ إِسْمَكْ. <sup>28</sup> غَمْكَانْ نِيتْ أَفْ دُيوْشْكَا يِوْسْ نْ أَفْكَانْ أَلَا نَتَانْ، أُورْدْ يُوشِكِي فْ أَيْتِضِيفْ، وَلَائِنِي أَفْ دُيوْشْكَا دْ أَيْسِتِضِيفْ إِسْبِلْ إِخْفْ نَسْ إِفْدُودْ سَرْسْ تُوْكَتْ نْ مَدَنْ».

<sup>29</sup> لِيْغْ إِفُوغْ يَسُوعْ دْ إِمْحَضَارْنْ نَسْ غْ تَمَرِرتْ نْ أَرِيحا، ضَفُورِنْتْ كِيَگَانْ دُمَنْ. <sup>30</sup> تَاغْدْ سِينْ إِيْكَاضْنْ گَاوْرَنْ نِيتْ غْ تَما نْ أَغَرَاسْ، لِيْغْ سَفَلْدَنْ إِزْدْ يَسُوعْ أَيَانْ إِزْرِينْ، أَرَاسْ أَفَرَانْ

سْ كُرَا دَارْسِنْ: «وَا سِيدِي حُنُو گِينْخُ، وَا يَوْسِنْ نْ دَاوْد!» <sup>31</sup> أَرْتِنْ طَرِينْ مَدْنْ أَدْ فَسَانْ، كُنْ إِلْمَا بَهْرَا تَغُويِّيتْ أَرَاسْ أَقْرَانْ: «وَا سِيدِي حُنُو گِينْخُ، وَا يَوْسِنْ نْ دَاوْد!» <sup>32</sup> إِنْ نِيتْ يَسُوعْ إِغْرِ أَسْنِ إِنَّا يَسْنِ: «مَاتَرَامْ أَدْ أَوْنْتْ سَكْرُخ؟» <sup>33</sup> نَانْ أَسْنِ: «نَرَا أَدْ رُزْمَنْتْ وَالَّنْ نَخْ أَسِيدِي!» <sup>34</sup> إِحْنُو گِيسْنِ يَسُوعْ إِكْرِ إِوَالَّنْ نَسْنِ، إِسْقِيُونْ غْ تَسَاعْتْ أَنْ، نَكْرُنْ ضَفُورُنْتْ.

21

## إِفْرِ وِيسْ عَشْرِينْ دْ يَانْ

<sup>1</sup> لَيْغْ عَلَائِينْ أَنْ لَكْمَنْ تَمَدْنَتْ نْ أُورُشَلِيمْ، لَكْمَنِينْ لَمُوضَعْ نْ بَيْتْ فَاجِي غْ تَماَنْ أُورِيرْ نْ تَرَبِّينْ، يَازْنِ يَسُوعْ سِينْ غْ إِمْحَضَارْنِ نَسْ <sup>2</sup> إِنَّا يَسْنِ: «زَيْدَاتْ سْ لَمُوضَعْ أَنْ نْ لَكْدَامْ نُونْ، مَكْنَانْ تَلْكَمْ رَانْ تَافْمِ يَاتْ تَغِيُولْتْ تَكْرُفْ يِلِي دِيدْسِ يَانْ أُسْنُوسْ، رُزْمَاتْ أَسْنِ تَوِيمَتْنَدْ. <sup>3</sup> إِغْ إِلَّا مَأْيُونْ إِنَّا كُرَا، تَنِيمْ أَسْ: هَتِي سِيدِي تَنِخْ أَنَنْ إِحْتَجَانْ. يَانْ إِمِيكْ سْ تَنَدْ إِرُورَا». <sup>4</sup> كُلُّو مَيَادِ إِجْرَا فَادْ إِكْمَلْ أَيْلِي فْ إِسَاؤْ نِبِي لِي يَنَانْ: <sup>5</sup> «إِنَاتْ إِيلِيسْ نْ صَهْيُونْ، هَانْ أَكْلِيدْ نِمْ يُوشْكَانْ دَارْمْ أُورْ كِيسْ لَكِيْرِ، إِسُودُونْ فْ أُسْنُوسْ دْ مَاسْ». <sup>6</sup> دُونْ إِمْحَضَارْنِ لِي، سَكْرُنْ أَيْلِي سَاسِنْ إِنَّا يَسُوعْ، <sup>7</sup> أَوِينْدْ أُسْنُوسْ لِي دْ مَاسْ، كُنْ فَلَاسْنْ تِيمْلَسَا نَسْنِ، إِسُودُو فَلَاسْنَتْ يَسُوعْ. <sup>8</sup> نَكْرُنْدْ مَدْنِ گُوتْتِينْ، أَرْ فَسَرْنْ تِيمْلَسَا نَسْنِ غْ أَغْرَاسْ، بَيْنْدِ وِيَاضْ إِزْقَارْ نْ أَصْغَارْ سُونْتَنْ كِيسْ. <sup>9</sup> أَرْ أَقْرَانْ إِكْدُونْ نْ مَدْنِ لِي زُورِنِينْ يَسُوعْ، أَرْ أَقْرَانْ وِلِيَتِينْ ضَفُورِنِينْ سْ كُرَا دَارْسِنْ أَرْتِتِينْ: «لَمَجْدِ إِيْوْسْ نْ دَاوْد! أَمْبَارِكِي أَيْكَا وَلَيْدِ يُوشْكَانْ سْ إِسْمْ نْ رَبِّي! لَمَجْدِ غْ وَفَاتِنْ نْ إِكْنَوَانْ!» <sup>10</sup> لَيْغْ إِكْشِمْ سْ تَمَدْنَتْ نْ أُورُشَلِيمْ نَكْرُنْدْ كُلُّو مَدْنِ نَسْ أَرْ سَقْسَانْ أَرْتِتِينْ: «مَيَكَا غَوَادْ!» <sup>11</sup> أَرَاسْنِ تَتِينْ مَدْنِ لَيْنِ مُونِينْ: «غَوَادْ أَيْكَانْ نِبِي يَسُوعْ أَتَمَدِنْتْ نْ نَاصِرَا غْ لَجَلِيلْ.»

<sup>12</sup> إِكْشِمْنِ يَسُوعْ سْ لَهِيَكْلُ نْ رَبِّي، إِسُوفْغَدْ كُلُّو وِلِي كِيسْ زَنْزَنِينْ أَرْكِيسْ سَاغْنْ، إِسْكَرْأوْلْ طَبَلِي نْ وِلِي تَسْرَقْنِينْ إِقْرِيَضْنِ دْ لَكْرَسَا نْ وِلِي زَنْزَنِينْ إِتِيَرِنْ. <sup>13</sup> إِنَّا يَسْنِ: «إِتِيُورَا، تَكْمِي نُو تِكْمِي نْ طَرْلَيِتْ أَتَكَا. كُنِي تَسْكِرْمِ كِيسْ إِفْرِي نْ إِمْخَارْنْ!» <sup>14</sup> لَيْغْ سُولْ إِلَّا غْ لَهِيَكْلُ، أَشْكَنِينْ دَارْسْ إِيْكَاضْنِ دْ إِيْضَارْنْ، إِجْجِيَنْ. <sup>15</sup> لَيْغْ ثَرَانْ إِرِيَاسْنِ نْ إِنْدَادْنِ دْ

إِسْلَمَادْنَ نْ شَرْعْ لِمُعْجَزَاتْ لَيْ يِسْكَرْ، أَرْ تَّتَّاينْ إِحْشَمِينْ أَرْ أَقْرَانْ غْ لَهِيْكَلْ أَرْ تِتِينْ: «لِمَجْدِ إِبْوْسْ نْ دَاوْدْ». تُطِيرْ أَسْنْ. <sup>16</sup> نَانْ أَسْ إِيسُوعْ: «إِنْ أَتْسَقْلِيتْ مَادْ تِتِينْ غُوِيدْ؟» إِنَّايسْنْ يَسُوعْ: «يَاهْ! إِزْدْ أُورْ جُونْ تُغْرِيمْ غَلِيْغْ إِتِيُورَا: إِمَاؤنْ نْ إِحْشَمِينْ دْ وِلِي سُمُومِينْ أَغْ أَدْ تُسْفُوغْتْ تُولْغا نَكْ؟» <sup>17</sup> إِفْلَتْنْ إِفْغَدْ غْ تَمْدِنْتْ أَنْ، إِدُو سْ لِمُوضَعْ نْ بَيْتْ عَنِيَا إِرْوَخْ كِيسْ.

<sup>18</sup> زِيَّاكْ صِبَاحْ لِيْغْدِ يُوضَأَا سْ تَمْدِنْتْ، يَاغْتْ لَاثْ، <sup>19</sup> إِمِيَّاكْ سَانْ إِتَّتَايِ يَاتْ تَزَارْتْ غْ تَمَانْ أَغَرَاسْ، إِدُو سِرْسْ أُورْنْ كِيسْ يُوفِي أَبْلَا إِفْرَاوْنْ. إِنَّايسْ: «زَايِدْ أَسَارْ كِيمْ أُورْ تِلِي لَغْلَتْ تِينْ وَبَدَانْ!» تَغَارْ نِيتْ تَزَارْتْ لَيْ غْ تَسَاعْتْ أَنْ. <sup>20</sup> لِيْغْ رَرَانْ إِمْحَضَارْنْ نَسْ مَيَانْ، أَرْ تَعْجَابِينْ أَرْتِتِينْ: «مَمْنُكْ أَسْ تَقُورْ تَزَارْتْ أَدْ غْ سَاعْتْ؟» <sup>21</sup> إِوَاجْبَدْ يَسُوعْ إِنَّايسْنْ: «لِحَقْ أَداونْ تَتِيخْ، إِغْ دَرُونْ إِلَّا لِيمَانْ إِفْكَنْ شَكْ، أُورْدَ أَيْلِي كَا سَكْرُخْ إِتَّزَارْتْ أَرَا تَسْكِرْمْ، وَلَائِنِي حَتَّا أَدَرَارْ أَدْ إِغْ أَسْ تَتَامْ مَتَّي تَضْرِيْتْنْ غْ لَبْحَرْ، رَانْ كِيسْ إِضرْ. <sup>22</sup> دْ كُولْ مَادْ تَضَالَبْ غْ طَرَلِيلْتْ نُونْ سْ لِيمَانْ، رَاتْ تَامْرَمْ».

<sup>23</sup> لِيْغْدِ يُوشْكَا سْ لَهِيْكَلْ أَرْكِيسْ إِسْلَمَادْ، أَشْكَنْدْ دَارْسْ إِرْيَاسْنْ نْ إِنْبَدَادْنْ دْ إِمْغَارْنْ نْ تَمَزِرْتْ، سَقَسَانْتْ نَانْ أَسْ: «مَانْ لَادْنْ أَسْ أَتْسَكَارْتْ مَيَادْ؟ دْ مَدَاكْ إِفْكَانْ لَادْنْ أَدْ؟» <sup>24</sup> إِوَاجْبَدْ يَسُوعْ إِنَّايسْنْ: «أَلَا نَكِي رَاكِنْ سَقَسَاخْ غْ يَانْ وَوَالْ، إِغْ إِيْ فَلَاسْ تُواجِبْمْ، إِنِيْخْ أَوْنْ أَلَا نَكِي لَادْنْ نْ مِيتْ أَسْ أَسَكَارْخْ مَيَادْ؟ <sup>25</sup> إِنَّايتِي: لَمَعْمُودِيَا نْ يُوْحَنَّا مَنِيدْ تَكَ؟ إِزْدْ إِكْنَوَانْ نَغْدَ دَارْ مَدْنْ؟» مَشْوَارْنْ دْ إِخْلَاوْنْ نَسْنْ نَانْ: «إِغْ أَسْ نَنَا: تَكَادْ إِكْنَوَانْ، رَادْ أَخْ بِينِي: مَاخْ زَا أَسَرْسْ أُورْ تُومِنْ؟ <sup>26</sup> إِغْ أَسْ نَنَا: تَكَادْ دَارْ مَدْنْ، نَكْصُوتْنْ أَشْكُو إِكَّا كُلو دَارْسْنْ يُوْحَنَّا نِبِي». <sup>27</sup> وَاجْبَنْدِ إِيسُوعْ نَانْ أَسْ: «أُورْ نِسِينْ». إِنَّايسْنْ أَلَا نَنَانْ: «حَتَّا نَكِينْ أُورَادْ أَوْنْ إِنِيْخْ مَانْ لَادْنْ أَسْ أَسَكَارْخْ مَيَادْ».

<sup>28</sup> مَادْ أَوْنْ إِصْهَرْنْ؟ إِكتِينْ يَانْ أُرْكَازْ دَارْسْ سِينْ تَرْوَا، إِدُو دَارْ أُمْزُورُو إِنَّايسْ: زَايِدْ أَيْوِي غَسَادْ تَخْدِمْتْ غْ أُورْتِي نْ وَصِيلْ. <sup>29</sup> إِوَاجْبَدْ إِنَّايسْ: أُورِيْخْ. وَلَائِنِي تَكْرَازْتْ سُولْ غْ إِسْ إِكْرَا، إِنْكِرْ إِدُو. <sup>30</sup> يَاشْكَدْ سْ وِيسْ سِينْ إِنَّايسْ غَمْكَلِي يِنَا إِوْمَزُورُو. إِوَاجْبَدْ إِنَّايسْ: مَقَارْ أَسِيدِيِّي، وَلَائِنِي أُورْ سُولْ إِدِّي. <sup>31</sup> مَانُوا كِيتِسْنْ إِسْكَرْنْ أَيْلِي يِرَا بَابَاسْ؟» نَانْ أَسْ: «أُمْزُورُو!» إِنَّايسْنْ يَسُوعْ: «لِحَقْ أَداونْ تَتِيخْ، هَانْ رَاكِنِينْ سُولْ زُوَارْنْ إِنْكَاسْنْ دْ وِلِي

تَّرْتُونِينْ سْ تَكْلِيدِتْ نْ رَبِّي. <sup>32</sup> أَشْكُو يُوْحَنَا لَمْعَدَانْ يُوشْكَادْ أَدَلَونْ إِزْوُورْ غْ أَغْرَاسْ نْ لَحْق، أُورْ سْرْسْ تُومْنْ، مَنْشْكْ إِنْكَاسْ دْ وِلِي تَرْتُونِينْ أُومْنْ سْرْسْ. كُنْيِ لِيغْ يَادْ تَشْرَامْ مَيَادْ، أُورْكْنْ تَكْرَازْ غْ إِسْ إِكْرَا أَسْرْسْ تَامْنْ.

<sup>33</sup> سَقْلَدَاتْ إِيَانْ لَمْعَنَا يَضْنِينْ: إِكتِينْ يَانْ بَابْ نْ تَكْمِي إِرَّا يَانْ أُورْتِي نْ وَضِيلْ، إِسْوُنْلْ أَسْدْ صُورْ، إِغْرْ كِيسْ لَمَعَصْرَتْ نْ وَضِيلْ، إِيُونْ كِيسْ تَضَافَتْ. إِفْلَتْ إِكْرَا نْ إِخْمَاسْنْ إِزَايْدْ إِمُودُو. <sup>34</sup> لِيغْ تَلْكُمْ لُوقْتْ نْ لَغْلَتْ، يَازْنْدْ إِسْمَكَانْ نَسْ دَارْ إِخْمَاسْنْ لِي أَنْ أَوِينْ لَغْلَاتْ نْسْ. <sup>35</sup> أَمْزْنْ إِخْمَاسْنْ لِي يِسْمَكَانْ أَنْ، شَنْ أَكُورَايْ إِكْرَا كِيتِسْنْ، نَغْنْ كَرَا، رَجْمَنْ كَرَا سْ إِزْرَانْ. <sup>36</sup> يَازْنْ أَسْنَدْ دَاخْ بَابْ نْ تَكْمِي إِسْمَكَانْ يَضْنِينْ أَكَارْ نْ وِلِي زْوُورْنِينْ. سَكْرَنْ أَسْنْ كُلُو غَمْكَانْ. <sup>37</sup> إِسْ إِكْرَا كُلُو، يَازْنْ أَسْنَدْ إِلْمَا يِوسْ إِنَا: يِوي رَادْ سَكْرَنْ سْ لَحْسَابْ نْسْ! وَلَائِنِي لِيغْ ثَرَانْ إِخْمَاسْنْ لِي يِوسْ، نَانْ إِيْنِكَرَاتِسْنْ: غُوَادْ أَرَا إِكُوسُو! أَرَأِتْ أَتْ نِينْغْ نَسِي تَكَسِيتْ نْسْ! <sup>38</sup> أَمْزْنَتْ سُوْفَغَنْتِيدْ سْ بْرَانْ وَرْتِي لِي، نَغْنْتْ كِيسْ! <sup>40</sup> لُوقْتْ نَادْ يُوشْكَا بَابْ نْ أُورْتِي، مَارَا إِسْكَرْ إِيْخَمَاسْنْ أَنْ؟» <sup>41</sup> نَانْ أَسْ: «رَا إِنْغْ غُوِينْ لِي أُورْ عَدْلَنِينْ كَارْ لَمُوتْ، إِفْكْ أُورْتِي إِيْخَمَاسْنْ يَضْنِينْ لِي رَادَاسْ يَكَا لَغْلَاتْ غْ لُوقْتْ نَسْتْ». <sup>42</sup> إِنَايِسْنْ يِسْوُعْ: «إِزْدْ أُورْ جُونْ تَغْرِيمْ غْ وَرَاتِنْ نْ رَبِّي: أَزْرُو لِي أُوكِينْ إِبْنَيْنْ نَتَانْ أَسْوُلْ إِكَانْ إِحْفْ نْ تَغْمَرْتْ؟ دَارْ رَبِّي أَدْ إِكَا مَيَادْ إِكْ لَعْجَبْ غْ كَرْ وَالَّنْ نَخْ! <sup>43</sup> مَيَادْ أَفَالِيُونْ تَتِيَخْ: رَادَوْنْ تِيُوكَاسْ تَكْلِيدِتْ نْ رَبِّي تَفْكْ إِمْدَنْ لِي رَا كِيسْ إِسْكَارْ لَغْلَاتْ. <sup>44</sup> وَنَا إِصْرَنْ فْ أَزْرُو أَدْ رَا كُلو إِرْزْ، وَنَافْدْ إِضْرَرَاتْ إِمْرِي!».

<sup>45</sup> لِيغْ سَقْلَدَنْ إِرِيَاسْنْ نْ إِنْبَدَادْ دْ لَفَرِيسِيَنْ يِسْوُعْ إِنَا لَمْعَنَا أَدْ، سَنْ إِزْدْ نَتِتِي أَفْ إِسَاوْلْ. <sup>46</sup> أَرْ إِلْمَا سِكِيلْنْ أَتْ أَمْزْنْ، وَلَائِنِي كُصُودْنْ مَدْنْ أَشْكُو إِكَا دَارْسْنْ زُونْدْ نَبِيْ.

## إِفْرِ وِيسْ عَشْرِينْ دْ سِينْ

<sup>1</sup> إِسَاوْلْ دَاخْ سْرْسْنْ يِسْوُعْ سْ لَمْعَنَا إِنَايِسْنْ: <sup>2</sup> «تَكَانْ تَكْلِيدِتْ نْ إِكْنَوَانْ زُونْدْ يَانْ أَكْلَيدْ إِسْكَرْ تَمْغَرَا إِيُوسْ. <sup>3</sup> إِصَافْضْ إِسْمَكَانْ نَسْ أَدْ غُرْنْ إِمْدَنْ سْ تَمْغَرَا، وَلَائِنِي وِلِي مِ إِغْرَا

أُوكِينْ آدَارْسْ فُتُونْ.<sup>4</sup> يَا زَنْ دَاخْ سِرْسِنْ إِسْمَكَانْ يَضْنِينْ إِنَّا يُسْنْ: إِنَاتْ إِولَيْ مَغْرِيخْ: هَا تِيرْمَتْ تِوْجَادْ. إِزْكَارْنْ دْ إِعْلَاشْ جِينِينْ تَغْرِصْنْ، كُرِيَگَاتْ تَغْوَسَا تِيوْجَادْ. أَشْكَادْ سْ دَارْ تَمْغَرْ!<sup>5</sup> وَلَائِنِي وَلِي رَزْمَنْ إِيْخَفْ نَسْنْ، إِدُو كَرَا سْ إِكْرَانْ نَسْ، إِدُو كَرَا سْ تَسْبَابْتْ نَسْ.<sup>6</sup> وَيَاضْ أُمْزَنْ إِسْمَكَانْ نْ أَكْلِيدْ كُرْفَصْنَنْ نَغْنَنْ.<sup>7</sup> لَيْغْ لَكْمَنْ لَا خَبَارْ أَكْلِيدْ، غَلِينْدْ كِيسْ إِرِيَنْ، إِصَافْضْ لَعْسَكْرْ نَسْ نَغْنَ وَلِي نَغْنَيْنْ إِسْمَكَانْ نَسْ إِجْدَرْ تَمْدَنْتْ نَسْ.<sup>8</sup> إِنَّا يُسْنْ إِلَمَا إِيْسَمَكَانْ نَسْ: تِيرْمَتْ نْ تَمْغَرَا هَتِي تِيوْجَادْ، وَلَائِنِي وَلِي مَغْرِيخْ أُورْ سَتْهَلَانْ.<sup>9</sup> زَيَدَاتْ سْ كَرْ إِغْرَاسْنْ، كُولْ مَانْ تُوفَامْ تَغْرِمْ أَسْ سْ دَارْ تَمْغَرَا.<sup>10</sup> فَغَذْ إِسْمَكَانْ لَيْ سْ إِغْرَاسْنْ، سَمُونَدْ كَرَا أَفَانْ غْ وَيَدْ صَلْحَنِينْ أَلَا وَيَدْ هَرْشِنِينْ. تَعْمَرْ تَكْمِي سْ مَدْنْ.<sup>11</sup> إِكْشَمَنْ أَكْلِيدْ أَيْزَرْ وَلِي مَإِغْرَا، سَانْ إِتَّايِي يَانْ غْ كَرْ مَدْنْ أُورْ إِلْسِي تَمْلِسِيتْ نْ تَمْغَرَا.<sup>12</sup> إِنَّا يُسْنْ: مَمْنَكْ أَكْمَا أَسْدْ تَكْشِمَتْ سْ غَيْدْ أُورْ أَكْ تَلْسِيتْ تَمْلِسِيتْ نْ تَمْغَرَا؟ إِفْسَا أُورَاسْ إِوْجَبْ.<sup>13</sup> إِسَاوْلْ إِلَمَا أَكْلِيدْ سْ إِخْدَامْنْ نَسْ إِنَّا يُسْنْ: كَرْفَاتْ غْ إِضَارَنْ دْ إِفَاسْنْ، تَسِيمَتْ تَلُو حَمْتِينْ غْ تَلَاسْ نْ بَرَا. غِينْ أَغْ رَادْ إِلِينْ إِمْطَاعْنْ دْ إِسْقِيجِينْ نْ أَخْسَانْ.<sup>14</sup> أَشْكُو إِكْوَتْ مَايِتِيُوْعَرَاضْنْ إِدْرُوسْ مَايِتِيُوْسَتَائِينْ».

<sup>15</sup> عَكُودَانْ أَدْ دَانْ لَفْرِيُسِينْ أَرْ تَمْشِوِيرْنْ فْ مَمْنَكْ أَسْ رَادْ أُمْزَنْ يَسُوعْ غْ وَوَالْ نَسْ.<sup>16</sup> أَزْنْ سِرْسْ إِمْحَضَارْنْ نَسْنْ دْ لَنْصَارْ نْ هِيُروُدُسْ نَانْ أَسْ: «نَسْنْ أَسِيدِي إِسْ تَغْرَانتْ أَرْ تَسْلِمَاتْ إِمْدَنْ أَغْرَاسْ نْ رَبِّي سْ لَحَقْ، أُورْكْ إِهْمِي بَنَادْمْ، أُورْ أَتْسَكَارْتْ أَدْمَأْوَنْ.<sup>17</sup> غَلَادْ إِنِي يَاخْ: مَدَاكْ إِضْهَرْنْ؟ إِسْ إِحْلَآ أَنَّكَا ضَبِيبْ إِقِيَصَرْ نَغْدَ أَهُوْ؟»<sup>18</sup> يَسُوعْ إِسْنْ تِيْكَنَادْ نَسْنْ إِنَّا يُسْنْ: «مَاخْ أَيْ تَارْمْ الْمُونَفَقِينْ؟<sup>19</sup> أَرَأَيْتْ يَانْ أُقَرِيَضْ لَيْ تَكَامْ غْ ضَبِيبْ أَتْ زَرْخْ». أَوِينْ أَسْدْ يَانْ أُدِينَارْ.<sup>20</sup> إِسْقَسَاتْ إِنَّا يُسْنْ: «أُودْمْ نْ مِيتْ دْ تِيرَانْ مِيتْ أَيَادْ كِيسْ إِلَانْ؟»<sup>21</sup> نَانْ أَسْ: «وِينْ قَيْصَرْ». إِنَّا يُسْنْ إِلَمَا: «أَوا فَكَاتْ إِقِيَصَرْ أَيْلِي يَكَانْ وِينْ قَيْصَرْ، تَفْكَمْ إِرْبِي أَيْلِي يَكَانْ وِينْ رَبِّي».<sup>22</sup> لَيْغْ سَقْلَدْنْ إِمَيَانْ، أَرْ تَعْجَابْنْ دُونْ فَلَنتْ.

<sup>23</sup> أَسَانْ نِيتْ أَدْ دَارْسْ أَشْكَانْ كَرَا نْ صَدُوقِينْ لَيْ تِيَنِينْ أُورَادْ سُولْ نَكْرَنْ وَلِي مُوتِينْ سَقْسَانْتْ،<sup>24</sup> نَانْ أَسْ: «إِنَّا يَخْ مُوسَى أَسِيدِي: إِغْ إِمُوتْ كَرَا نْ يَانْ أُورْدْ إِفْ تَرْوَا، إِلَّا فْ كَمَاسْ أَيْتَاهَلْ تَمْغَرْتْ نَسْ إِفْلَدْ أَمُودْ فْ إِسْمْ نْ كَمَاسْ.<sup>25</sup> نَكْنِي لَانْ دَارْنْخْ سَا نْ وَيَتْمَاتْنْ،

إِتَاهُلْ وَادْ إِزُورْنْ إِمْتْ. سْ لِيغْدْ أُورْ إِفْ تَرْوَا، إِفْلْ تَمْغَرْتْ نْسْ يَوِيتْ كِمَاسْ. <sup>26</sup> غِمْكَانْ دْ وِيسْ سِينْ دْ وِيسْ كِراضْ أَرْ وِيسْ سَا. <sup>27</sup> إِسْ إِكْرَا كُلُّو تَمَتْ تَمْغَرْتْ لِي أَلَا نَتَاتْ. <sup>28</sup> أَسْ نَاغْدْ نَكْرَنْ وِلي مُوتْتِينْ، مَانُوا غْ سَا أَدْ أَمْ رَاتِكْ تَمْغَرْتْ؟ أَشْكُو تَكْتِينْ تَكَا كُلُّو تَمْغَرْتْ نْسْنْ!» <sup>29</sup> إِوَاجِبْ يَسُوعْ إِنَايِسْنْ: «تَجْلَامْ أَشْكُو أُورْ تَسْتَمْ أَرَاتِنْ نْ رَبِّي أَلَا تَسْتَمْ لَجْهَدْ نْسْ. أَشْكُو أَسْ نْ تَتَكْرَانْ وِلي مُوتْتِينْ أُورَا تَتَهَالْنْ أَلَا أَرْ سَتِهِيلْنْ، وَلَائِنِي زُونْد لَمَلَائِكَا نْ رَبِّي غْ إِكْنُوانْ أَدْ تَكَانْ. <sup>31</sup> أَمَا غْ لَجْهَتْ نْ إِسْ رَادْ نَكْرَنْ وِلي مُوتْتِينْ نَغْدْ أَهُو، إِزْدْ أُورْ تَغْرِيمْ أَيْلِي سَاوْنْ إِنَا رَبِّي لَيْغْ إِنَا: <sup>32</sup> نَكِينْ أَيْكَانْ رَبِّي نْ إِبْرَاهِيمْ دْ رَبِّي نْ إِسْحَاقْ دْ رَبِّي نْ يَعْقُوبْ؟ أُورْ إِكِي رَبِّي، رَبِّي نْ وِلي مُوتْتِينْ، وَلَائِنِي رَبِّي نْ وِلي دَرْنِينْ أَيْكَانْ!» <sup>33</sup> لَيْغْ سَفْلَدْنْ مَدْنْ لَيْنْ مُونِينْ إِمَيانْ، أَرْ تَعْجَابْنْ غْ الْمُودْ نْسْ.

<sup>34</sup> لَفْرِيسِيَّيْنْ نَتَتِي، لَيْغْ سَفْلَدْنْ إِسْ إِسْفَسَا يَسُوعْ صَدُوقِيَّيْنْ لَمُوقُورْنْ كِرَاتِسْنْ، <sup>35</sup> يَانْ كِيتِسْنْ إِكَا غْ لَعْلَمَا نْ شَرْعْ إِسْقَسَاتْ أَتْ إِجْرَبْ إِنَايِسْ: <sup>36</sup> «مَانْ لُوصِيتْ أَكُلُو إِمْقُورْنْ أَسِيدِي غْ شَرْعْ؟» <sup>37</sup> إِنَايِسْ يَسُوعْ «أَتَجْبُوتْ رَبِّي لِي يِكَانْ بَابْ نَكْ سْ تَمَانْ وُولْ نَكْ، دْ تَمَانْ رُوحْ نَكْ، دْ تَمَانْ إِسْوَنِكِيمْ نَكْ!» <sup>38</sup> خَتَادْ أَيْكَانْ لُوصِيتْ إِزْوَارْنْ تَكْ نَتِي كُلُّو مُوقُورْنْ. <sup>39</sup> تِيسْ سَنَاتْ زُونْد نَتَاتْ: أَتَجْبُوتْ أَدْجَارْ نَكْ زُونْد إِخْفْ نَكْ. <sup>40</sup> سَنَاتْ لُوصِياتْ أَدْ أَفْ كُلُّو إِتَبِنَا شَرْعْ أَلَا أَرَاتِنْ نْ لَانِيَا».

<sup>41</sup> تِري لَيْغَنْ مُونْ لَفْرِيسِيَّيْنْ إِسْقَسَاتْ يَسُوعْ إِنَايِسْنْ: <sup>42</sup> «مَادْ أَوْنْ إِظْهَرْنْ غْ لَمَسِيحْ؟ يِوسْ نْ مِيتْ أَيْكَانْ؟» نَانْ أَسْ: «يِوسْ نْ دَأْوَدْ!» <sup>43</sup> إِسْقَسَاتْ إِنَايِسْنْ: «مَمْنَكْ زَا أَسْ أَيْسْ يَقِرَأْ دَأْوَدْ سْ رُوحْ أَرْ أَسْ إِتَتِي سِيدِي؟ لَيْغْ إِنَا: <sup>44</sup> إِنَا رَبِّي إِسِيدِي: گِيُورْ غْ أَفَاسِيْ إِنُو أَرْدْ كَخْ لَعْدُو نَكْ غْ دُو إِصَارَنْ نَكْ. <sup>45</sup> إِغْ أَيْقِرَأْ دَأْوَدْ إِلْمَسِيحْ سْ سِيدِي مَمْنَكْ زَا أَسْ رَايْكْ لَمَسِيحْ يِوسْ؟» <sup>46</sup> أُورْ سُولْ إِرْضَارْ حَتَّا يَانْ كِيتِسْنْ أَدَاسْ إِوَاجِبْ مَقَارِدْ سْ يَانْ وَوَالْ، أَلَا أَسُولْتْ إِسْقَسَا يَانْ غْ كُرَانْ تَغْوَسَا غَمْنْ غَسَانْ.

## إِفْرَ وِيسَ عَشْرِينَ دُ كُرَاضَ

<sup>1</sup> غَكُودَانْ أَيْنُكْرَ يَسُوعَ أَرْ إِسْوَالْ سْ إِمْحَضَارْ نَسْ دْ مَدْنَ لَيْنَ مُونِينْ. <sup>2</sup> إِنَّا يَسِنْ: «لَكْرَسِي لَيْغَ إِكَاؤْرْ مُوسَى أَغْ كَاؤْرْنَ إِسْلَمَادْنَ نْ شَرْعَ دْ لَفَرِيسيِينْ، <sup>3</sup> كُولْ مَاسْ أَونْ نَانْ أَسَرْسْ تَسْكَارْمَ تَمَرْمَتْ أَرْ سَرْسْ تَسْكَارْمَ. وَلَائِنِي أَيْلِي سَكَارْنَ أَتْ أُورْ تَسْكَارْمَ، أَشْكُو أَرْتِتِينْ مِشْ أُورَا سَكَارْنَ. <sup>4</sup> أَشْكُو أَرْ تَاسِنْ إِسْتِيتِنْ بَهْرَا ژِضِيَّيِينْ لَيِّ مِ أُورْ إِزْضَارْ يَانْ أَتِنْ يَسِيِ، سَرْسِتِنْ فْ تَغْرَاضَنْ مَدْنَ، مِشْ نَتِي أُورِيِنْ أَتِنْ سَمُوسِنْ حَتَّا سْ تَضَاتَ نَسِنْ، <sup>5</sup> أَيْلِي كُلُّو سَكَارْنَ أَرْتْ سَكَارْنَ فْ أَتِنْ سَمُوقُولْنَ مَدْنَ: أَرْ سَمُغُورْنَ لَحْرُوزْ لَيِّ تَاكَلْنَ إِيْكَنْزِي نَسِنْ أَرْ سَمُغُورْنَ تَمَوِينْ نْ إِقْشِبَانْ نَسِنْ، <sup>6</sup> أَرْ تَرِينْ أَدْ أَمْزِنْ إِدِيسْ إِزْوَارْنَ غْ زَرَادِي، أَمْزِنْتْ غْ إِكْرَاوْنْ، <sup>7</sup> إِرِينْ أَدَاسِنْ تَسُودُونْ مَدْنَ غْ لَاسْوَاقَ، أَرَاسِنْ تَتِينْ: سِيدِي، وَأَسِيدِي! <sup>8</sup> وَلَائِنِي كَنِي أَدْ أُورْ تَقْبِلْمَ إِيَانْ أَدْ أُونْ إِتِي سِيدِي، أَشْكُو سِيدِيَّتُونْ يَانْ أَيْكَا، أَتْ إِكَانْ دْ لَمْسِيَخْ، كَنِي هَانْ أَيْتِمَانْ أَكُلُو تَكَامْ. <sup>9</sup> أَدْ أُورْ تَقَرَّامْ إِيَانْ سْ بَابَاتُونْ غْ إِكَيِّ نْ وَكَالْ، أَشْكُو بَابَاتُونْ يَانْ أَيْكَا، أَتْ إِكَانْ دْ وَلِيِّ يَلَانْ غْ إِكْنُوانْ. <sup>10</sup> أَدْ أُورْ تَقْبِلْمَ إِيَانْ أَدَاوْنْ يَقَّرَا سْ أَسْلَمَادْ، أَشْكُو أَسْلَمَادْ نُونْ يَانْ أَيْكَا، أَتْ إِكَانْ دْ لَمْسِيَخْ. <sup>11</sup> أَيْكَ أَمْغَارْ نُونْ وَلِيَّكِنْ إِصْنِضِيفَنْ. <sup>12</sup> أَشْكُو كُولْ مَايِسِيمُغُورْنَ إِخْفَنْسْ أَرْتْ إِزْمِزِيْ، دْ كُولْ مَايِزْمِزِينْ إِخْفَنْسْ أَرْتْ إِسْمَغُورْ. <sup>13</sup> وَلَائِنِي تَجْرَا كِيُونْ أَيْسِلَمَادْنَ نْ شَرْعَ دْ لَفَرِيسيِينْ لَمُونَفِقِينْ! أَشْكُو أَرْدْ تَقْنَمْ تَكَلْدِيتْ نْ إِكْنُوانْ فْ مَدْنَ، أُورْ يَادْ تَكْشِمْ كَنِي أَلَا تُوجَامْ وَلِيِّ رَانِينْ أَدْ كَشْمِنْ. <sup>14</sup> تَجْرَا كِيُونْ أَيْسِلَمَادْنَ نْ شَرْعَ دْ لَفَرِيسيِينْ لَمُونَفِقِينْ! أَشْكُو أَرْ تَشْتَامْ إِيَداَنْ تَدَكَلِينْ، أَرْ تَرِغَزِيفْ طَرِيلَلَ نُونْ فْ أَكَنْ سَمُوقُولْنَ مَدْنَ. غَانْ أَفْ رَايِشَقُو لَحُوكْمَ لَيِّ رَا فَلَّاونْ إِتُوتْ. <sup>15</sup> تَجْرَا كِيُونْ أَيْسِلَمَادْنَ نْ شَرْعَ دْ لَفَرِيسيِينْ لَمُونَفِقِينْ! أَشْكُو أَرْ تَمُودُومْ غْ وَكَالْ أَلَا لَبْحَرْ أَدْ تَسْكَشِمْ يَانْ سْ دِينْ نُونْ، إِغْتِيدْ يَادْ تَسْكَشِمْ تَكَمْتْ دْ يَوْسِنْ نْ جَهْنَمَأَكَارْ نُونْ فْ سَنَاتْ تَوَالْ! <sup>16</sup> تَجْرَا كِيُونْ أَولِيِّ زَوَرِينْ إِمْدَنْ كَنْ إِيْكَاصِنْ! أَرْ تَتِيمْ: وَنَا إِكُولَانْ سْ لَهِيَكْلُ أُورْ فَلَّاسْ إِلَيِّ يَاتْ، وَنَا إِكُولَانْ سْ أُورْغَنْ لَهِيَكْلُ إِلَّا فَلَّاسْ أَيْسَفُو تَكَلْلِيتْ نَسْ. <sup>17</sup> مَاخَ أَيْدْ وَارْ لَعْقَلْ كَنِينْ إِيْكَاصِنْ! مَايِمُقُورْنْ: إِزْدْ أُورْغَنْ نَغْدَ لَهِيَكْلُ لَيِّ يَتْكَانْ أُورْغَنْ دْ وَادْ إِتِيَوْقَدَسِنْ؟ <sup>18</sup> أَرْ تَتِيمْ وَنَا إِكُولَانْ سْ أُمْغَرِيشْ أُورْ

فِلَّاسْ إِلَيْ يَاتْ، وَلَا يَنْيِ وَنَا إِكُولَانْ سْ أُسْكُمُورْ لِي فِلَّاسْ إِلَانْ، هَانْ إِلَّا فِلَّاسْ أَيْسَفُو تَكَلَّيْتْ نْسْ.<sup>19</sup> مَاخَ أَيْدْ وَارْ لَعْقَلْ كَنِينْ إِبْكَاصْنْ! مَايْمُورْنْ: إِزْدْ أُسْكُمُورْ نَغْدْ أَمْغَرِيْصْ لِي يَنْكَانْ أُسْكُمُورْ دْ وَادْ إِتِيَوْقَدَسْنْ?<sup>20</sup> هَانْ يَانْ إِكُولَانْ سْ أَمْغَرِيْصْ إِكُولَانْ سْرْسْ إِكَالْ سْ أَيْلِي كَلُّ إِلَانْ فْ إِكِي نْسْ!<sup>21</sup> وَنَا إِكُولَانْ سْ لَهِيَكَلْ، هَانْ إِكُولَانْ سْرْسْ إِكَالْ سْ رَبِّي لِي كِيسْ إِزْدْغَنْ، دْ وَنَا إِكُولَانْ سْ إِكْنُوَانْ، هَانْ إِكُولَانْ سْ لَعْرَشْ نْ رَبِّي أَلَا سْ وَلِي فِلَّاسْ إِكَالَوْرْنْ.<sup>22</sup> تَجْرَأْ كِيُونْ أَيْسَلْمَادْنْ نْ شَرْعْ دْ لَفَرِيْسِيَّيْنْ لَمُونَفَقِيْنْ! أَشْكُو أَرْ تَكْسْمْ لَعْشُورْ إِلَقاَمْتْ دْ لَبْسِيَّاسْ دْ لَكْمُونْ، تَقْلِمْ أَيْلِي يَكَانْ صَاحْتْ غْ شَرْعْ، أَتْ إِكَانْ دْ لَحَقْ دْ لَحَانْتْ دْ لِيمَانْ. إِلَّا فِلَّاُونْ أَتْسَكَارْمْ سْ غُويْدْ بَلَّا تَقْلِمْ غْ غُويْنْ يَضْنِيْنْ.<sup>24</sup> وَأَلِي زُورَنِينْ إِمْدَنْ كَنْ إِبْكَاصْنْ! أَرْ تَسْتَايْمْ وَبِيَّا غْ أَيْلِي تَسَامْ، أَرْ تَسْلُكُو طِيمْ أَرْعَمْ.<sup>25</sup> تَجْرَأْ كِيُونْ أَيْسَلْمَادْنْ نْ شَرْعْ دْ لَفَرِيْسِيَّيْنْ لَمُونَفَقِيْنْ! أَشْكُو أَرْ تَسْرِيدْمْ بَرَّا نْ لَكَاسْ دْ بَرَّا نْ تَزْلَافْتْ، وَلَا يَنْيِ أَكْنَسْ نَسْنْ إِعْمَرْ سْ تَمْخَارْتْ دْ لَفَسَادْ!<sup>26</sup> وَأَلَفَرِسِيْيِّيْنْ إِبُوكْضَنْ، سِيرْدْ زُواَرْ أَكْنَسْ نْ لَكَاسْ دْ أَكْنَسْ نْ تَزْلَافْتْ، فْ أَيْرُودْ بَرَّا نَسْنْ أَلَا نَتَانْ.<sup>27</sup> تَجْرَأْ كِيُونْ أَيْسَلْمَادْنْ نْ شَرْعْ دْ لَفَرِيْسِيَّيْنْ لَمُونَفَقِيْنْ! أَشْكُو تَكَامْ زُونْدْ لَقْبُورْ لِي جِيرِنِينْ إِمْلُونْ أَرْدْ تَبَيَّانْ إِسْ فُولَكِينْ غْ بَرَّا، وَلَا يَنْيِ أَكْنَسْ نَسْنْ إِعْمَرْ سْ إِحْسَانْ نْ وَلِي مُوتِنِينْ دْ كُولْ مَايِسْنْ.<sup>28</sup> غَمْكَانْ دْ كَنِيْ: بَرَّا نُونْ أَرْكِيسْ تَبَيَّانْ إِمْدَنْ إِسْ تَكَامْ وِيدْ صَلْحَنِينْ، وَلَا يَنْيِ أَكْنَسْ نُونْ إِكَا كَلُّو نِيَفَاقْ دْ دَنُوبْ!<sup>29</sup> تَجْرَأْ كِيُونْ أَيْسَلْمَادْنْ نْ شَرْعْ دْ لَفَرِيْسِيَّيْنْ لَمُونَفَقِيْنْ! أَشْكُو أَرْ تَبَنَامْ لَقْبُورْ نْ لَانِبِيَا أَرْ تَكْلُومْ تَمْضَالْ نْ صَالِحِينْ،<sup>30</sup> تَتِيمْ: مَلَادْ إِسْ نَلَّا غْ أَسْقَانْ نْ لَاجْدُودْ نَخْ أُورَادْ أَسْنْ نَاوْسْ أَدْ نَغْنْ لَانِبِيَا.<sup>31</sup> غَمْكَادْ أَسْ تَكَامْ تُوكَّا فْ إِخْلَوْنْ نُونْ إِسْ تَكَامْ تَرْوَانْ إِمْنَاغَانْ نْ لَانِبِيَا!<sup>32</sup> أَوَا كَمَلَاتْ فْ أَيْلِي سَكْرَنْ لَاجْدُودْ نُونْ.<sup>33</sup> وَإِلْكَمَاضْنْ تَرْوَانْ تِبْنَكَلِينْ! مَمْنَكْ أَسْ رَأْ تَرْوَلْمْ إِلْعَقَابْ نْ جَهَنَّمَا?<sup>34</sup> هَيْ رَأِيْونْدْ صَافْدْخْ لَانِبِيَا دْ لَحُوكَما دْ إِسْلَمَادْنْ، رَأْ كِيسْنْ تَتَغْمْ كَرَا، تَصْلِبْ كَرَا، تَشْمْ أَكُورَايِيْ إِكْرَا غْ إِكْرَاوْنْ نُونْ، أَرْ تَطَائِمْ وِيَاضْ غْ تَمْدِنْتْ سْ تَيَاضْ،<sup>35</sup> غَمْكَانْ أَفْ رَادْ تَيَوْحِسِيَّيْمْ فْ إِدَامَنْ نْ وَلِي صَلْحَنِينْ لِي كَلُّو فَنِينْ غْ إِكِي نْ وَكَالْ، غَمْنْ إِدَامَنْ نْ هَابِيلْ لِي يَكَانْ وَادْ إِصْلَحْنْ أَرْ إِدَامَنْ نْ زَكَرِيَا يَوْسْ نْ بَرَخِيَا لِي تَتَغَامْ غْ كَرْ لَهِيَكَلْ دْ أَمْغَرِيْصْ. لَحَقْ أَدَلَونْ تَتِيخْ: لَعِقَابْ نْ مَيَانْ كَلُوتْ تَسُوتْ أَدْ أَفْ رَأِيْكُوزْ!<sup>36</sup>

وَا اُورْشِلِيمْ، وَا اُورْشِلِيمْ، وَا تَلّي يِنْغَانْ لَانِبِيَا، تُرْجَمْ إِرْقَاصِنْ لِيدْ سِرْسْ تِيزِنِينْ. مِنْشِكْ نْ<sup>37</sup>  
 ضُورْ أَدْ رِيخْ أَدْ سِمُونْخْ تَرْوَا نْ غِمْكَلِي تِسْمُونْ تِفْلُوسْتْ إِكِيَاوْنْ نَسْ غْ دُو تِقْرَوِينْ نَسْ،  
 وَلَانِيَّيْ تُوكِيمْ!<sup>38</sup> هَا تَكْمِي نُونْ رَادْ أَوْنْدْ تَغَمَا تَگَا إِخْرَبَا.<sup>39</sup> أَرَاوْنْ تِتِيخْ اُورَّايِي سُولْ تِزْرَمْ  
 غِمْنْ عِلَادْ أَرْ أَسْ لِيغْ رَادْ تِتِيمْ: أَمْبَارْكِي أَيْكَا وَلِيدْ يُوشْكَانْ سْ إِسْمْ نْ رِبِّي!».

24

## إِفْرِ وِيسْ عَشْرِينْ دْ كُوژْ

<sup>1</sup> إِفْغَدْ يِسُوعْ غْ لَهِيَكَلْ. أَرْ إِزْكِيَّزْ، أَشْكِنِينْ دَارْسْ إِمْحَضَارْنْ نَسْ أَرْ أَسْنْ تِتَعَانْ لَبِنِيَا نْ  
 لَهِيَكَلْ.<sup>2</sup> إِنَّا يِسْنْ يِسُوعْ: «إِسْ أَتَتِيَّمْ مِيَادْ كَلُوتْ؟ لَحَقْ أَدَاوْنْ تِتِيخْ: اُورَّا كِيسْ إِعَمَا أُزْرُو فْ  
 كَمَاسْ أُورْ إِخْلِي!»

<sup>3</sup> لِيغْ إِكَلُورْ يِسُوعْ غْ أُورِيرْ نْ تَزِيَّنْ، دُونْ دَارْسْ إِمْحَضَارْنْ نَسْ لِيغْ كَانْ وَحْدُوتْنْ نَانْ  
 أَسْ: «إِنِي يَاخْ مَانْ لُوقْتْ أَرَأِيَّيِي مِيَادْ؟ دْ مَتَّگَا تِمَتَّارْتْ نْ تِزِي لِيغْ رَادْ تِوْرِيتْ، تِمَتَّارْتْ نْ  
 إِسْ إِكَرَا نْ زَمَانْ؟»<sup>4</sup> إِوَاجِبْدْ يِسُوعْ إِنَّا يِسْنْ: «رَرَاتْ لَعْقَلْ! هَانْ أَكَنْ أُورْ إِجْلُو يَانْ.<sup>5</sup> أَشْكُو  
 هَانْ كُوتْنْ وِليَ رَادْ يَاشِكْ سْ إِسْمْ إِنُو أَرْتِيَّنْ إِزْدْ نَتِي أَيْكَانْ لَمَسِيحْ! أَرْ جَلُونْ كِيَكَانْ دْ  
 مَدَنْ.<sup>6</sup> هَانْ رَأْ تِسْقَلِيدْمْ إِيمَاغْنْ دْ لَاحْبَارْ نْ إِمَاغْنْ. وَلَانِيَّيِي رَرَاتْ لَعْقَلْ! هَانْ أَدَاخْ أُورْ  
 تِكْصَاصْمْ! أَشْكُو إِقَانْدْ أَكْلُو يِلِي مِيَادْ، وَلَانِيَّيِي أُورْتَا رَأِيَّيِي إِسْ إِكَرَا.<sup>7</sup> أَشْكُو رَادْ إِنْكَرْ لَكْنْسْ  
 فْ وَيَاضْ، تِتَكْرَذْ تِكْلِديَّتْ فْ تِيَاضْ، يِلِي لَازْ تِمُوضَانْ دْ إِدْ زِنْزَالْ غْ كِيَكَانْ تِمَزَارْ.<sup>8</sup>  
 وَلَانِيَّيِي خَتِيَّدْ كَلُوتْتْ أُورْ كِيَنْتْ أَبْلَا إِسْ إِزْوَارْ نْ إِنْكَاظَنْ.<sup>9</sup> غَكُودَانْ رَاكَنْ أَمْزَنْ أَكَنْ  
 سِرْفُوفْنْ، نَغْنِكْنْ، حَشَانْكْنْ كَلُو لَكْنُوسْ فْ سَبَّتْ نْ إِسْمْ إِنُو.<sup>10</sup> رَأِيَّكُوتْ مَايُوضَانْ تِغَرْصِينْ  
 إِزْنَزْ كَرَا كِيسْنْ كَرَا، إِحْشَا كَرَا كِيسْنْ كَرَا.<sup>11</sup> رَادْ أَشْكُنْ كِيَكَانْ دْ لَانِبِيَا لِي سَكْرُكَسْتِينْ جَلُونْ  
 تُوكْتْ نْ مَدَنْ.<sup>12</sup> تِدْرَاسْ تَايِّري غْ أُولَاؤْنْ كَوْتِينْ أَشْكُو إِكُوتْ كَارْ.<sup>13</sup> وَلَانِيَّيِي وِليَ يِصْبِرْنْ  
 أَرْ إِسْ إِكَرَا نَتَانْ أَرَا يِنْجَمْ.<sup>14</sup> إِرَا تَلَكْ تِبَرَاتْ أَدْنْ تِكْلِديَّتْ دُونِيتْ كَلُوتْ، تْكْ تُوكَا إِلْكْنُوسْ  
 كَلُوتْنْ، فَادْ إِلَمَا أَدْ يَاشِكْ إِسْ إِكَرَا.

كُوْدِنَا تُّزَرَّامْ غَلِي سْ أُورْ إِخْصَانْ أَيْلِسْ أَلَا إِلَّا كِيسْ لُخْلَا إِلَّا إِلَّا كِيسْ غُمْكِلِي إِنَا نَبِي ١٥  
 دَانِيَاْل، فَهُمْ أَوْلَى يَقِرَانْ. ١٦ تِزِي يَانْ رُولَاتْ سْ إِدْرَارْنْ أَوْلَى لَانِينْ غْ تُمَرِّتْ نْ لِيَهُودِيَا،  
 أَلَا وَلَيْنْ إِلَّا غْ أَزُورْ أَدَّ أُورْ إِكْرَ أَنْ يِسِي يَاتْ غْ أَكْنَسْ نْ تُكْمِي نِسْ، ١٨ وَلَيْنْ إِلَّا غْ  
 إِكْرَانْ أَدَّ أُورْ يَضُو أَنْ يِسِي تِيمُلْسَا نِسْ. ١٩ تِجْرَا غْ تِلِي أُسِنِينْ أَحْلِيَكْ أَلَا نَتِي سَتْكِيَنِينْ غْ  
 أُسْفَانْ أَنْ! ٢٠ طَرَلَائِتْ أَيْوِنْدْ أُورْ تَاشْكْ تُرُولَانْ غْ تُكْرِسْتْ أَلَا غْ وَاسْ نْ سَبْتْ، ٢١ أَشْكُو  
 غَكُودَانْ رَاتِلِي كِرَا نْ تَسَاسْتِ إِكْوْتِنْ أَجُونْ إِلِي زُونْدْ نِسْ غُمْنِ إِسْ إِزُورْ نْ دُونِيتْ أَرْ  
 غَلَادْ، أَلَا رَأْ سُولْ نَتِي. ٢٢ مَلَادْ إِسْ أُورْ إِزِيَكْرُولْ رَبِّي أُسَانْ أَنْ أُورَا إِنْجَمْ حَتَّا يَانْ. وَلَايْنِي  
 وَلِي يِسْتِي أَفْ إِزِيَكْرُولْ أُسَانْ أَنْ. ٢٣ تِزِي يَانْ، إِغْ أَوْنْ إِنَا كِرَا نْ يَانْ: هَا لَمَسِيَخْ غِيدْ! نَغْدَ:  
 هَتِينْ غَيْنِ! أَتْ أُورْ تَامِنْ. ٢٤ أَشْكُو رَادْ أَشْكِنْ إِذْ لَمَسِيَخْ نْ ثُورْ دْ لَانِيَا نْ ثُورْ أَرْ سَكَارْنْ  
 لَمَعْجِزَاتْ مَقْوِرْنِينْ دْ لَعْجَابِ، إِغْ أَفَانْ أَدْ جَلُونْ حَتَّا وَلِي يِسْتِي رَبِّي. ٢٥ هَيْ زُورْخْ إِسْ كِنْ  
 عَلْمَخْ. ٢٦ إِغْ أَوْنْ نَانْ هَانْ لَمَسِيَخْ غْ لَخْلَا! أَدَّ أُورْ تَقْوَغْمْ. نَغْدَ هَتِي إِحْصَا غْ إِحْوَنَا! أَتَنْ أُورْ  
 تَامِنْ. ٢٧ أَشْكُو غُمْكِلِيَدْ كَاتِنْ لَسْمَانْ غْ لَقْبَلْتْ أَرْنْ سُوقُونْ غْ تَكْوَتْ، أَرَايِكْ يِوسْ نْ أَفْكَانْ  
 إِغْدْ يِورِي أَلَا نَتَانْ. ٢٨ هَانْ إِنَّا غْ إِلَا مَضْرُوسْ أَغَانْ تَمُونْ إِكَادِرْنْ.

٢٩ تِزِي يَانْ نِيتْ إِغْ تُزْرِي تَسَاسْتِ نْ أُسَانْ أَنْ، تَقُوكْ رَأْ تَلَاسْ، أَيُورْ أُورْ سُولْ رَأِيَا  
 تَقَلَّوْتْ نِسْ، إِتَرَانْ رَادْ طَارْنْ غْ إِكْنَوَانْ، أَرْ تِيَّاْنْ إِكْنَوَانْ أَلَا لَجْهَدْ لِي گِيسْنْ إِلَّا.  
 غَكُودَانْ أَرَادْ إِلَّا تِبَاعِنْ تَمَتَّارْتْ نْ يِوسْ نْ أَفْكَانْ غْ إِكْنَوَانْ. أَرْ كُلُو سَغِيُونْتْ تَقْبِيلِنْ نْ وَكَالْ،  
 أَرْ تَتَّاِنْ يِوسْ نْ أَفْكَانْ يُوشْكَادْ فْ أَمْدُلُو نْ إِكْنَوَانْ سْ لَجْهَدْ دْ لَمَجْدْ إِكْوْتِنْ. ٣١ إِصَافِضْ إِلَّا  
 لَمَلَايِكَا نِسْ أَدَّ سَمُونْ سْ لَحْسْ نْ نَفَارْ مَقْوِرْنْ وَلِي گِينْ وَيِنْسْ غْ كُورْتْ تَسْكِيَوْ لِيدْ إِتَكَا  
 وَضُو. غُمْنِ تَمِي نْ دُونِيتْ أَرْ تَمِي. ٣٢ لَمْدَاتْ لَمْعَنَا أَدَّ غْ تَزَارْتْ: لُوقَتْ نَاغْ بَزْكِنْ إِزْقَارْ  
 نِسْ تَسْوُفْغَدْ إِفْرَأَوْنْ أَرْ تَسَانْ صَيْفْ إِسْدْ يَاْزْ. ٣٣ غُمْكَانْ دْ كِنْيِي كُودْ نَا كُلُو تُزَرَّامْ مِيَادْ، تِسَانْمْ  
 إِسْدْ يَاْزْ، يِلِيدْ فْ إِمَاوَنْ! ٣٤ لَحَقْ أَدَأَوْنْ تَتِيَخْ: أُورَا تُزَرِّي تَسُوتْ أَدَأَرْدْ كُلُو يِلي مِيَادْ. ٣٥ رَادْ  
 لَاحْ إِكْنَوَانْ أَلَا أَكَالْ، وَلَايْنِي أَوَالْ إِنُو أُورْ سَارْتْ لَاحْ.

٣٦ أَسَانْ دْ تَسَاعِتْ أَنْ، هَانْ أُورِتِنْ إِسْنْ يَانْ، أَلَا سَنْتَنْ لَمَلَايِكَا نْ إِكْنَوَانْ، أَبْلَا بَابَا وَحْدَوْتْ.  
 ٣٧ غُمْكِلِي يِكَانْ لَحَالْ غْ أَسَانْ نْ نُوحْ، غُمْكَانْ أَرَايِكْ لَحَالْ إِغْدْ يِورِي يِوسْ نْ أَفْكَانْ.

أشكُو لِيغْ تَأْورِ إِلَيْ طُوفَانْ، أَرْ شَتَّانْ مَدَنْ أَرْ سَانْ أَرْ تَتَهَالِنْ، أَرْ أَسْ لِيغْ إِكْشِمْ نُوْحْ سْفِينْتْ، <sup>39</sup> أُورْنْ أَكْ لِيْنْ دْ يَاتْ أَيْلِيغْدْ يُوشْكَا طُوفَانْ يَسِيْتْنْ كُلُّو، غُمْكَانْ أَرَا دَاخْ إِجْرُو إِغْدْ يُوضَأْ يوْسْ نْ أَفْكَانْ. <sup>40</sup> غُوكَدانْ رَادْ إِلِينْ سِيْنْ غْ يَانْ إِكْرْ، إِتِيَّاِيْ يَانْ كِيتْسْنْ إِغَما وَيَاضْ. <sup>41</sup> رَادْ زَأْضَنْتْ سَنَاتْ غْ يَانْ أُورْزَرْكْ، تِيَّاِيْ يَاتْ تَغَمَا تَيَاضْ.

<sup>42</sup> هيَ أَوْزَاتْ، أَشَكُو أُورْ تَسِنْ مَانْ أَزْمُزْ أَرَادْ يَضُو سِيدِيْتُونْ. <sup>43</sup> إِسَنَاتْ مَيَادْ: هَانْ مَلَادْ إِسْ إِسَنْ بَابْ نْ تِكْمِي مَانْ لُوقَتْ غْ ضِيَّيِضْ أَرَادْ سِرْسْ يَاشْكَ أَمْخَارْ، سْ يَوْزْ أُورَأْ يَاجْ تِكْمِي نْسْ أَدَاسْ تِيكَارْ. <sup>44</sup> غُمْكَانْ دْ كِنْيِي حِيَلَاتْ، أَشَكُو تَسَاعَتْ لِيْنْ أُورْ تَامْ أَغْ رَادْ يَاشْكَ يوْسْ نْ أَفْكَانْ!

<sup>45</sup> مَتَّا إِسْمَكْ أَنْ غْ إِلَّا لَامَانْ إِطَافْ لَعْقَلْ إِلْفَتْ سِيدِيْسْ فْ إِسْمَكَانْ نَسْ أَرْ أَسَنْدْ يَكَا مَادْ شَتَّانْ غْ لُوقَتْ نَسْ؟ <sup>46</sup> أَمْبَارْكِيْيِي إِسْمَكْ أَنْ لِيْدْ إِنَّفَا سِيدِيْسْ إِغْدْ يُوشْكَا إِسَلَا تَوُورِي نَسْ. <sup>47</sup> لَحَقْ أَدَاوَنْ تَتِيَخْ: أَيَّدَا نَسْ كُلُوتْ أَفْ رَاتْ إِكْ. <sup>48</sup> وَلَايْنِي إِغْ إِكَا كَارْ إِسْمَكْ يِنِي دْ إِخْفْ نَسْ: سِيدِيْ رَانْ إِمَاطْلْ! <sup>49</sup> إِنْكُرْ أَرْ إِكَاتْ إِسْمَكَانْ لِي كِنِينْ إِسْمُونْ نَسْ أَرْ إِشْتَا أَرْ إِسَّا دْ إِسْكِيرِيْنْ. <sup>50</sup> رَادْ يَضُو سِيدِيْسْ نْ إِسْمَكْ أَنْ غْ يَانْ وَاسْ لِيغْ تِينْ أُورْ إِتَامْ، دْ يَاتْ تَسَاعَتْ لِيْنْ أُورْ إِسَنْ، <sup>51</sup> إِسْرُفُونْتْ بَهْرَا. إِكْنْ تَصْغَارْتْ نَسْ دَارْ لَمُونَفِقِيْنْ. غِينْ أَغْ رَادْ إِلِينْ إِمْطَاؤْنْ دْ إِسْقِجِيْنْ نْ أَخْسَانْ.

25

## إِفْرِ وِيسْ عَشْرِينْ دْ سَمُوسْ

<sup>1</sup> تِرِي يَانْ رَاتِكْ ثُكْلَدِيْتْ نْ إِكْنَوَانْ زُونْدْ مَرَأَوْتْ تَعْيَيِنْ لِيْدْ فَغْنِينْ أَسِينْدْ لَقَنَادِلْ نَسْنَتْ أَنْ لَمُقْوَرْنَتْ دْ أَسْلِي. <sup>2</sup> سَمُوسْ كِيْسْنَتْ طَافَنْتْ لَعْقَلْ، سَمُوسْنَتْ أُورْتْ طَافَنْتْ. <sup>3</sup> تِلِي أُورْ لِينِنْ لَعْقَلْ أَسِينْدْ لَقَنَادِلْ نَسْنَتْ وَلَايْنِي أُورْدْ دِيدِسْنَتْ أَسِينْتْ زِيْتْ، <sup>4</sup> تِلِي لَانِينْ لَعْقَلْ أَسِينْدْ دِيدِسْنَتْ زِيْتْ غْ إِفْشَكَانْ نَسْنَتْ، أَسِينْدْ دِيدِسْنَتْ لَقَنَادِلْ نَسْنَتْ <sup>5</sup> سْ لِيغْنْ إِمَاطْلْ أَسْلِي، يَغْتَتْ إِضْصَنْ، كِنْتْ كُلُو طَاسِنْتْ. <sup>6</sup> تُرُومِينْ نْ ضِيَّيِضْ يِلِي يَانْ لُبْرِيَخْ أَرْ إِتِيْ: هَا أَسْلِي إِكَادْ أَغْرَاسْ، فَغَامَدْ أَتِيْنْ تَلْمُقْرْمَتْ! <sup>7</sup> نَكْرَنْتْ كُلُو تَعْيَيِنْ لِيْ أَرْ تَيُوجِدِنْتْ لَقَنَادِلْ نَسْنَتْ. <sup>8</sup> نَانْتْ أَسْ تِلِي

أُورْ لِينْ لَعْقَلْ إِلْتِيْتْ لَانِينْ: فَكَامْتْ أَخْدِ إِمِيكْ غُرْزِيتْ نَّا دَرُونْتْ إِلَانْ، أَشْكُو لَقَنَادْلْ نَخْ أَرَاخْ نُسَانْ.<sup>9</sup> وَاجْبَنْتْ أَسْنَدْ تِلِي لَانِينْ لَعْقَلْ نَانْتْ أَسْنَتْ: مُحَالْ إِسْ كُلُو رَايْخْ تِوْدُو خَتَادْ. زَيْدَمْتْ دَارْ وَلِيلْ زَنْزَيِنْ تَسْغُمْتْ سَتِيدْ دَارْسْنْ.<sup>10</sup> لَيْغْ دَانْتْ خَتَلِي أَدْ سَغْنَتْ زَيْتْ، سَدْ يُوشَكَا أُسْلِي كَشْمَنْتْ دِيدْسْ تِلِي حَلَّيِنْ سَنْ دَارْ تَمْغَرَا، تَقْنَدْ تَقْلُوتْ.<sup>11</sup> إِسْ إِكْرَا أَشْكَنْدْ تَعْلَيِنْ لِينْ عَمَنِينْ أَلَا نَتْتَيْ أَرْ أَفْرَانْتْ: وَاسِيدِي، وَاسِيدِي، رَزْمْ أَخْنْ!<sup>12</sup> إِوْجَبْ أَسْنَدْ أُسْلِي: لَحَقْ أَدَاؤْنَتْ تَتِيخْ نَكِينْ هَانْ أُورْ كَنْتْ سَنْخْ.<sup>13</sup> هَيْ أَوْوَرَاتْ، أَشْكُو أُورْ تَسْنَمْ أَسْ أَلَا تَسَاعْتْ لَيْغْ رَادْ يَاشْكِ يَوْسْ نْ أَفْكَانْ.<sup>14</sup>

رُونْدْ أَكَانْ يَانْ أَرْكَازْ إِرَا يِمُودُو، إِغْرْ إِيْسْمَكَانْ نَسْ إِفْلْ أَسْنَ إِيْدَا نَسْ غُرْ إِفَاسْنْ نَسْنَ، إِفْكِ إِيَّانْ كِيْتِسْنْ سَمُوسْتْ لَوْزَنَاتْ نْ وُورْغْ، إِفْكِ إِوْيَاضْ سَنَاتْ، إِفْكِ إِوْيَاضْ يَضْنِينْ يَاتْ، كُرِيَكَاتْ يَانْ دَأَيْلِي مِإِرْضَارْ. إِنْكِرْ إِلْمَا إِمُودُو.<sup>15</sup> إِدُو وَلِي مِيْفَكَا سَمُوسْتْ لَوْزَنَاتْ نْ وُورْغْ، إِزْنِزْ إِسْغْ سَرْسْنَتْ، يَوِيدْ صَحَا نْ سَمُوسْتْ يَضْنِينْ فَأَفْلَا.<sup>16</sup> غَمْكَانْ دَوَلِي يُومَزْنْ سَنَاتْ لَوْزَنَاتْ أَلَا نَتَانْ، إِسْكَرْ صَحَا نْ سَنَاتْ يَضْنِينْ.<sup>17</sup> وَلَانِينْ وَلِي يُومَزْنْ يَاتْ، إِدَا إِغْرْ غُوكَالْ إِمْضِلْنْ كِيسْ لَمَالْ نْ سِيدِيسْ.<sup>18</sup> زَرِينْ إِسْكَاسْنْ، هَادْ سِيدِيسْ نْ إِسْمَكَانْ لِي يُوضَادْ إِنْحِسِيبْ دِيدْسْنْ.<sup>19</sup> يَاشْكِدْ وَلِي يُومَزْنْ سَمُوسْتْ لَوْزَنَاتْ نْ وُورْغْ، يَوِيدْ سَمُوسْتْ لَوْزَنَاتْ يَضْنِينْ، إِنَّايسْ: هَا سَمُوسْتْ لَوْزَنَاتْ لِي تَقْكِيتْ أَسِيدِي، هَا سَمُوسْتْ يَضْنِينْ لِي صَحَنِينْ فَأَفْلَا نَسْنَتْ.<sup>20</sup> إِنَّايسْ سِيدِيسْ: إِفُولْكِي كِيكْ غُونْشَكَادْ أَيْسِمْكْ إِصْلَحْنْ غُرْ إِلَا لَامَانْ! إِلَا كِيكْ لَامَانْ غُمَايِدْرُو سَنْ، غَلَادْ رَاكْ سَرْسْخْ فَمَايِكُوتْنْ. زَائِدْ كَشْمْ سَنْ لَفْرَخْ نْ سِيدِيكْ!<sup>21</sup> يَاشْكِدْ وَلِي يُومَزْنْ سَنَاتْ لَوْزَنَاتْ نْ وُورْغْ أَلَا نَتَانْ إِنَّايسْ: سَنَاتْ لَوْزَنَاتْ أَيْ تَقْكِيتْ أَسِيدِي، هَا سَنَاتْ يَضْنِينْ صَحَنِتِي فَأَفْلَا!<sup>22</sup> إِنَّايسْ سِيدِيسْ: إِفُولْكِي كِيكْ غُونْشَكَادْ أَيْسِمْكْ إِصْلَحْنْ غُرْ إِلَا لَامَانْ! إِلَا كِيكْ لَامَانْ غُمَايِدْرُو سَنْ، غَلَادْ رَاكْ سَرْسْخْ فَمَايِكُوتْنْ. زَائِدْ كَشْمْ سَنْ لَفْرَخْ نْ سِيدِيكْ!<sup>23</sup> يَاشْكِدْ إِلْمَا وَلِي مِإِفْكَا يَاتْ لَوْزَنَتْ إِنَّايسْ: سَنْخْ أَسِيدِي إِسْ تَكِيتْ يَانْ أَرْكَازْ إِشَقَانْ، أَرْ تَمْكَرْتْ غَلِيغَنْ أُورْ تَكْرَزْتْ، أَرْ تَسْمُونْتْ غَلِيغَنْ أُورْ تَلُوْحَتْ أَمُودْ.<sup>24</sup> إِكْصَاصْخْ دُوْخْ حَضُوْخَنْ لَوْزَنَتْ نَكْ غُرْ دُوْ وَكَالْ. غَلَادْ هَا إِيْدَا نَكْ!<sup>25</sup> إِوْجَبْ سِيدِيسْ إِنَّايسْ: يَاكْ أَكَارْ إِسْمَكْ إِخُويَنْ، تَسْنَتْ إِسْ أَمْكَرْخْ غُرْ إِنَّا غُرْ أُورْ لَوْحْ أَمُودْ،<sup>26</sup> إِسْمَكْ إِخُويَنْ، تَسْنَتْ إِسْ أَمْكَرْخْ غُرْ إِنَّا غُرْ أُورْ كَرْزَخْ، أَرْ سَمُونْخْ غُرْ إِنَّا غُرْ أُورْ لَوْحْ أَمُودْ،<sup>27</sup>

إِلَّا فِلَّاكْ أَنْ تُكْتَ لُوزْنَتْ إِنُو دَارْ إِدْ بُو صَرْفْ، لُوقَتْ نَادْ أُشْكِيْخْ أَسِيْخْ أَلِيْ يِكَانْ وَنُو سُمُونْخْ سُولْ دِيدِسْ صَحَا؟<sup>28</sup> هِيَ كَسَاتْ أَسْ لُوزْنَتْ نَادْ دَارْسْ، تَقْكِمَتْ إِوْلَيِ دَارْ مَرَاوَتْ لُوزْنَاتْ.<sup>29</sup> أَشْكُوْ كُولْ مَا دَارْ إِلَّا كَرَا، رَأِيْسْ إِتْفَكْ أَكَارْ. وَنَا دَارْ أُورْ إِلَيِ يَاتْ، أَلِيْ نِيتْ دَارْسْ إِلَآنْ أَرِيْسْ إِتِيُوكَاسْ.<sup>30</sup> أَمَّا إِسْمَكْ أَدْ غْ أُورْ نَتْلِي لَفَايَتْ، لُوهَتِينْ غْ تِلَاسْ نْ بَرَا، غِينْ أَغْ رَادْ إِلِينْ إِمْطَاؤْنْ دِ إِسْقَجِيْنْ نِ أَخْسَانْ.

<sup>31</sup> لُوقَتْ نَادْ يُوشَكَا يِوسْ نِ أَفْكَانْ غْ لَمَجْدُ نِسْ مُونْدْ كُلو دِيدِسْ لَمَلَائِكَا تِيُوقَدَسْنِينْ، تِرِي يَانْ أَرَا إِكِيُورْ فِ لَعْرُشْ نِ لَمَجْدُ نِسْ.<sup>32</sup> مُونْدْ كُلو مَدَنْ غْ لَكْدَامْ نِسْ، أَرْ إِزْلَايِ كَرَا غْ كَرَا غْمُكْلِي إِزْلَايِ أَمْكِسَا أَهْرُويِ غْ وَغَاضْ. <sup>33</sup> إِكْ إِهْرَايِ غْ أَفَاسِيِ نِسْ، إِكْ أَغَاضْنْ غْ أَزْلَمَاضْ نِسْ.<sup>34</sup> رَادْ إِلِمَا إِسَاوَلْ أَكْلِيدْ سِ وَلِي لَانِينْ غْ أَفَاسِيِ نِسْ يِنِي يَاسِنْ: أَشْكَادْ أَيمِبَارْكِينْ نِ بَابَا، كُوسُوَيَاتْ تَكَلْدِيَتْ لِي يَاوْنْ يُوجَادْ غَمْنْ لِيغْ إِخْلَقْ دُونِيتْ.<sup>35</sup> أَشْكُوْ يِغِيْ لَازْ تَقْكِمِيْ أَدْ شَخْ. يِغِيْ إِرْفِي تَقْكِمِيْ أَدْ سُوْخْ، كِيْخْ إِمْزِي تَسْكُشْمِيْ سِ تَكْمِيْ نُونْ.<sup>36</sup> أُورْ لَسِيْخْ يَاتْ تَسْلَسِمِيْ. أَضْنَخْ تَكَمْدْ دَرِي. إِلِيْخَنْ غْ لَحْبِسْ تَكَمِيْنْ سِرِي.<sup>37</sup> غَكُودَانْ رَادَسْ وَاجْبِنْ وَلِي فِ إِرْضَا رَبِّي: مَانْ لُوقَتْ أَسِيْدِي أَكْ نَزْرَأْ يَاغُكْ لَازْ نَفَكْ أَكْ أَتْشَتْ، نَغْدَ يَاغُكْ فَادْ نَفَكْ أَكْ أَتْسُوتْ?<sup>38</sup> مَانْ لُوقَتْ أَكْ نَزْرَأْ تَكِيْتْ إِمْزِي نَسْكُشْمِكْ سِ تَكْمَا نَخْ، نَغْدَ أُورْ تَلْسِيْتْ يَاتْ نَسْلَسِكْ?<sup>39</sup> دِ مَانْ لُوقَتْ أَكْ نَزْرَأْ تُوضِنْتْ نَغْدَ تِلِيْتْ غْ لَحْبِسْ نَاكَنْ سِرْكِ?<sup>40</sup> إِوْاجْبْ أَسْنَدْ إِلِمَا أَكْلِيدْ لِي يِنِي يَاسِنْ: لَحَقْ أَدَاوَنْ تَتِيْخْ: كُولْ مَاتِسْكِرْمْ غْ كَرَا نِ يَانْ غْ أَيْتِمَا أَدْ مَرْيِنِينْ، هَانْ نَكِينْ أَغْتْ تَسْكِرْم!

<sup>41</sup> إِسَاوَلْ دَاخْ سِ وَلِي نِ أَزْلَمَاضْ نِسْ يِنِي أَسْنْ: إِتِيَاتْنْ كِيْكِيْ أَوْلِي فِدْ تَكُوزْ لَعْنَتْ سِ لَعْقِيْتْ إِداوْمَنْ لِي يِتْسِكْرِنْ فِ إِيلِيسْ دِ لَمَلَائِكَا نِسْ،<sup>42</sup> أَشْكُوْ يِغِيْ لَازْ أُورْ إِيْ تَفْكِيمْ أَدْ شَخْ. يِغِيْ فَادْ أُورْ إِيْ تَفْكِيمْ أَدْ سُوْخْ.<sup>43</sup> كِيْخْ إِمْزِي أُورْ إِيْ تَسْكُشْمِ سِ تَكْمَا نَوْنْ. أُورْ لَسِيْخْ يَاتْ أُورِيْ تَسْلَسِمِيْ. أَضْنَخْ إِلِيْخَنْ غْ لَحْبِسْ أُورْ دَرِي تَكِيمْ.<sup>44</sup> غَكُودَانْ رَادْ أَسْدْ وَاجْبِنْ أَلَا نَتِيْ إِنِينْ أَسْ: مَانْ لُوقَتْ أَسِيْدِي أَكْ نَزْرَأْ يَاغُكْ لَازْ نَغْدَ إِرْفِي نَغْدَ تَكِيْتْ أَغْرِيْبْ نَغْدَ أُورْ تَلْسِيْتْ نَغْدَ تُوضِنْتْ نَغْدَ تِلِيْتْ غْ لَحْبِسْ أُورْكِ نَصْنِيْضَفْ?<sup>45</sup> رَادْ إِسَاوَلْ يِنِي أَسْنْ: لَحَقْ أَدَاوَنْ تَتِيْخْ:

لِيْغْ اُورْ تْسَكْرِمْ مِيَادْ غْ غُوِيدْ مُثِينِينْ، هَانْ نُكِينْ أَغْتْ أُورْ تْسَكْرِمْ. <sup>46</sup> دُونْ إِلْمَا غُوِيدْ سْ لِعَقَابْ إِدُوْمَنْ، دُونْ وِليْ فْ إِرْضَا رَبِّي سْ تُودْرْتْ إِدُوْمَنْ».

26

### إِفْرِ وِيسْ عُشْرِينْ دْ سْضِيَصْ

<sup>1</sup> لِيْغْ إِلْمَا كُلو إِكْمَلْ يَسُوعْ إِولِبُونْ أَدْ، إِسَاوْلْ سْ إِمْحَضَارْنْ نَسْ إِنَايِسْنْ: <sup>2</sup> «تْسَنْمْ إِغْ زَرِينْ سِينْ أَسَانْ إِسْ رَا إِلْكَمْ لِعِيدْ نْ نَجَا لِيْغْ رَا إِنِيمَازْ يَوْسْ نْ أَفْكَانْ أَيْتِيُوْصَلَابْ».

<sup>3</sup> غَكُودَانْ نِيتْ أَنْ مُونْ إِرِيَاسْنْ نْ إِنْبَدَادْنْ ذْ إِسْلَمَادَنْ نْ شَرْغْ ذْ إِمْغَارْنْ نْ تَمَزِرْتْ غْ تَكْمِيْ نْ أَرِيَاسْ نْ إِنْبَدَادْنْ لِيْ يِكَانْ سْ إِسْمْ قِيَاْفَا، <sup>4</sup> مُشَوَّارْنْ كَرَاتْسْنْ أَدْ غَضْرْنْ يَسُوعْ أَمْزِنْتْ نَغَنْتْ. <sup>5</sup> وَلَائِنِي نَانْ: «أُورَاتْ نَامْرْ غْ لِعِيدْ، أَدْ أُورْ سَنَكْرْنْ مَدَنْ ژَازْ!».

<sup>6</sup> لِيْغْ إِلَّا يَسُوعْ غْ لِمُوضَعْ نْ بَيْتْ عَنِيَا غْ تَكْمِيْ نْ سَمْعَانْ أَنْجَدَامْ، <sup>7</sup> تَاشْكَدْ دَارْسْ يَاتْ تَمَغَرْتْ تَوَيِنْ يَاتْ تَكْدُوتْ نْ تُوجُوتْ بَهْرَا إِغْلَانْ، تَفِيَيِّدْ فْ إِخْفْ نْ يَسُوعْ نَنَانْ إِكَاوْرْ نِيتْ أَيْشَتَا. <sup>8</sup> لِيْغْ ژَرَانْ إِمْحَضَارْنْ نَسْ مِيَادْ تَطِيَّيرْ أَسْنْ أَرِتِنِيْنْ: «مَاخْ أَيْلِيْغْ أَكَا تَصْخَسَارْ خَتَادْ؟ <sup>9</sup> مَلَادْ إِسْ كَا تَنْزَا تُوجُوتْ أَدْ سْ إِقْرِيَضْنْ كُوتِنِيْنْ تَقْكَنْ إِدَرَاوْشْ». <sup>10</sup> يِسَانْ يَسُوعْ فْ مِيَانْ، إِنَايِسْنْ: «مَاخْ أَتَهُولْمْ تَمَغَرْتْ؟ هَانْ أَفُولْكِي أَكِيَگِي تْسَكْرْ! <sup>11</sup> دَرَاوْشْ هَتِي لَانْ بَدَا دِيدُونْ، وَلَائِنِي نِكِيْ أُورْ بَدَا دِيدُونْ لِيْخْ. <sup>12</sup> نَنَاتْ تَفِيَدْ تُوجُوتْ أَدْ فْ دَاتْ إِنُو، أَسْتْ تِيُوْجَادْ إِتْمَضْلَتْ. <sup>13</sup> لَحَقْ أَدَأْوَنْ تَتِيَخْ: إِنَّاغْ إِتِيُوبَدَارْ وَوَالْ نْ لِنجِيلْ غْ دُونِيَتْ كُلُوتْ، رَا گِيَسْ إِتِيُوبَدَارْ أَيْلِيْ تْسَكْرْ تَمَغَرْتْ أَدْ أَلَا نَنَاتْ، أَرْ تِيدْ سَرْسْ تَكْتَائِنْ مَدَنْ».

<sup>14</sup> تِزِي يَانْ أَيْدَا يَانْ غْ سِينْ دْ مَرَاوْ نْ إِمْحَضَارْنْ لِيْ، أَتْ إِكَانْ دْ وِليْ مِ تَتِيَنْ يَهُوذَا لِسْخَرْيُوطْ سْ دَارْ إِرِيَاسْنْ نْ إِنْبَدَادْنْ. <sup>15</sup> إِنَايِسْنْ: «مَارَايْ نَقْكِمْ أَدَأْوَنْ زَنْزَخْ يَسُوعْ؟» فَكِنْ أَسْ عُشْرِينْ دْ مَرَاوْتْ نْ تَرِيَالْتْ نْ نَقْرَتْ. <sup>16</sup> غَمْنْ غَكُودَانْ أَدْ أَكَانْ إِسِكِيلْ يَهُوذَا أَزْمَرْ أَدْ أَسْنَتْ گِيَسْ إِرْنَزْ.

<sup>17</sup> أَسْ إِزْوُورْنْ غْ أَسَانْ نْ لِعِيدْ نْ أَرْخُصِيَصْ، أُشْكِنْدْ إِمْحَضَارْنْ دَارْ يَسُوعْ نَانْ أَسْ: «مَنِي تَرِيَتْ أَدْ أَكْنْ گِيَسْ نِيُوْجَادْ إِمْسِيْ نْ لِعِيدْ نْ نَجَا؟» <sup>18</sup> إِنَايِسْنْ: «زَيَدَاتْ سْ تَمْدِينْ دَارْ فَلَانْ

تَنِيمُ أَسْ: إِنَّا يَكُونُ سِيدِي هَتِي لُوقَتْ إِنُو تَقْرِبَدْ. هَانَ دَارِكْ أَغْ رَادْ زَرِيخْ لَعِيدْ نَنجَا نُكَيْ دَإِمْحَضَارْنْ إِنُو». <sup>19</sup> سُكْرَنْ إِمْحَضَارْنْ لَيْ أَيْلِي سَاسْنْ إِنَا يَسُوعْ إِوْجَادْنْ إِمْنَسِي نَلْعِيدْ نَنْجَا.

<sup>20</sup> تَدَكَّاتْ، إِكَالْوَرْ يَسُوعْ أَيْشَتَنْ نَتَانْ دَسِينْ دَمْرَاوْ لَيْ. <sup>21</sup> لِيغْ أَشْتَانْ إِنَّا يَسِينْ: «لَحَقْ أَدَأْوَنْ تَتِيخْ، هَانَ يَانَ كِيُونْ رَايِ إِزْنَزْ». <sup>22</sup> إِغْمَا بَهْرَا كِيسْنْ لَحَالْ، نَكْرَنْ أَرْتْ سَقَسَانْ يَانَ سَيَانْ، أَرْ أَسْ تَتِينْ: «إِزْدْ نَكِينْ أَسِيدِي؟» <sup>23</sup> إِوْاجْبَدْ إِنَّا يَسِينْ: «وَلَيْلَيْنْ دِيدِي يُكَانْ أَفُوسْ نَسْ أَرْ دِيدِي إِسْسُطُوصْ غْ أَرْكُو أَدْ أَرْ رَايِ إِزْنَزْ! <sup>24</sup> يَوْسْ نَ أَفْكَانْ إِقَانْدْ أَيْمَتْ غَمْكَلِي فَلَاسْ إِتَّيُورَانْ غْ وَرَاتْنْ نَ رَبِّي. وَلَائِنِي تَجْرَا غْ وَلَيْ رَا إِزْنَزْ يَوْسْ نَ أَفْكَانْ. يُوفْ أَسْ مَلَادْ إِسْدْ أَكْ أُورْ إِولْ!» <sup>25</sup> إِسَاؤْلَدْ يَهُوذَا لَيْ رَاتْ إِزْنَزْ إِنَّا يَسِينْ: «إِزْدْ نَكِينْ أَسِيدِي؟» إِوْاجْبَدْ يَسُوعْ إِنَّا يَسِينْ: «غَمْكَلِي سَنْ تَتِيتْ».

<sup>26</sup> أَرْ نِيتْ شَتَانْ، يَسِيدْ يَسُوعْ أَغْرُومْ إِشْكَرْ فَلَاسْ رَبِّي إِيْضُوتْ إِفْكَتْ إِيمْحَضَارْنْ نَسْ، إِنَّا يَسِينْ: «أَمْثَاتْ، شَاتْ، غُواْدْ أَيْكَانْ دَاتْ إِنُو!» <sup>27</sup> يَسِيدْ لَكَاسْ إِشْكَرْ فَلَاسْ إِفْكَنْ أَسْنَتْ إِنَّا يَسِينْ: «سُويَاتْنْ كُلُو كِيسْ، <sup>28</sup> أَشْكُو غُويْدْ أَيْكَانْ إِدَامَنْ إِنُو لَيْ كِينْ وَبَنْ لَعَهْدْ لَجَدِيدْ، إِدَامَنْ لَيْ رَايِنَغْ فْ سَبَّتْ نَ كِيَكَانْ دَمْدَنْ فَادْ تَغْرِفْنْ دَنُوبْ نَسْنْ. <sup>29</sup> أَرَاوَنْ تَتِيخْ: غَمْنْ غَلَادْ أُورَأْ سُولْ سُوْخْ غْ لَغْلَتْ نَ وَصِيلْ أَرْ غَسَانْ لِيغْ رَادْ دِيدُونْ سُوْخْ تِينْ لَجَدِيدْ غْ تَكْلِيدِيتْ نَ بَابَا». <sup>30</sup> أَرْ تَزْرِيرْنْ أَرْ تَالْغَنْ رَبِّي، حَمْدَنْ أَسْ، فَغَنْدْ سَنْ أُورِيرْ نَ تَرِيَنْ.

<sup>31</sup> غَكُودَانَ أَدَاسْنْ إِنَا يَسُوعْ: «ضَيْبِيَضْ أَدْ رَايِ كُلُو نَقْلَمْ. أَشْكُو إِتَّيُورَأْ: رَادْ أُوتْخْ أَمْكَسَا تَمَرْزْ تُورُوتْ نَ وُولِي. <sup>32</sup> وَلَائِنِي إِغْدْ نَكْرَخْ رَا كِينْ زَوْرَخْ سَلْجَيلْ». <sup>33</sup> إِسَاؤْلَدْ بُطْرُسْ إِنَّا يَسِينْ: «إِاغْكْ كُلُو فَلَنْ مَدَنْ نَكِي هَانَ أُورْ سَارِكْ فَلَخْ!» <sup>34</sup> إِنَّا يَسِينْ يَسُوعْ: «لَحَقْ أَدَكْ تَتِيخْ: هَانَ ضَيْبِيَضْ أَدْ سُولْ إِغْتَا أُورْ إِسَاؤْلَدْ أَفُولُوسْ، رَايِ تَتَّاكرْتْ كَرَاطْ تَوَالْ!» <sup>35</sup> إِنَّا يَسِينْ بُطْرُسْ: «مَقَارْ إِيْبِدْ إِقَانْ أَدِيدَكْ مَتْخْ، أُورَأَكْ نَاكْرَخْ!» غَمْكَانْ أَسَاسْ كُلُو نَانْ إِمْحَضَارْنْ نَسْ. <sup>36</sup> تَرِي يَانَ أَيْمُونْ يَسُوعْ دَإِمْحَضَارْنْ نَسْ سَيَانْ إِكْرَأْ أَرْ أَسْ تَتِينْ جَشِيمَانِي، إِنَّا يَسِينْ: «كَوْرَاتْ غَيْدْ هَيْ دَيْخْ سَغِينْ أَكِيسْ رَالَخْ». <sup>37</sup> إِمُونْ دَبُطْرُسْ دَسِينْ تَرَوَانْ زَبَدِي، إِمِيكْ سَإِحْزَنْ إِخْصَرْ لَخَاطِرْ نَسْ. <sup>38</sup> إِنَّا يَسِينْ: «إِحْزَنْ بَهْرَا وُولْ إِنُو أَرْ لَمُوتْ. كَوْرَاتْ غَيْدْ

تَوْوُزْمْ دِيدِي». <sup>39</sup> إِمْتَنْ كِيسْنْ يَانْ إِمِيكْ، إِسْجَدْنْ فْ وَكَالْ أَرْ إِطْرَلَّا أَرْ إِتِّي: «وَأَبَابَا إِغْ تُوفِيتْ أَنْ فَلِي تَسْتِيتْ لَكَاسْ أَدْ نْ إِنْكَارْنْ، وَلَائِنِي أَيْلِي أَيْلِي تَرِيتْ أُورْدْ أَيْلِي رِيخ!» <sup>40</sup> يُورِيدْ دَارْ إِمْحَضَارْنْ لِي يَفْتَنْدْ كَنْ، إِنَّايسْ إِبْطَرْسْ: «هَيْ أُورْ تَرْضَارْمْ أَدِيدِي تَوْوُزْمْ حَتَّا يَاتْ تَسَاعْتْ؟ <sup>41</sup> أَوْزَاتْ أَرْطَرْلَامْ أَدْ أُورْ تَكْشَمْ إِتَسَاسْتْ. هَتِي رُوحْ أَرْ إِتِّي أَفُولْكِي، وَلَائِنِي دَاتْ تَضْعَافْ». <sup>42</sup> إِدُو دَاخْ تِيسْ سَنَاتْ تَوَالْ أَرْ إِطْرَلَّا يِينِي: «وَأَبَابَا، إِغْ أُورْ تُوفِيتْ أَنْ فَلِي تَسْتِيتْ لَكَاسْ أَدْ أَبْلَا إِغْتْ سَوِيْخْ، أَيْلِي أَيْلِي تَرِيتْ!» <sup>43</sup> يَضُودْ دَارْسْنْ يَفْتَنْدْ دَاخْ كَنْ، أَشْكُو قَنْتْ وَالَّنْ نَسْنْ سْ إِضْصَنْ. <sup>44</sup> إِفْلَتْنْ إِدُو دَاخْ أَرْ إِطْرَلَّا تِيسْ كَرَاطْ تَوَالْ، يَالْسْ إِوْالْ لِي وَلِي. <sup>45</sup> يُورِيدْ سْ دَارْ إِمْحَضَارْنْ نَسْ، إِنَّايسْنْ: «غَلَادْ كَنَاتْ تَسُونْفُومْ! هَا تَسَاعْتْ تَقْرَبْدْ، يَوْسْ نْ أُفْكَانْ رَا إِتِّيمَازْ سْ كَرْ إِفَاسْنْ نْ إِمْعَصِينْ. <sup>46</sup> نِكْرَاتْ أَنْدُو! هَانْ وَلِي رَايِّ إِرْتِنْ إِكَادْ أَغْرَاسْ!».

أَرْ نِيتْ سُولْ إِسْوَالْ، سْ هَادْ يَهُوذَا، يَانْ غْ سِينْ دْ مَرَاوْ لِي، يُوشْكَادْ إِمُونْدْ دْ يَانْ أَكْدُودْ إِكُوتْنْ نْ مَدْنْ أَسِينْدْ سَيُوفْ دْ إِكُورَائِينْ، أَزْنَتْنَدْ إِرِيَاسْنْ نْ إِنْبَدَادْنْ دْ إِمْغَارْنْ نْ تَمَزِرْتْ. <sup>47</sup> إِفْكْ أَسْنْ وَلِيَتْ إِزْنَرَانْ يَاتْ تَمَتَّارْتْ إِنَّايسْنْ: «وَلِي مِ رَادْ سُودْنُخْ نَتَانْ أَتْ إِكَانْ. أَمْرَاتْ». تِري يَانْ نِيتْ أَدْ يُوشَكَا يَهُوذَا دَارْ يَسْوُعْ إِنَّايسْ: «سَلَامْ فَلَاكْ أَسِيدِي!» إِسْوَدْنْ أَسْ. <sup>48</sup> إِنَّايسْ يَسْوُعْ: «أَيْوَا أَيْسَمُونْ، إِزْدْ مَيَادْ أَفْدْ تُوشْكِيتْ؟» أَشْكَنْدْ إِلَمَا وَلِي كَنِينْ إِفَاسْنْ نَسْنْ سْ يَسْوُعْ، أَمْرَنْتْ. <sup>49</sup> إِكْنْ يَانْ غْ وَلِي لَانِينْ دْ يَسْوُعْ أَفُوسْ نَسْ، إِسْقَدْ سَيْفْ نَسْ، يُوتْ إِسْمَكْ نْ أَرِيَاسْ نْ إِنْبَدَادْنْ، إِبِي أَمْرُوغْ نَسْ. <sup>50</sup> إِنَّايسْ يَسْوُعْ: «رَارْ سَيْفْ نَكْ سْ لَمَكَانْ نَسْ. أَشْكُو كُولْ مَادْ إِتَسِينْ سَيْفْ سْ وَيَاضْ سَيْفْ أَسْ رَايْمَتْ! <sup>51</sup> إِسْ تَغَالْتْ إِسْ أُورْ رِضَارْخْ غَلَادْ أَدْ ضَالْبَخْ إِبَابَا أَدِيَيْدْ يَازْنْ أَكَارْ نْ سِينْ دْ مَرَاوْتْ لَحْرَكْتْ نْ لَمَلَيْكَا؟ <sup>52</sup> وَلَائِنِي مَمْنَكْ زَا أَسْ رَادْ إِكْمَلْ أَيْلِي يَلَانْ غْ وَرَأْتْنْ نْ رَبِّي لِي تَتِينِينْ: إِسْدْ إِقَانْ أَيْلِي مَيَادْ؟».

غَكُودَانْ أَيْسَاولْ يَسْوُعْ سْ أَكْدُودْ لِي نْ مَدْنْ إِنَّايسْنْ: «زُونْدْ إِغْدْ تَقْوَغْمْ سْ أَمْخَارْ تَسِيمْدْ سَيُوفْ دْ إِكُورَائِينْ أَيْ تَامْرَمْ! گَلَورْخْ بَدَا دِيدُونْ كَرِيَكَاتْ أَسْ أَرْ سَلَمَادْخْ غْ لَهِيَكْ، أُورْ إِيْ زَا تُومَرْمْ. <sup>53</sup> وَلَائِنِي مَيَادْ كُلو إِلَا فَادْ إِكْمَلْ أَيْلِي يَتِيُورَانْ غْ وَرَأْتْنْ نْ لَانِيَّا». غَكُودَانْ أَتْ كُلو فَلْنْ إِمْحَضَارْنْ نَسْ رُولْنْ.

نَكْرُنْ وَلِي أُمْثِنْ يَسُوعْ، أَوِينْتْ سْ دَارْ قَيَا، أَرِيَاسْ نْ إِنْبَدَانْ لِي دَارْنْ مُونْ إِسْلَمَادْنْ<sup>57</sup>  
 نْ شَرْعْ دْ إِمْغَارْنْ.<sup>58</sup> بُطْرُسْ نَتَانْ إِضْفُورِتِينْ غْ تُوكْغُتْ سْ تَكْمِي نْ أَرِيَاسْ نْ إِنْبَدَانْ،  
 إِكْشِمْ سْ وَاكْنِسْ إِكَلْوَرْ غْ كَرْ إِمْخَرْنِينْ أَيْزَرْ مَاسْ رَادْ كَرْوَنْتْ.<sup>59</sup> إِرِيَاسْ نْ إِنْبَدَانْ دْ  
 إِمْغَارْنْ نْ أُكْرَاوْ كَلُوتْ نَتَتِي أَرْ سِكِيلْ كِرَانْ تُوكَانْ زُورْ فْ يَسُوعْ مَافْ أَتْ نَقَانْ،<sup>60</sup> مشْ  
 أُورْتَتْ أَفِينْ. مَقَارْنْ أُشْكَانْ كِيْكَانْ دْ إِنْكَانْ نْ زُورْ، أُورْتَتْ أَفِينْ. وَلَا يَنْيِ إِسْ إِكْرَا أُشْكَانْ  
 سِينْ إِنْكَانْ نْ زُورْ،<sup>61</sup> نَانْ أَسْنْ: «هَانْ أَرْكَازْ أَدْ أَرْ إِتِي: نَكِي ژَضَارْخْ أَدْ خُلوْخْ لَهِيْكَلْ نْ  
 رَبِّي بِتُوكْتْ غْ كَرَاضْ أَسَانْ».<sup>62</sup> إِيدْ أَرِيَاسْ نْ إِنْبَدَانْ إِسْقَسَاتْ إِنِيَسْ: «إِزْدْ أُورَالَكْ رَأْ  
 تَوَاجِبْتْ سْ يَاتْ؟ مَتَّا تُوكَأْ أَدْ فَلَاكْ أَكَانْ غُويْد؟»<sup>63</sup> وَلَا يَنْيِ يَسُوعْ أُورْ سَرْسْ إِسَاوْلْ.  
 إِسْقَسَاتْ دَاخْ أَرِيَاسْ نْ إِنْبَدَانْ إِنِيَسْ: «كِيْخْ سِرْكْ رَبِّي لِي يَدْرِنْ إِغْ أَخْ أُورْ تَتِيتْ: إِزْدْ  
 كِيْبِينْ أَيْكَانْ لَمْسِيْحْ بِوْسْ نْ رَبِّي؟»<sup>64</sup> إِنِيَسْ يَسُوعْ: «غُمْكِلِي سْ تَتِيتْ! أَرَأْنْ دَاخْ تَتِيخْ:  
 غَمْنْ غَلَادْ أَرَادْ تَنَايْمْ بِوْسْ نْ أَفَكَانْ إِكَلْوَرْ غْ أَفَاسِيْ نْ رَبِّي لِي دَارْ لَجَهْدْ، يَاشْكَدْ فْ أَمْدُلُو نْ  
 إِكْنَوَانْ».<sup>65</sup> إِيْ نِيتْ أَرِيَاسْ نْ إِنْبَدَانْ تِيمِلْسَا نِسْ إِنِيَسْ: «أَوَالْ نْ لَجَهَالْتْ أَيَادِ! مَامْ سُولْ  
 نِرَا إِنْكَانْ؟ هَتِي تَسْفَلْدَمْ إِلْجَهَالْتْ نِسْ!»<sup>66</sup> مَادْ أَوْنْ إِضْهَرْن؟» نَانْ أَسْ: «غُونَا إِرْوَرَادْ  
 لَمُوتْ!»<sup>67</sup> أَرْ إِلْمَا سُفُوسْ فْ أُودْمْ نِسْ، أَرْتْ كِيْتِنْ سْ تُوكِمِينْ، أَرْتْ كِيْتِنْ وِيَاضْ سْ  
 إِمْرِيقَنْ،<sup>68</sup> أَرَاسْ تَتِينْ: «أَيْوَا تَكَشَافْ أَخْ الْمَسِيْحْ، مَاكْ يُوتْن؟».  
 بُطْرُسْ نَتَانْ إِكَلْوَرْ نِيتْ غْ أَسَرَاكْ نْ تَكْمِي سْ دَارْسْ تُوشْكَا يَاتْ تَوَأِيَا تَتِايِسْ: «أَلَا كِيْ<sup>69</sup>  
 تَكْتِسْتَنْ دْ يَسُوعْ الْجَلِيلْ!»<sup>70</sup> إِنَاكْ بُطْرُسْ غْ لَكْدَامْ نْ مَدْنْ إِنِيَسْ: «هَانْ أُورْ سَنْخْ مَافْ  
 أَتَسَوَالْتْ!»<sup>71</sup> لَيْغَدْ إِلْمَا إِفْغْ سْ أَعْكَمِيْ، تَشْرِتْ يَاتْ تَوَأِيَا يَضْنِينْ تَتِايِسْ إِوْلِي لَانِينْ عَيْنِ:  
 «هَانْ أَلَا غُواَدْ إِلَا دْ يَسُوعْ أُونَاصِرَا!»<sup>72</sup> إِنَاكْ دَاخْ بُطْرُسْ إِكَالْ إِنِيَسْ: «نَكِينْ هَانْ أَرْكَازْ  
 نَا أُورْتْ سَنْخْ».<sup>73</sup> يَانْ إِمِيكْ أَشْكَنْدَنْ وَلِي بِنْتِينْ غَيْنْ سْ بُطْرُسْ نَانْ أَسْ: «أُورْ كِيسْ شَكْ إِسْ  
 كِيسْنْ تَكِيتْ أَلَا كِيْ، أَشْكُو أَوَالْ نَكْ أَكِيدْ إِسْبِيَانْ!»<sup>74</sup> أَرْ إِلْمَا إِتَّعَالْ بُطْرُسْ أَرْ إِتَّكَلَأْ أَرْ  
 إِتِيْ: «نَكِينْ هَانْ أُورْ سَنْخْ أَرْكَازْ نَا!» تَرِي يَانْ نِيتْ أَغْ إِسَاوْ أَفُولُوسْ.<sup>75</sup> إِكتِيدْ إِلْمَا  
 بُطْرُسْ أَوَالْ لَيْ سَاسْ إِنَا يَسُوعْ: «إِغْتَا أُورْ إِسَاوْ أَفُولُوسْ رَايْ تَناكْرُتْ كَرَاطْ تَوَالْ». إِفْغَدْ  
 سْ بَرَّا أَرْكِيسْ يَلَا إِمْطَاؤْ حَرَانِينْ.

## إِفْرِ وِيسَ عَشْرِينَ دْ سَا

<sup>١</sup> زِيَكَ صِبَاحْ مُشَوَارَنْ كُلُو إِرِيَاسِنْ نْ إِنْبَادِنْ دْ إِمْغَارَنْ نْ تَمَزَرْتْ فْ يَسُوعْ أَتْ نَغْنْ،<sup>٢</sup> كَرْفَنْتْ أَوِينْتْ فَكَنْتْ إِلْحَاكْ بِيلَاطْسْ لِبُونْطِي.

<sup>٣</sup> لِيغْ إِزْرَا يَهُوذَا لِيتْ إِزْنَانْ لَحُوكْمْ إِتُوتْ فْ يَسُوعْ، تَكْرَازْتِيدْ إِلْمَا إِنْكَرْ إِرَارْ عَشْرِينَ دْ مَرَاوْتْ نْ تَرِيالْتْ لِي نْ نَقْرَتْ إِرِيَاسِنْ نْ إِنْبَادِنْ دْ إِمْغَارَنْ<sup>٤</sup> إِنِيَسِنْ: «عَصِيَخْ أَشْكُو زَنْزِيَخْ إِلْمُوتْ أَرْكَازْ أُورْ أَكَ إِسْكَرْ يَاتْ». نَانْ أَسْ: «مَاكَ زَا نُرَا، ضَبَرْ إِيَخْ فْ نَكْ!»<sup>٥</sup> إِدُو إِلْوَحْنْ نَقْرَتْ لِي غْ صَنْدُوقْ نْ لَهِيَكْلُ، إِفْتو إِكْنَ تَسَخِيَتْ إِيَخْ نَسْ.<sup>٦</sup> أَسِينْدِ إِرِيَاسِنْ نْ إِنْبَادِنْ نَقْرَتْ لِي نَانْ أَسْ: «أُورْ إِحْلِي أَسْتِينْ نَلُوحْ غْ صَنْدُوقْ، أَشْكُو أَتِيكْ نْ إِدَامَنْ أَتَكَا!»<sup>٧</sup> دُونْ مُشَوَارَنْ سَغْنْ سَرْسْ إِكْرَنْ بُويَدِقِي، سَكْرُنْ كِيسْ أَسْمَضْلُنْ نْ إِمْزَانْ.<sup>٨</sup> مَيَادْ أَفْ تَتِينْ إِيَكْرَنْ «إِكْرَنْ إِدَامَنْ» سُولْ سْ غَسَادْ.<sup>٩</sup> غَكُودَانْ أَدْ إِكْمَلْ أَيْلِي سْ يَادْ إِنَّا نَبِيِ إِرْمِيَا: «أَسِينْدِ عَشْرِينَ دْ مَرَاوْتْ نْ تَرِيالْتْ نْ نَقْرَتْ لِي يَكَانْ أَتِيكْ نْ وَلَيِ مِكَانْ أَيْتْ إِسْرَائِيلْ أَتِيكْ.<sup>١٠</sup> فَكَنْتْ فْ إِكْرَنْ بُويَدِقِي مَيَادْ أَفِي يُوصَا رَبِّي».

<sup>١١</sup> إِبِيدْ يَسُوعْ غْ لَكْدَامْ نْ لَحَاكْمْ. إِسْقَسَاتْ لَحَاكْمْ لِي يِنَّايسِنْ: «إِزْدْ كِيَيْنْ أَيْكَانْ أَكْلِيدْ نْ وَدَائِنْ؟» إِنِيَسِنْ يَسُوعْ: «غَمْكُلِي سْ تَتِيتْ!»<sup>١٢</sup> أَرْ سَرْسْ تَشَكَانْ إِرِيَاسِنْ نْ إِنْبَادِنْ دْ إِمْغَارَنْ، نَتَانْ إِفْسَا أُورَاسِنْ إِوَاجْبْ. <sup>١٣</sup> إِنِيَسِنْ بِيلَاطْسْ: «إِزْدْ أُورَا تَسْقَلِيتْ مَنْشَكْ نْ تُوكَأَ أَيَادْ فَلَّاكْ أَكَانْ؟»<sup>١٤</sup> يَسُوعْ أُورَاسِنْ يَدَلِي بُواجْبْ فْ يَاتْ، أَيْلِيغْ أَكَا سُولْ إِتَعْجَابْ لَحَاكْمْ لِي.

<sup>١٥</sup> أَرَاكِيدْ لَحَاكْمْ إِسْمِيَارْ أَسْنْ أَدْ أَسْنَدْ إِتُورِزُومْ غْ كُرِيَكَاتْ لَعِيدْ إِيَانْ غْ وَلِي رَانْ غْ إِحْبَاسِنْ.<sup>١٦</sup> يِلِي دَارْسِنْ غَكُودَانْ يَانْ أَحْبَاسْ إِتِيوُسَانْ إِكْ إِسْمْ نَسْ بَارَابَاسْ.<sup>١٧</sup> لِيغْ مُونْ مَدَنْ، إِسْقَسَاتْنْ بِيلَاطْسْ: «مَانُوا تَرَامْ أَدَأَوْنْ أَسْنْ رِزْمُخْ؟ إِزْدْ بَارَابَاسْ، نَغْدَ يَسُوعْ لِي مِ تَنِينْ لَمَسِيَخْ؟»<sup>١٨</sup> أَشْكُو إِسْنْ إِزْدْ إِسْ كَا حَسَادِنْ يَسُوعْ، غَانْ أَفَاسْتْ إِوِينْ.<sup>١٩</sup> لِيغْ إِكَأَورْ بِيلَاطْسْ غْ لَكُورْسِي نْ لَمَحْكَما، تَصْرُفْنْ سَرْسْ تَمَغْرَتْ نَسْ تَتَائِسْ: «هَانْ أَدْ أُورْ تَسْكَرْتْ يَاتْ إِوْرَكَازْ نَا إِصْلَحْنْ، أَشْكُو غَسَادْ رُفُونْخْ بَهْرَا غْ تُورَكِيَتْ إِنُو فْ سَبَّتْ نَسْ».<sup>٢٠</sup> وَلَائِنِي إِرِيَاسِنْ نْ

إِنْبَدَادِنْ دْ إِمْغَارْنْ سَنْكَرْنْدْ فَلَّاسْ مَدَنْ لَيْنْ مُونِينْ باشْ أَدَاسْ ضَالْبَنْ أَيْسِنْدْ إِرْتَمْ إِيَارَابَاسْ إِنْغْ إِلْمَا يَسُوعْ.<sup>21</sup> إِسْقَاتِنْ لَحَاكْمْ إِنَّايسِنْ: «مَانُوا تَرَامْ غْ سِينْ أَدْ أَدَأْوَنْ أَسْنْ رَزْمَخْ؟» وَاجْبَنْ نَانْ أَسْ: «بَارَابَاسْ!»<sup>22</sup> إِسْقَاتِنْ إِنَّايسِنْ: «مَارَازَا سَكْرْخْ إِيَسُوعْ لَيْ مِ تِينْ لَمَسِيحْ؟» وَاجْبَنْ أَسْدْ كُلُوتْنْ نَانْ أَسْ: «أَوِيتْ أَيْتَصْلَبْ!»<sup>23</sup> إِسْقَاتِنْ لَحَاكْمْ لَيْ: «مَانْ لَمَعْصِيَتْ إِسْكَرْ؟» زَايْدَنْ إِلْمَا غْ تَغُوِيَتْ نَسْنْ أَرْتِينْ: «أَوِيتْ أَيْتَصْلَبْ!»<sup>24</sup> لَيْغْ إِرْرَا بِيلَاطْسْ إِخْفْ نَسْ أُورْ سُولْ إِسْوَگْرْ يَاتْ، إِرْرَرَاثَا نَسْنْ أَرْ تَرِيَادْ، يَسِيدْ أَمَانْ إِسِيرْدْ إِفَاسِنْ نَسْ غْ لَكْدَامْ نْ مَدَنْ إِنَّايسِنْ: «نَكِي هَانْ تَبْرَاخْ غْ إِدَامَنْ نْ صَالِحْ أَدْ! هَتِي ضَبْرَاتْ دِيدْسْ!»<sup>25</sup> وَاجْبَنْ أَسْدْ كُلُو مَدَنْ لَيْ نَانْ أَسْ: «أَجْ إِدَامَنْ نَسْ أَتَنْ نَسِي فْ إِمْكَرَاضْ نَخْ دْ وِينْ تَرَوَا نَخْ!»<sup>26</sup> غَكُودَانْ أَدْ أَسْنْدْ إِرْتَمْ إِيَارَابَاسْ. إِشْ أُوكُرَايْ إِيَسُوعْ، إِفْكْ أَسْنِتِيدْ إِلْمَا أَتْ صَلَبْنْ.

<sup>27</sup> أَوِينْ لَعْسَكْرْ نْ لَحَاكْمْ يَسُوعْ سْ لَقْصَرْ نْ لَاحَكَامْ، سَمُونَدْ كُلُو فَلَّاسْ لَفَرْقَتْ نْ لَعْسَكْرْ. كَسْنْ أَسْ تِيمْلَسَا لَيْ يِيلْسَا، لَسْنْ أَسْ يَاتْ تَمْلِسِيتْ تَرْكَاغْتْ،<sup>29</sup> رَطَانْ يَانْ تَاجْ نْ إِسْنَانْ كَنْ أَسْتْ فْ إِكِي نْ إِخْفْ، كَنْ أَسْ يَاتْ تَكُورَائِيتْ غْ أَفُوسْ نَسْ أَفَاسِيْ، أَرَاسْ تَبْنَدَاقْنْ أَرْكِيسْ ضَصَانْ أَرَاسْ تِينْ: «سَلَامْ فَلَّاكْ أَيْكَلِيدْ نْ وُدَائِنْ!»<sup>30</sup> أَرْ فَلَّاسْ سُعْوَسْنْ، كَسْنْ أَسْ تَكُورَائِيتْ لَيْ، أُوتَتْ سَرْسْ غْ إِخْفْ.<sup>31</sup> لَيْغْ كِيسْ شَبْعَانْ تَضَصَّا، كَسْنْ أَسْ تَمْلِسِيتْ لَيْ لَسْنْ أَسْ تِينْسْ، أَوِينْتْ أَتْ صَلَبْنْ.

<sup>32</sup> لَيْغْدْ فَغْنْ غْ تَمْدِنْتْ، لَمُوقُورْنْ يَانْ أَرْكَازْ أَقْيِرَوَانْ إِكَا سْ إِسْمْ سَمْعَانْ، سَغِينْ أَسْ أَدْ أَسْنْ يَسِي أَكْجِدِي نْ صَلَبِيْ. <sup>33</sup> لَيْغْنْ لَكْمَنْ غِلِي مِ تِينْ «جُلْجُثَا» لَيْ مِ إِكَا لَمْعَنَا نَسْ «لَمَكَانْ نْ تَفَنَّقْلَا». <sup>34</sup> أَسِينْدْ كَرَا نْ شَرَابْ إِخْلَضَنْ دْ مَايِرْرَأْكَنْ فَكَنْتْ إِيَسُوعْ. لَيْغْتْ إِمْضِي يِيَكِي أَتْ إِسْوُ. <sup>35</sup> لَيْغْتْ صَلَبْنْ، بَضُونْ إِلْمَا تِيمْلَسَا نَسْ كَنِينْ فَلَّاسِنْتْ أَصْغَارْ، فَادْ إِكْمَلْ وَوَالْ نْ نَبِي لَيْ يِيَانْ: «بْضَانْ تِيمْلَسَا نُو گَرَاتِسْنْ، كَنِينْ أَصْغَارْ فْ إِلْبَاضْ إِنُو». <sup>36</sup> گَاوْرَنْ إِلْمَا ضُوفَنْتْ غِينْ. <sup>37</sup> أَرَانْ غْ يَاتْ تَلَوْحَتْ غْ أَفْلَانْ إِخْفْ نَسْ: «غَوَادْ أَيْكَانْ يَسُوعْ، أَكْلِيدْ نْ وُدَائِنْ». إِكْ مَيَانْ سَبَا لَيْ فَتْ صَلَبْنْ.<sup>38</sup> صَلَبْنْ دِيدْسْ سِينْ إِمْخَارْنْ، يَانْ غْ أَفَاسِيْ نَسْ، دْ يَانْ غْ أَزْلَمَاضْ نَسْ.

أَرْتُ رِكْمَنْ وَلِي زَرِينِينْ، أَرْ سُمْسُونْ إِخْفَوْنْ نَسْنْ <sup>40</sup> أَرْتِتِينْ: «أَيْوَا أَولَى رَا إِخْلُو لَهِيَكَلْ<sup>39</sup>  
إِبْنُوتْ غْ كَرَاصْ أَسَانْ، جِنْجَمْ إِخْفْ نَكْ! إِغْ تِكِيتْ يِوْسْ نْ رَبِّي تُكُوزْدَ غْ إِكِي نْ صَلِيبْ!»  
أَرْكِيسْ ضَصَانْ إِرِيَاسْ نْ إِنْبَادَنْ أَلَا نَتِي دْ إِسْلَمَادَنْ نْ شَرْعْ دْ إِمْغَارْنْ أَرْتِتِينْ: <sup>41</sup>  
«إِجْنَجْمْ وِيَاضْ، وَلَائِنِي إِخْفْ نَسْ أُورْ إِرْضَارْ أَتْ إِجْنَجْمْ! إِغْ إِكَّا أَكْلِيدْ نْ إِسْرَائِيلْ إِكَرْدْ  
غَلَادْ غْ إِكِي نْ صَلِيبْ أَسَرْسْ نَامْنْ! <sup>43</sup> يَاكْ إِتَكْلْ فْ رَبِّي، أَوَا إِجْنَجْمِيتْ غَلَادْ إِغْتْ إِرَا!  
أَشْكُو أَرْ إِتِي: نَكِينْ أَيْكَانْ يِوْسْ نْ رَبِّي!» <sup>44</sup> أَرْتُ رِكْمَنْ إِمْخَارْنْ لِي دِيَدْنْ تَصْلِبِينْ أَرَاسْ  
تِتِينْ أَلَا نَتِي غَمْكَانْ.

تُشُومْتْ نْ وَاسْ، ضَرِنْتْ تَلَاسْ فْ وَكَالْ أَنْ كُلُوتْ أَرْ تِيسْ كُرَاطْ سُوايْعْ غْ تَدْكَاتْ. <sup>45</sup>  
لَيْغْ عَلَائِنْ أَلَّاكْمْ تِيسْ كُرَاطْ سُوايْعْ، إِكْسْ يِسْوَعْ يَاتْ تَغُويَتْ أَرْ إِتِي: «إِلِي، إِلِي لِما  
شَبَقْتِي؟» إِكْ لَمْعَنَا نَسْ: «رَبِّي، رَبِّي مَاخْ أَدِي نَقْلتْ؟» <sup>47</sup> سَقْلَنْ أَسْ كَرَانْ مَدَنْ لِي بَدَنِينْ  
غَيْنِ، نَانْ: «هَتِي نَبِي إِلِيَّا أَيَانْ مِ يَقَرَا!» <sup>48</sup> يَازَلْ يَانْ كِيَتِسْنْ غْ تَسَاعْتْ أَنْ نَيْتْ، يِسِيدْ كَرَانْ  
لُبُونْجْ إِعْمَرْنْ سْ لَخْلَ، إِسْتَغِيتْ غْ يَانْ أَغْنِيمْ إِفَكْ أَسْتِينْ أَتْ إِسُو. <sup>49</sup> نَانْ أَسْ وِيَاضْ: «أَجَاتْ  
أَنْزَرْ إِسْ رَادْ يَاشْكْ إِلِيَّا أَتْ إِفُوكُو». <sup>50</sup> إِكْسْ دَاخْ يِسْوَعْ يَاتْ تَغُويَتْ مَقْوَرْنْ، إِفْغَتْ إِلْمَا  
رُوحْ.

إِبْصُو أُسْنَتْلْ نْ لَهِيَكَلْ فْ سِينْ غَمْنْ أَفْلَا أَرْ إِزْدَارْ، يِلِي زَنْزَالْ، سَتْغَنْ إِجْرِيفْنْ، <sup>52</sup> رِزْمَنْ  
لَقْبُورْ، نَكْرِنْدْ كِيَكَانْ دْ أَيْتْ رَبِّي غْ لَمُوتْ، <sup>53</sup> فَغَنْدْ غْ لَقْبُورْ لِيغْ إِنْكِرْ يِسْوَعْ غْ لَمُوتْ، كَشْمَنْ  
سْ تَمْدِنْتْ إِتِيَوَقْدَسْنْ ژَرْتِنْ كِيَكَانْ دْ مَدَنْ. <sup>54</sup> لَقِيَدْ نْ مِيَّا لِي يِضْوَفْنْ يِسْوَعْ نَتَانْ دْ إِعْسَكْرِينْ  
نَسْ لَيْغْ ژَرَانْ زَنْزَالْ دْ أَلِيَّيْ كُلُو إِجْرَانْ، إِكْصَاصَنْ بَهْرَا أَرْتِتِينْ: «أُورْ كِيسْ شَكْ إِزْدْ يِوْسْ  
نْ رَبِّي أَيْكَا غَوَادْ!» <sup>55</sup> إِلِيَّنْ كِيَكَانْ تَمْغَرِينْ غْ تُكُوكْتْ أَرْدْ سَمْقُولَنْتْ، گَنْتْ تَمْغَرِينْ أَدْ تَلِيَتْ  
ضَقْفُورِنِينْ غَمْنْ لَجَلِيلْ أَرْتْ صَنْصِيفَنْتْ، <sup>56</sup> تِلِي دِيَدْسِنْتْ مَرِيمْ أُولَتْ مَجَدَلَا، دْ مَرِيمْ مَاسْ نْ  
يَعْقُوبْ دْ يُوسِي، دْ مَاسْ نْ تَرْوَانْ زَبَدي.

تَدَكَّاتْ، يَاشْكَدْ يَانْ أَرْكَازْ دَارْ لَبَاسْ غْ تَمَزِرْتْ نْ رَاما إِسْمْ نَسْ يُوسُفْ، إِكْ أَلَا نَتَانْ <sup>57</sup>  
أَمْحَضَارْ نْ يِسْوَعْ. <sup>58</sup> إِنْكِرْ إِدُو دَارْ بِيَلَاطْسْ إِصَالَبْ أَسْ دَاتْ نْ يِسْوَعْ. يَامْرْ أَسْنْ بِيَلَاطْسْ  
أَدْ أَسْتِيدْ فَكْنْ. <sup>59</sup> يِسِيدْ يُوسُفْ دَاتْ لِي، إِكْفَنْتْ غْ يَانْ لَكتَانْ إِصْقَانْ، <sup>60</sup> إِكْتِينْ غْ لَقْبَرْ نَسْ

لَجْدِيدٌ لَّيْ يَغْزَا فَإِيْخُفْ نَسْ غُ أَزْرُو، إِسْكَنُونِيْدٌ يَانْ أُزْرُو مَقْوِرْنْ فَإِمِي نْ لَقْبَرْ لَيْ، إِدُو  
إِلَمَا. <sup>61</sup> تَلِي غَيِّنَ مَرِيمَ أُولَتْ مَجْدَلَا دَمَرِيمَ أَنْ يَصْنِينْ گَاوْرَنْتْ نَكْبَالَنْتْ دَلَقْبَرْ.

لَيْدَ أَزْكَّا لَيْغَ إِزْرِي وَاسَّ لَيْغَ أَتْحِيَالَنْ إِسْبَتْ، مُونَدْ إِرِيَاسَنْ نْ إِنْبَدَادَنْ دَلَفَرِيسِيَّيْنْ دُونَ سْ  
دَارْ بِيلَاطُسْ <sup>62</sup> نَانْ أَسْ: «هَتِي نَكْتِيدْ أَسِيدِي إِسْ إِنَّا بُورْ إِيكْرَكَاسْ أَنْ لَيْغَ سُولْ إِسُولْ: إِغْ  
زَرِينْ كَرَاضَنْ أَسَانْ رَادَ نَكْرَخَ غَ لَمُوتْ. <sup>64</sup> عَلَادَ فَلَكْ لَامْزَ نَكْ إِكْرَا أَيْضُوفْ لَقْبَرْ نَسْ أَرْ  
وِيسَ كَرَاضَنْ أَسَانْ، أَدَ أُورْ أَشْكَنْ إِمْحَضَارَنْ نَسْ غَ ضَيِّيَضَنْ أَكْرَنْتْ، نَانْ إِمْدَنْ: هَانْ إِنْكَرْذَ  
غَ لَمُوتْ، جَلُونْ إِلَمَا مَدَنْ غَ إِسْ إِكْرَا أَكَارْنْ إِسْ إِزْوُورْ!» <sup>65</sup> إِوَاجْبَدْ بِيلَاطُسْ إِنَّايسَنْ: «هَا  
أَضَافَنْ، زَيَّدَاتْ تَضُوفَمْ لَقْبَرْ سْ مَكْنَا مِ تُوفَامْ». <sup>66</sup> دُونْ دُوسَنْ إِلَقْبَرْ لَيْ گَنْ فَلَاسْ أَضَافَنْ،  
گَنْ رَشْمْ فَأَزْرُو نَسْ.

28

## إِفْرُ وِيسَ عَشْرِينْ دَ تَامْ

<sup>1</sup> زِيكَ صَبَاحْ نْ وَاسَّ إِزْوُورْنْ غَ إِمَلاَسْ، لَيْغَ إِزْرِي وَاسَّ نْ سَبَتْ، تَاشْكَدْ مَرِيمَ أُولَتْ  
مَجْدَلَا دَمَرِيمَ أَنْ يَصْنِينْ أَنْ أَكَنْتْ لَقْبَرْ. <sup>2</sup> إِمِيكَ يَلِيدْ يَانْ زَنْزَالْ إِجْهَدَنْ، أَشْكُو يَانْ لَمَلَاكْ نْ  
رَبِّي إِكَرْذَ غَ إِكْنُونَ يَاشْكَدْ إِسْمَتِي أَزْرُو لَيْ يَلَانْ فَإِمِي نْ لَقْبَرْ، إِكَاوْرْ فَلَاسْ، <sup>3</sup> تَكْ  
صَيْفَتْ نَسْ زُونْدَ أَسْمَانْ، تَمَلَّلْ تَمْلِسِيتْ نَسْ زُونْدَ أَدْفَلْ. <sup>4</sup> إِكْصَاصَنْتْ وَضَافَنْ لَيْ تَسْتَنْ  
تَرْكَكَايْتْ، گَنْ زُونْدَ وَلَيْ مُوتَتِينْ. <sup>5</sup> إِسَاوْلَدْ لَمَلَاكْ أَنْ إِنَّايسَنْتْ إِتْمَغَرِينْ لَيْ: «أَدَ أُورْ  
تَكْصَاصَنْتْ، أَشْكُو سَنْخَ إِزْدَ يَسُوعْ لَيْ يَتَصَلَّبْنْ أَتْسِكِيلْمَتْ. <sup>6</sup> هَانْ أُورْ إِلَيْ غِيدْ، أَشْكُو إِنْكَرْذَ  
غَمَكْلَيْ سْ إِنَّا! أَشْكَامَدْ أَتَشَرْمَتْ غَلِيَعْ تَيْنْ إِكَا سِيدِيَتَخْ إِكْنْ گِيسْ. <sup>7</sup> زَيَّدَاتْ ثَحَرُومَتْ تَيِّمَتْ  
إِيمَحْضَارَنْ نَسْ: هَانْ إِنْكَرْذَ غَ گَرْ وَلَيْ مُوتَتِينْ. هَتِي رَأَ كَنِينْ إِزْوُورْ سْ لَجَلِيلْ، غَيِّنْ أَغْ  
رَاتْ تَشَرْمَ. عَلَادَ هَيِّ نِيَخْ أَوْنَتْ». <sup>8</sup> فَغَندَ سَنَاتْ تَمَغَرِينْ لَيْ غَ لَقْبَرْ أَنْ سْ تَزِلاَ سْ تَكْصَادَ  
دَلَفَرْ إِكُوتْنْ، أَرْ تَزَالَنْتْ أَتَيْنْ إِنِينْتْ إِيمَحْضَارَنْ لَيْ. <sup>9</sup> لَيْغَ دَانْتْ أَتَيْنْ إِنِينْتْ إِيمَحْضَارَنْ، سْ  
هَادْ يَسُوعْ إِلْمُقُورْتَنْدَ إِنَّايسَنْتْ: «سَلَامْ فَلَاؤْنَتْ». أَشْكَنْنَ سْ دَارْسْ أَمْزَنْتْ غَ إِضَارَنْ نَسْ

سْجِنْتُ أَسْ. <sup>10</sup> إِنَّا يَسْتَنْتَ يَسْوَعْ: «أَدْ أُورْ تِكْصَاصْمَتْ! زَيْدَاتْ تِنِيمْتْ إِيَيْتِمَا أَدْ دُونْ سْ لِجَلِيلْ، هَانَ غِينَ أَغْ رَايِّ ثِرْنْ». <sup>11</sup>

لِيغْ مُونَتْ سَنَاتْ تَمْغَرِينْ لِي دْ أَغْرَاسْ، أَشْكَنْدْ كَرَا غْ وَضَافَنْ لِي سْ تَمْدِنْتْ كَسْنْ لَأَخْبَارْ نْ كُولْ مَايْجَرَانْ إِيرِيَاسْنْ نْ إِنْبَادْنْ. <sup>12</sup> مُونَدْ نَتِي دْ إِمْغَارْنْ، مُشَوَّارْنْ، فَكْنِ إِلْعَسْكَرْ إِقْرِيَضْنْ گُوتِنْيَنْ، <sup>13</sup> نَانَ أَسْنْ تَتِي أَتْ أَسْنْ: «هَانَ إِمْحَضَارْنْ نَسْ أَدْ يُوشْكَانْ غْ ضَيِّضْ لِيغْ نَكْنْ أَكْرَنْتْ. <sup>14</sup> إِغْ لَكْمَنْ لَأَخْبَارْ نُونْ لَحَاكْمْ هَتِي رَادِيَسْ نَسَاوْلْ، تَلِيمْ غْ لَهْنَا». <sup>15</sup> أَمْزَنْ لَعَسْكَرْ لِي يَقْرِيَضْنْ، سَكْرَنْ أَيْلَيِّ سَاسْنْ نَانْ، إِتِيوْسَانْ إِلْمَا وَالْ أَنْ دَارْ وُدَائِنْ أَرْ غَسَادْ. <sup>16</sup>

نَكْرَنْ يَانْ دْ مَرَاوْنْ أَمْحَضَارْ لِي نُسْ دُونْ سْ تَمَرِرْتْ نْ لِجَلِيلْ سْ أَدْرَارْ لِي سَاسْنْ إِنَا يَسْوَعْ أَسَرْسْ دُونْ. <sup>17</sup> لِيغْتْ ثِرْانْ سَجْدَنْ أَسْ، وَلَائِنِي كَرَا گِيتِسْنْ إِشْكَا سُولْ. <sup>18</sup> إِمْتَيَنْ إِلْمَا دَارْسْنْ يَسْوَعْ إِسَاوْلْ سَرْسْنْ إِنَّا يَسْنْ: «هَانَ تَفَكَّتِي كُلُّو تَبَضِّيَنْ فْ مَيَلَانْ غْ إِكْنَوَانْ أَلَا أَكَالْ. <sup>19</sup> زَيْدَاتْ أَرْ تَسْلَمَادْمْ لَكْنُوسْ كُلُّوتْنْ، أَرِتِنْ تَعْمَادْمْ سْ إِسْمْ نْ بَابَا دْ يَوْسْ دْ رُوحْ لَقْدُسْ. <sup>20</sup> أَرَاسْنْ تَسْلَمَادْمْ أَدْ سَكَارْنْ سْ كُولْ مَافْكَنْ أَصِيخْ. نَكِي هَيِّ لِيغْ دِيدُونْ كَرِيَگَاتْ أَسْ أَرْ إِسْكُرَا نْ زَمَانْ».